

Waaqayyicha Bara Hamaa Si'anaa

Jeffersonville, Indiana USA
65-0801M

1 [Obboleessi keenya Ormaan Neviileen Murtee Waldaan dabarsite dubbise.]

2 Wantu hunduu ni danda'ama, amani malee;

Amani malee, amani malee,

Wantu hunduu ni danda'ama,...malee.

Mee mataa keenya gadi haa qabannu.

Jaallatamaa Abbaa keenyaa isa Waaqa irraa, amanuu danda'uu keenyaaf ganama kana si galateeffanna. Kunis kana danda'ame dhiiga ilma kee Yesus isa dhangala'eeni, isaan hirmaattuu ayyaana isaa taane; du'a fannoo isaatiin ilmaanii fi intaloota Waaqayyoo taane, du'aa ka'uu isaatti amanuu keenyaan qajeelota taane, amma immoo hafuurri Qulqulluun keessa laphee keenyaatti copheera.

Ganama kana carraa asitti argamnee yaada keenya walii qooduu, kabaja siif qabnu faarfannaadhaan, dhugaa ba'uudhaan, faarfanna dubbisuudhaan, Sagalee kee dubbisuudhaan, yaada cabaadhaan Ergaa bara dhumaa kanaaf si biraa kennname isa Hafuurri Qulqulluun nu biraan ga'uuf jedhu eeggachaa jiraachuu keenyaaf si galateeffanna. Isa kana nu harkaa fudhadhu, yaa Gooftaa. Har'a as jiraachuu keenyaan fayyadamaa haa taanu. Mana kana gadi dhiifnee yeroo deemnutti, akka warra Emaahus irraa dhufaa turanii, "Yeroo inni ganama kana nitti dubbachaa, macaafa keessatti kan caafames nuu ibsaa ture garaan keenya in raafame, mitii ree?" haa jennu. Yaa Waaqayyio isa bara baraan jiraattuu, isa kana nuuf dhaga'i, maqaa Yesus kristosiin. Ameen.

Taa'aa.

Firoottan koo warri as jirtan, ala kana as mana Qulqulummaa kana kan jirtan, akkasumas firoottan guutummaa biyyaa keessa jirtan, warri karaa galoo dhihaatiin jirtan, ammas warri galoo bahaatiin jirtan, karaa kaabaa fi kibbaatiin warri jirtan, warri toora bilbilaa irra jirtan, hundumti keessan, nagaan bultanii?

As Idiyaanaadhaa guyyaa namtti tolidha, duumeessa haphataa kan qabuu fi qilleensa qabbana'aa dha. Manni Qulqulummaa, alli oobdiinis, manni jallis naan'ee namootaan guuteera. Gooftaan akka nu biratti argamuuf, nuyi guyyaa har'aa dhimminee isa eeggachaa jirra. Waaqayyo bakka jirtan hundumaatti guyyaa gaarii isiniif kenneera jennee abdanna. Guyyaan gooftaan namaaf kenuu, guyyaa gaarii ta'a. Haalli qilleensa isaa kam yoo ta'e illee, guyyichi gaarii in ta'a. asitti argamuu keenyatti in gammadna, amantii Yesus Kristos irraa qabnu biyya lafaatti agarsiisuu carraa argachuu keenyatti in gammadna. Carraaa inni nuuf kennetti gargaaramnee jaalala inni nuuf qabuu fi waan inni nuuf godhe ibsachuu barbaanna. Nuyi har'a...

3 Yeroo muraas dura beeksisa akkan dhi'eessuuf carraan naaf kennamee ture, isa keessaas waanan dubbachuu barbaadu tokkon argadhe. Isaan keessaa inni tokko, beeksisa waa'ee wal ga'ii boordii galgala dheengaddaa ture. Waldaa Ariizoonaatti argantu irraa kan dhufe diyaaqon tokkotu ture, innis obboleessa keenya Kooliinsi yoo ta'u, inni nama kabajamaa nuyi qabnu dha. Yeroo inni hin jiraannetti, yeroo inni deemu bakka isaa kan bu'u obboleessa keenya ChaarleeKooksi muudameera. Obboleessi keenya Chaarlee Kooksi ifatti boordii diyaaqonootaa fi faayinaansii Waldatittiin kan muudame yoo ta'u, bakka obboleessa keenya Kooliinsi bu'ee, iddo inni hin jirretti in hojjeta.

4 Wanti ani deddeebi'ee jechuu barbaadu, sababa namoonni baay'een tarii galgala kana sagantaa fayyinaa dura gara mana isaanii deemuu danda'aniif, milikkita, kennaa babbaareedaa nuuf fiddanii dhuftaniif hundumaa keessan galateeffachuun barbaada. Erga as dhufnee jalqabee nyaata baay'eetu dhufaa ture. Anii fi haati koo, maatiin koos dhugaadhumatti isin dinqisiifanna. Yeroo baay'ee waa'ee kanaa dubbachuu nan irraanfadha. Baay'ee akka hojiin anatti baay'atu ni beektu. Sammuun koo yeroo hundaa natti naanna'aa oola. Waa'ee kanaa yaaduu dandeessu, namoota as Waldaa kana keessa jiran qofaa utuu hin ta'in, namoonni guutummaa adduyaa keessa jirtan xiinxaluu dandeessu. Hubattanii? Yeroo hundumaa waan sammuu nama naannessu nama

keessatti uuma.

Namni ta'e waa'ee daa'imman eebbfamanii, namni cuuphamu jiraachuu fi waan kana fakkaatu dubbachaa ture. Inni kun baay'ee gaarii dha. Utuun raawwadhee natti tola ture, garuu waanan raawwadhu miti, dhugaadhumatti yeroo hin qabu. Yaada koo ergaa kana irra kaa'uun barbaade. Akkuma beektan Macaafni Qulqulluun ergaamootaan, yookiin...Ergamoonni Macaafa keessatti akkuma dubbatan, "Yaa obbolootaa, nmoota hojii kana itti kenninu, warra maqaa gaarii qaban, warra Hafuura Qulqulluunii fi ogummaan keessa guute, of keessaa barbaadaa, isaan hojii kana akka hojjetaniif" in jedha. Kannaf Ani Biiliidhaan...

Inni, "Abbabbaa, sa'atii kanatti Mucoolii eebbisuuf deemtaa?" jedhee na gaafate.

Ani immoo, "Oo yaa anaa!"n jedhe. Argitanii? Yoo... baay'een isaanii eebbaaf eeggachaa akka jiran argaa jirra, inni kun sirrii dha, guyyaa addaa eeba daa'immaniitiif qabadhee deebi'uutu narra jira. Amma akka kanatti murteessuufan dirqame.

5 Garuu tokkoon tokkoon keessan garaa keenya irraa fudhanee isin galateeffachuu barbaanna; ani, haati manaan koo, fi maatiin koo hunduu. Namooni nyaata saamsamaa kanneen akka loozii, waatermeeloonii, isterooberii faa fidaniiru. Waan yaada isaaniitti dhufe hundumaa fidaniiru.

Obboleessi keenya jaallatamaan tokkoo fi obboleettiin isaa, dheengadda ittoo indaaqqoo guddaa tokko nuuf fidan. Amma iyyuu isa irraa nyaachaan jira. Kanaaf dhugaadhumatti...Oo, utuun hin deemin dura nyaadhee fixuun qaba jedheen yaada. Yoon fixuu dadhabe immoo, isheen nuu wajjin fuutee galti. Kanaaf nuyi... Waan kana hundumaaf, dhugaadhumatti isin dinqisiifanna. Namoota kana godhan baay'ee isaanii nan beeka; muraas isaanii immoo hin beeku. Isaan yeroo nuyi dhufne vaarandaa jala turan. Dhugaadhumatti isaan dinqisifadheera.

Baay'ee isaanii nan beeka. Ani...baay'ee isaanii argeera, kanneen ani arguu hin dandeenyes baay'ee dha. Dhugaadhumatti utuun nama hundumaa bira ga'ee tokko tokkon dubbisee akkan jaalladhu name hunduu in hubata jedheen yaada, garuu ani nama tokko qofa. Hubattanii? Gara...Hundumaa bira ga'uu hin danda'u. akkamitti akka hojjetan waanan beeku hundumaa hojjechaan jira.

6 Kanaaf, Waaqayyo isinii wajjin haa ta'u. namni tokko isinii wajjin akka ta'u nan amana; innis Yesus Kristosi dha, inni danda'aa dha. Kan iddo hundumaa jiraachuu danda'u isa qofaa dha. Akkasumas inni isa hundumaa danda'u dha, kanaaf inni waan nu barbaachisu hundumaa nuuf in kenna. Inni isa hundumaa beekuudhas, inni waan isin barbaachisu in beeka, maaliif akka barbaadamtanis in beeka.

Nama hundumaa kanan abboomu, ani hin... hamman danda'etti ganama kana irraa jalqabee, namootan quunnamuu danda'u bira ga'eera, sichittis hamman danda'eetti namoota nan quunnama. Yoo... Naman bira hin ga'in, Waaqayyo inni hundumaa danda'u akkataa ulfina arjummaa fi badhaadhina isaatti, waan isiniif barbaachisu isiniif haa kennu.

[Obboleessi keenya Branhaam, gidduudhaa obboleessa keenya Neviileetti haasa'aa jira.] Barreeffamichi akka gaariitti naaf hindubbifamu. Dubbisuu dandeessuu?

Kutaa beeksisa barbaachisaa ta'e tokko dha. Kana kan barreesse Biili Paawul ta'u qaba. Innis akkuma kooti; ani barreeffamu koo iyyuu dubbisuu hin danda'u. ani mallattoo barreeffama bakka bu'u kan dhuunfaa kootiin qaba. Utuu barreeffama koo kana argitanii dubbiftanii bara nan hubadha jettanii yaadduu? [Obboleessi keenya Branhaam, barreeffama isaa amantootatti agarsiisee, isaanii wajjin kolfe.] Mallattoo urjii, fannoo, riqichaa fi kannee biroo, waan hundumaa...

[Obboleessi keenya Neviileen beeksisicha dubbise.]

Obboleessi keenya Ade'iir, Ade'iir nama Arkansas, battalumatti kabajamoo Piirii Griin, boroo waldaatiin jiru arge. Tole haa'u egaa.

7 Amma egaa, waan kan biraan ani galgala kana beeksisu barbaadu waa'ee taajijila fayyinaati. Galgala kana namoota dhukkubsataniif kadhachuu jirra, kanaaf hundumti keessan asitti argamtu jedheen amana.

Namoota biyya hundumaatti argamataniif, maqaa Gooftaa Yesusiin nagaa isiif dhaamuu barbaadna, ganama kana Waaqayyo isin in eebbisa. Baay'een keessan gara waareetti deemaa jirtu. Niwu Yoorkitti amma yeroon gara waareeti. Ariizoonaatti, galoo

dhihaatti, amma sa'aatii tokko dha. Kanaaf... Nuyi immoo asii giddu galeessa irra jirra. Akkuma nu dhaggeeffataa jirtan, Waaqayyo baay'isee isin haa eebbisu. Egaa inni kun tarii...

Isa kana garaa kootti qabadheen, yeroon as jiraachaa jirutti...

8 Eyyama galmaa nu dhowwatani turan, dhuma irraati akka nuuf eyyamuu godhanii, sagantaa tokko qofaa akka qabaanuu fi dhukkubsattoottaaf akka hin kadhanne taasifamne. Ani hin... Inni kun kennaa tajaajila kootiiti. Waan Hafuurri Qulqulluun akkan godhuuf na ajaju qofa gochuutu narra jiraata. Kanaaf isa nan dide, sababiin isaa waan Hafuurri Qulqulluun godhi naan jedhu kami illee bilisummaadhaan gochuu waanan barbaaduuf. Hubattanii? Kanaaf, waan fedhe iyyuu haa ta'uu guyyaa dabalataa tokko fudhanneeasu mana Qulqullummaa keessatti itti rakkachuu wayya jedheen yaade. Ganamni kun immoo baay'ee qabbana'aa dha. Waaqayyo har'a asitti guyyaa gaarii nuuf godheera, kanaaf Waaqayyo galateeffanna,

9 Egaa, kana gochuudhaan, dhimmi ani dhufef waciitii isa dhumaa, waciitii dhumaa isa torbaffaa, fi malakata isa torbaffaa, fi gungummii qaqaawwee isa torbaffaa macaaf Mul'ataa keessan jiran bara dhumaa amma keessa jiraachaa jirruu wajjin walitti hidhee isin barsiisuufi; banaa mallattoo isa torbaaffaa duukaa bu'uun, bara Waldaa torbanii duukaa bu'aa dha. Kana gochuuf immoo dursinee galma argachuu qabna. Kanaaf, abdiin qaba akkuma naaf danda'ametti...bakka isa kanaaf ga'aa ta'e as Laawusviilee keessaa yookiin, Niwu Albaaniitii argachuu dandeenyaa, yookiin dunkaana dhisnee hamma Waaqayyo nu geggeessetti achi keessa turra.

Garuu amma as keessatti, amantiin Waaqayyo irraa qabuun carraan argadhe sabatti ibsee, sana booda bara amma jiraachaa jirru keessatti isin fiduun barbaada. Kunis immoo, dibata nama kamiitii, seera Waldaa kamiitiin kan kenname miti; inni dhugaadhumatti akkan Sagalee Waaqayyoo argetti kan kaa'amee dha. Dilbata darbe Hafuurri utuu haala gaariidhaan Sagalicha irratti roobuu hirmaachaa turre. Yeroon isaa baay'ee dheeraa ture, yeroo dheeraa akkasii turuu nan jibbe; garuu amma iyyuu yeroon keenya isheen yeroo xumuraatiif itti wal arginu yoom akka taate hin beeknu. Kanaaf nuyi diqama, akka...ta'uu barbaanna. Ani garuu kana ta'uumancaa, isa Phaawulos, "Anoo fedha Waaqayyoo hundumaa isinitti labsuudhaaf hin seesne" isa jedhu ta'uun barbaada. Yesus bartoota isaa waan tokko illee akka hin dhoksin isaanitti dubbateera.

Anis akkasuma, dibata Hafuura Qulqullu jala turee jiraachuutti qabamuuf waanan yaaluu, yeroon kun maal akka ta'e, Ergaan bara kanaa maal akka ta'e hubachuutti qabamee waanan jiraadhuuf, yeroo baay'ee isa keessaa ba'ee akka garbicha Christoositti, akka tajaajilaa tokkootti hojii koo hojjechuun nan dadhaba. Garuu namoota dhimma kana irratti na gargaaran namoota baay'ee argadheera, isa kanaaf immoo obboloota koo tajaajiltoota hundaaf Waaqayyo nan galateeffa dha.

10 Egaa, isa kana namoota dhokee dubbachuuf hin yaalu. Isin utuu ala kana bakka ergaan kun itti tamisa'aa jiru, ganama kana naannoo Waldaa kanaa dhaabattanii utuu ilaaltanii, karaa banaa keessa, warra daa'imman qabatanii jiran, iddo raadi'oone banametti, konkolaattota keessa utuu ilaaltanii, rakkoon jiru maal akka ta'e in hubattu. Tokkoon tajaajilaa keessatti dhiibboo baay'eetu jira; waamichaa fi waan biroofis dhaga'uu hin danda'an, yookiin naannooti dhi'aatanii hin argaman. Namootni haala mijataa keessa taa'anii akka hirmaataniif, kutaa dabalataa nu barbaachisa.

Egaa sana booda Ergaa isa bara kanaaf baay'ee barbaachisaa ta'e kana isiniifan fida, kana ta'uun akka qabnutu natti dhaga'ama, namni hunduu haal mijataa keessa yoo taa'e, akka gaariitti dhaggeeffata; waraqa fi qalama keenya, yaadannoo fi Macaafa, waan biros qabanee yaadannoo qabachuu dandeenyaa. Garuu haala kanaan, baroota dabarsinetti utuu achi deebinee jedheen yaade, keessuma jiraachaa waan isin argachuuf dharraatan keessaa muraasa as fiduuf deemaa jirra. Isaan kanas immoo argachuuf jirtu.

11 Yoo ani har'a, yookiin guyyaa biraa dhufee, yookiin tajaajilaan biraa sabaaf, saba akka keenya du'aa jiru kanaaf ergaa fidee dhufee, yerichi immoo akkuma bara amma keessa jirru kanaa isa dhumaa yoo ta'e; yoo ani oftuulummaadhaan waan saba gammachiisuu danda'u, waan namoota sonaan harkisuu danda'u, yookiin waan kana fakkaatu, garuu immoo Sagalee Waaqayyo mormu fidee yoon dhufe; ani asitti ta'uuf male, hojjetaa Kristoos ta'uun hin danda'u. Wantan baay'ee isiniif barbaachisaa dha jedhee yaaden isiniin ga'uun barbaada, isin duratti of mul'isuuf miti; akkan yaadutti inni waan yoon har'a du'e illee, bor laphee keessatti jabaatee Waaqayyo tajaajiluu

akka itti fuftan kan isin godhu dha malee.

12 Amma wanti ani dubbachuu barbaadu, wanti ta'e tokko ta'uudhaaf qophii irraa jira. Isa kana nan beeka. Yeroo obboleessi keenya Juuniyer Jaaksan, utuu Ariizoonaa hin deemi dura abjuu xiqqoo of harkaa qabu natti dhi'eesse baay'een keessan in yaadattu. Waan keessummaa ta'ee dha! Namoota meeqatu isa yaadata? [Amantoonni, "Ameen" jedhan.] Gooftaan hiika isaa nuuf laatee, wanti sunis booda in raawwate. Ammas, inni abjuu kan biraa abjootee of harkaa qaba.

Akkasuma wanta keessummaa tokkotu jira, innis namicha tokkotu guyyaa tokko Oreegoon irraa as dhufee ture. Inni guutummaati ana hin beeku, akkasumas... abjuu isa fakkaatu abjoote, abjuu Juuniyer Jaaksan abjeeteen kan gargar hin baane dhufee natti hime. Ani hiika isaa hin beeku; amma iyuu Gooftaa eegaan jira. Garuu wanti ta'e Waaqayyoon biraa ta'uu akka jiru nan beeka. Waan kana sirriitti yaadadhaa. Wantichi ISA GOFTAAN DUBBATE dha. Wanti ta'e Waaqayyoon biraa dhufaa jira. Garuu maal akka ta'e ani hin beeku. Dhugaadhumatti dha'icha, dhai'acha hamaa dha! Dhuguman isinnin jedhaa,akkataa namoonni lamaan kun abjootanitti...Isaan keessaa tokko...inni tarii miseensa warra Baaptistii, yookiin Presbaayiteeriyaaniiti. Tarii ganama kana as keessa taa'ee jira ta'a. Ani hin beeku. Inni guyyaa tokko as ture. Ani namicha hin beeku.

Garuu inni imimmaan lolaasaa abjuu sana natti hime. Inni baay'ee isa rifaasise. Karaa dheeraa deemee Oreegoon irraa ka'ee abjucha himuuf dhfe. Obboleessi keenya Jaaksanis bifuma wal fakkaatuun ganama kana dhufe. Bamni tokko isa kan biraa hin beeku; maayili kuma tokko wal irraa kan fagaatan yoo ta'u, abjuun lamaan isaanii iyuu dhugaadhuatti waan tokko irratti ture. Hafuurri Qulqulluun hiika waan dubbatamee na jalaa dhokse. Namichatti waanan himu hin beeku. Garuu Waaqayyo waan tokko gochuuf akka qophaa'aa jiru nan beeka, ija keenya duratti immoo ulfinaan in ta'a.

13 Egaa amma, Ergaa ganama kanaatiif kan malu, ergaa gara warra Galaatiyaa keessan dubbisa. Ani hin lallabu yookiin...Inni kun barsiisa guyyaa dilbataati. Egaa amma, dhiironni fi dubartoonni keenyan irratti hirkattanii dhaabachaa jirtan, namoonni iddo isiniif jijiiruu barbaadan waan jiraniif, utuu hin jeeqin suuta jedhaatii taa'aa. Warri haadholiin, yoo ijoolleen waa irratti boo'an achi keessa tursuu akka danda'aniif, warri kutaa kunuunsa daa'immanii keessa jirtan iddo gadi dhiistu.

Egaa amma, qalamaa fi Macaafa Qulqulluun keessan fudhaatii, kutaa macaafaa amma waliin dubbisuuf jennu kana dubbifadhaa. Garbummaa keessa akka nama jiruutti akka teessan hin barbaadu. Birmaduu taatnii teessanii akka qo'attanin barbaada. Waan sirrii ta'ee ta'e tokkoon ni mormitu ta'a. Garuu, ani ganama kana guutummaa biyyaattin dubbachaa jira, namoonni Ergaa isa Gooftaan Yesus bara kanaaf anatti kenne durumaan amanan, tarii waan ta'aa jiruu fi waan caffaata qulqulla'aa irra jiru in beeku.

14 Dilbata darbe, Warra Bara Dhumaatti Dibaman kan jedhu irratti dudubbanne. Dhaggeefftaa teeppii yoo taatan, kaasetaa sana argachuu keessan mirkanoeffadhaa. Kaasetaa gurguruu waan barbaannuuf jenna miti; dhimmi ijoon isa kana miti. Dhimmi ijoon Ergicha bakkaan ga'uu dha. Hubattanii? Hubattanii? Teeppii kaasetaa taphachiisu yoo argattan, taphachiisaatii sirriitti dhaggeeffadhaa. "Warra dibaman."

Namoota ka'anii, "Oo, Macaafni Qulqulluun in dubbata, 'Bara dhumaatti, raajonni sobduun ka'anii milikkittota kana in godhu' jedha" jedhanii yeroo dubbatan in dhageessu. Inni kun dhugaadumatti caaffata Qulqulla'aa irraa kan dubbatu dha. Yoos inni kun eessatti hojii irra oola? Inni amma hojii irra ooleera.

Galgala kana kanaan irratti dubachuu barbaadu, yoo Waaqayyo jedhe, Waaqayyo Sagalee Isaa Keessaan Mul'ata isa jedhu irrattin dubbadha. Maaliif iddo gurri ta'uuf maletti iji ta'uu hin danda'u. Hubattanii? Akkuma guutummaa Macaafa Qulqulluun maxxansuu fi guutummaan Macaafa Qulqulluun immoo gara Yesus Kristositti quba akeekuuti. Kanaaf, yoo fedha Waaqayyo ta'e, waa'ee kanaa irratti galgala kana dubbachuu barbaada. Yoo danda'amuu dhaabaate immoo guyyaa biraa ta'uuf isaati.

15 Amma Ergaa gara Warra Galaatiyaa bira dhaqna. Akkasumas Ergaa gara Warra Qorontos isa lammaffaa 4:1-6 tti, sana booda Galaatiyaa 1:1-5 tti dubbifanna, kutaa macaafaa muraasa dubbisuun barbaada. Amma galaatiyaa 1:1-5 tti, "Phaawulos Ergamaan," dafaa dhaabaatii kana ilaala. Ergamaa jechuun, "Nama ergame" yookiin, "Tajaajilaa" jechuun dha.

Ani Phaawulos, namoota biraa yookiis karaa nama tokkoo utuu hin ta'in, Yesus

Kristosiin, Waaqayyo abbaa isa Yesus Kristosin du'aa kaaseen ergamee,

Nagaa koo, nagaa obboloota anaa wajjin jiran hundumaas Waldoota Kritaanaa kutaa biyya Galaatiyaatiif nan dhi'eessa.

Waaqayyo abbaan keenya, gooftaan keenya Yesus Kristosis ayyaana, nagaas isiniif haa kenuu.

Kristos akka fedha Waaqayyo abbaa keenyaatti bara hamaa isa si'anee kana keessaa nu baasuudhaaf jedhee, sababii cubbuu keenyaaf dabarsee of kenne.

Baraa hamma bara baraatti Waaqayyoof hooqubaan haa ta'u. Ameen.

16 Amma immoo ergaa gara warra Qorontos isa lammaffaa boqonnaa 4, lakkoofta 1 hanga 6 tti dubbifanna.

Kanaafis akkuma araara Waaqayyoo fudhannetti, hojii ergaa kanaa hojjechuudhaaf abdii hin kutannu.

Waan yeellaasisaa namni dhoksaatti hojjetu garuu dhiifneerra; haxxummaadhaan hin hojjennu, dubbii Waaqayyoos hin miccirru. Nuyi mul'ifnee dhugaa dubbachuudhaan fuula Waaqayyoo duratti yaada garaa namootaatti of dhi'eessina.

Wangeelli nuyi lallabnu yoo haguugame immoo, warra karaa badiisaa irra jiran duwwaadhaaf haguugame.

Inni durumaan warra yaadaan qabaman hin waamu yoo ta'e, waan inni godhi ani hin beeku.

Inni hamaan Waaqayyicha bara si'anee kana ta'e, yaada warra hin amanin sanaa jaamseera; inni ifa ulfina Kristos, isa fakkaattii Waaqayyoo Wangeela keessaa ibsu sana, akka hin argineef isaan dhowweera.

Akkuma Iddoo dhaabaa Eeden keessatti godhe, "Mukicha irraa ciratanii akka nyaatan isaan godhe."

Nuyi ofii keenya utuu hin ta'in "Yesus Kristos Gooftaa dha" jennee in lallabna; nuyi immoo sababii Yesusif hojjetoota keesan.

Waaqayyo isa, "Dukkana keessaa Ifni haa ifu!" jedhetu, beekumsa ulfina isaa isa fuula Kristos irraa mul'atu ifatti baasuudhaaf garaa keenya keessatti nuuf ibse.

17 Ameen! Sagalicha sirriitti dubbisaa! Egaa, mata dureen koo ganama kanaa: Waaqayyicha Bara Hamaa Si'anee, kan jedhu dha. Akkuma kutaa Macaafaa irraa dubbifannetti, "Waaqayyicha bara si'anee, bara hamaa si'anee" jedha. Egaa, Ergaan kun hammina bara hamaa si'anee kan ibsuu fi raajii bara hamaa kanaaf dubbatame kan ibsuu dha.

Akkan amanutti hundumtuu...Macaafni Qulqulluun bara hundumaaf deebii qaba, amana bara sanaatiif deebiin durumaan Macaafa Qulquluu keessatti caafameera. Wanti nu barbaachisu hunduu, kan asitti barreefamee jiru hiikkaa Hafuura Qulqulluun akka barbaachusu nan amana. Namni lafa kana irra jiraatu, abbaan fedhe lafaa ka'ee hiikkaa Sagalee Waaqayyoo yoo lafa kaa'e, ani isatti hin amanu. Hiikkaa Sagalee isaatiif Waaqayyo eenyuu iyuu hin barbaadu. Inni ofuma isaatii isa in hiika. Kana akka godhu immoo dubbateera, in godhas.

Yeroo baay'ee akkuman dubbachaa turee dha. Inni, "Durbi in ulfoofti" jedhe, Inni karaa afaan raajiitiin dubbate, isheenis in ulfoofte. Namni sagalee sana hike hin jiru. Jalqaba irratti, Inni, "Ifti haa ta'u" jedhe, innis in ta'e. namni sagalicha hike hin jiru. Inni, "Bara gara dhumaatti Hafuura koo foon qabeessa hundumaa irratti nan dhangalaasa" jedhe, kanas in godhe. Hiikkaa sagalee kanaatiif nama kam iyuu hin barbaachisu. Inni, "Bara dhumaatti, wantoonni kun, (Waan amma ta'aa jiru, isa ija keenyaan argaa jirru), in ta'u" jedhe. Hiikkaa kamiin iyuu hin barbaachisu. Inni durumaan hiikameera. Hubattanii?

18 Amma sagalee Waaqayyoo waan qo'annuuf, sirriitti na duukaa bu'aa. Waaqayyicha bara hamaa si'anee, isa kan bara amma keessa jiraachaa jirruu. Tarii keessummaa wayii fakkaachuu danda'a, bara ayyaana argachuu kana keessa, kun waan baay'ee keessummaa ta'e dha, yeroo, "Waaqayyo namoota isaa maqaa isaatiif jedhee ofitti fudhaa jirutti," isaanis immoo Misirroo isaa bara hamaa kana keessa waamaa waan jiruuf, barri kun bara hamaa jedhamee waamamuu qaba. Barri, "Waaqayyo saba isaa

maqaa isaatiif jedhee waamu," barri inni ayyaana isaatiin isaan baasu, bara hamaa jedhama. Barri Inni waa'ee isaa dubbate kun bara kana ta'uu isaa, Macaafa Qulqullutiin mirkaneessuu dandeenya. Bara hamaa akkasii keessa Waaqayyo Misirroo isaa waama jedhanii yaaduun, waan baay'ee keessummaa ta'ee dha.

Qalbeeffadhaa, Inni, "Saba isaa" jedhe malee, "Waldaa isaa" hin jenne. Maaliif? Hanga ammaatti Waldaa jedhamee waamama, Inni garuu, "Saba isaa" jedhee in waama. Egaa amma, Waldaan walitti qabama saboota garaa garaa hundumaati. Garuu Waaqayyo as irratti waldaa isaa duwwaa waamaa... Inni, "Ani Metedistii, baaptistii, Pheenxeqoostaaliin waama" hin jenne. Inni saba isaa akka waamu dubbate. maaliif jedhee? Maqaa isaatiif jedhee. Hubadhaa, saba isaa jechuun isaa; tokko metedistii irraa, tokko Baaptistii irraa, tokko Luuteraanii irraa, tokko kaatolikii irraa jechuu isati. Hubattanii?

Garuu inni garee Waldaa tokkoo waamaa hin jiru, garuu, "Saba isaa maqaa isaatiif jedhee," nama maqaa Isaa fudhatu, nama maqaa Isaatiin kaadhimamee guyyaa cidhaatti isatti heerumee, durumaan yaada isaa keessa jiraachuu isaatiin bu'aa dhagna isaa ta'u waamaa jira. Egaaakkuma dubartiin dhiirri jirenya isaa keessatti wajjin jiraachuuf filatu, akka dhagna isaatti muudamtutti. Kanaaf, Misirroon Kristos fuuldurattis, ammas, dur irraa jalqabdee, bu'aa dhagna sanaa ta'uudhaaf Waaqayyoon muudamteetti. Hubattanii? Oo, Caaffanni Qulqulla'aan badhaadhaa dha, dammaan kan guutee dha!

19 Qalbeeffadhaa, waan namni jedhu, waan namni waamu miti; garuu waan Waaqayyo uumamuu biyya lafaatiin dura fo'atee, namoota sana bara dhumaan kana jala waamaa jiruu dha malee; Jaarmiyaa amantii miti. "Maqaa isaatiif jedhee Saba isaatiif in dhimme." Barri hamaan kun, barri wallaalchisaan kun immoo, bara Inni maqaa isaatiif jedhee saba isaatiif dhimmaa jiru kana dha.

Torban darbe maatewos 24 keessatti akkuma waliin ilaalle, baroota jiran keessaa barri kun bara baay'ee wallaalchisa ta'ee dha. Bara hundumaa irra wallaalchisa dha, Iddoo dhaabaa Eeden irraa jalqabee, baroota hundumaa keessaa, barri akka bara kanaa wallaalchisa ta'e hin argamne. "Raajinni sobduun ka'anii milikkita fi dinqii in hoijetu, yoo isaaniif danda'ame warra fo'aman iyyuu in wallaalchisu." Hubattanii? Egaa, Waldaa ishee diilalloftuu, ishee akka seeraatti bultu, ishee seera qabeettii fi waan kana fakkaatan of gootu, ishee tiyooloojii nam tolcheedhaan geggeeffamtu miti; fo'amuun raawwaatee warra akkasiitiif xiyyeffannoo hin kenuu. Jecha Sagalee tokkittii dhiisuun guutummaa isaa dhiisuu dha. Barri kun kan abdachiifamee dha; bara baay'ee guddaa dha! Kristaanotaa, bakka jirtan hundumaatti, sa'atii amma keessa jiraachaa jirrutti of eeggadhaa! Yaadanno qabachaa, dubbisaa sirriitti na dhaggeeffadhaa.

20 Waaqayyo maaliif bara hamaa si'aanaa kana keessa saba isaa waama, maqaa Isaatiif fii? Sababiin isaa, Misirroo Isaa qoruuf jedheeti. Isheen...Isheen yummuu qoramtee, qormaata sana jala dabartu, yummuu Seexanaan qoramtee qormaata sana dabartutti, isheen mul'inatti in argamti. Akkuma jalqaba ture, gra dhumaattis in ta'a.

Akkuma sanyiin lafa keessatti jalqabee guddatee, baattuu lubbuu ta'ee guddatee, garuu immoo xumura irratti sanyiidhuma isa lafatti darbatame ta'ee argamuu ti.

Haaluma kanaan, sanyiin wallaalchisa lafa Eeden keessatti akkuma faca'e, bara dhumaan kanattis haaluma kanaan in xumurama.

Wangeelli akkuma Niiqeyaa, Roomitti garee amatii tokkoon faca'e, akkasuma garee jaarmiyaa amantii guddaa tokko keessatti in xumurama.

Akkuma sanyiin Waldaa duuba iddo sanatti milikkita, dinqii fi Kristos isaan keessatti argamuudhaan facaafame, bara dhumaan kanattis Miilkiyas boqonnaa 4 jalatti in xumurama, inni amantii abbootaa isa jalqabuma kenname sana iddootti in deebisa.

21 Amma kan ilaallu,barri hamaan kun Seexanaan qoramee kan injifatu dha, Isheen akka Hewaan miti, lakkii, isheen dubartii akkasii miti. Akkuma Misirriin Addaam Sagalee Sagalichaan qoramte, Misirroon Isaas Sagalee Isaatiin qoramti. Misirroon Addaam sagalee isaa hundumaa amntee turt, garuu abdii abdachiifame tokkotu wal ishee dha'e, innis, "Inni kaleessas, har'as bara baraanis isa jaraataa dha" isa jedhu ture. Bara har'aas hubadhaa, waan abdachiifaman tokko irraanfatani qorumsaan fululaa fi fulatlatti diina jala of galchan. Egaa amma, namoonni maqaa Isaatiif jedhamanii waamaman Misirroo Isaati. Isheen ammas deebitee karaadhuma isa duraa dhufuuf jirti; karaa dhugaa dame

amantiitiin yookiin, karaa waan biraatiin miti, dubbii Sagalee isaa hundumaan malee!

Jalqaba Macaafa Qulqulluu keessatti, namni ittiin akka jiraatuuf, Waaqayyoo Sagalicha isaaaf kenne. Namni seexana jedhamu, nama bineensa fakkaatu kan Bofa jedhamu keessa goree, Sagalee tokko hiika isaa jallise. Seexanni nama kana keessa goree Hewaanitti haasa'uu danda'uu isaattin, Sagalicha karaa malee isheedhaaf hiike, isheenis in kufte. Hubadhaa, dubbii Sagalee hundumaa ta'uutu irra jiraata.

22 Walakkeessa Macaafa Qulqulluutti immoo Yesus yummuu seexanaan qorametti, "Namni buddeena qofaadhaan hin jiraatu, dubbii afaan Waaqayyoo keessaa ba'u hundumaan malee" jedhe,

Egaa amma, Waaqayyo bara dhumaa kanatti, "Waaqayyichi bara si'anee, bara dhumaa kana keessa in ka'a" jedhee nutty dubbachaa jira.

"Eenu illee yoo fidala tokko itti dabale, yookiin fidala tokko yoo irraa hir'ise, qoodni isaa macaafa jirenyaa irraa duraa in fudhatama."

Waaqayyo nutty haa araaramu! Kottaa akka shamizii qoma nama qabee, akka waan hundumaa beeknuutti qoma keenya dhiibaa hin deemnuutii, nuyis yeroo ta'e tokko abboomamuu diduu jala turre waan ta'eef. Kottaa ayyaanaa fi aaraara garaa keenyatti qabanee, gadi of deebisuudhaan gara Teessoo Ayyaana Waaqayyootti in dhi'aanna.

Egaa wanti keessummaan amma, waggoota dhibba kudha sagaliif Wangeelli erga lallabamee booda, amma Isheen, Sirni Biyya lafaa kun, yeroo Inni biyya lafaa kana irra ture caalaatti hamtuu taateetti. Sirni biyya lafaa kanaa hamaa dha. Biyyi lafaa fiixee isa guddaa irra ga'aa jirti. Isa kana isinuu beektu. Gooftaan Sagalee Isa agama hundumaan fiixaan baasuutti jira.

23 Kaleessa utuu dhaabannee jirruu...Nan abdadha akka namichi sun hin...Inni akkas hin ta'u. Anii fi haati manaa koo, akkasumas obboleonni keenya obbo Wuudsi, Rooyi Roobsen, obboleessi keenya Wuudsi as keessa jira; isan kana hundumaa wajin dhufnee konkolaataa iddo xiqqoo giddu gala gabaa Yaangistaawon dhaabnee, waan obboleettiin Wuudsi bittee fidde sana bituuf seenne. Utuu kanaan jirruu... Utuu nuyi achi dhaabachaa jirruu, namni anaaf keessummaa ta'e tokko ol dhufee eenyummaa isaa nuuf ibse. Dargaggeessi kan biraanis ol dhufee, isaan Alaabaamaa moo, goorgi-...Nan amana Goorgiyaa irraa dhufan, sababiin isaa obboleessa keenya Weelchi Evaansiin yoo beekan jedhee, isaan gaafadheen ture waan ta'eef. Daqiqaa muraasaaf isaan waliin dudubbanne. Yeroon deemuuf ka'utti namichi dargaggeessi kun gara koo ilaale. Namichi hiriyaan isaa mucaa isaa waliin yeroo sokkanitti, namichi dargaggeessi kun gara koo ilaalu ittumafufe. Inni, "Waan xiqqoo tokkon dubbachuu barbaade" naan jedhe.

Ani immoo isaan "Ati amanaa dhaa? Ati Kristaanaa?" jedheen gaafadhe.

Inni immoo, "lakki, gaashe. Ani..." naan jedhe.

24 Tarii asitti, jecha isaaakkuma jirutti dubbachuu dhiisunun danda'a, garuu inni akka yaada shakkii wayii keessa ture. Waa'ee wantoota mul'achuu Ergamaa gooftaan wal qabataniin isa gaafadhe. Waa'ee isaa akka dhaga'ee turee fi kanaan dura Waldaa kanas ta'e kan biraa, raawwatee akka hin deemin ture natti hime. Ani immoo, "Isa in amantaa?" jedheen isa gaafadhe.

Inni immoo, "Eeyyee, gaashe. Waan ta'e tokko ilaalaan ture. Namoonni waa'ee wantoota kanaa fi raaga waa'ee isaanii natti himaa turan. Teeppii irraa immoo, raaga ati Kaalifoorniyaan akkamitti akka tatarsaatee baddu raagde dhaga'eera" jedhe. Itti fufees, "Waan sana yeroon gaazexaa irratti argatti, nan amne" jedhe. Ammas itti fufee, "Har'a, borin dhufa utuun jedhuu, kunoo yeroo jalqabaatiif har'a dhufeera" naan jedhe.

Ani immoo, "Gooftaa tokkichi si haa eebbisu Ilma koo" jedheen harka isa fuudhuu jalqabe.

Inni, "Garuu gaashe, waan tokkon sitti himuu barbaada. Ani akka namni baduu olittan bade. Ani saantima cirracha keessa baden ta'e, nan bade!" naan jedhe.

Ani immoo, "Akka jiraachaa turte sanatti itti fufuu hin qabdu. Namni ta'e tokko, namni daqiqaa ati barbaadamuuf itti qophooftu siif kennu, kunoo amma si bira dhaabatee jiran" jedheen.

Inni immoo, "Ani qophaa'eera" jedhe.

Ani immoo, "Mataa kee gadi in qabattaa?" jedheen gaafadhe.

Inni immoo, "Kana gochuutti hin qaana'u" jedhe.

Kana qofaa miti, inni iddo konkolaataan dhaabatu, fuula namoota hundumaa duratti gadi jilbeenfate. Namoonni karaa irra deeman isa ilaala turan. Hamma inni garaa isaa Waaqayyotti kennutti, achumatti waliin kadhachaa turre. Inni cubbamaa ta'ee dhufe; ijoolee Waaqayyoo ta'ee deebi'e. Inni du'aa ta'ee konkolaataa cina deemaa ture; jiraataa ta'ee immoo deebi'e.

Ani, "Kuufamni bishaanii bor in banaman" jedheen.

Burqaan dhiigaan guutame jira,

Hidda dhiiga Amaanu'eel keessaa yaa'a,

Cubbamoonni lolaa isaa keessa awwaalamanii,

Xurii yakka isaanii hundaa of irraa dhiqatu.

Ani, "Ka'ii Maqaa Yesus Kristositti cuuphami, Maqaa Gooftaa si irrattin waamaa. Waaqayyo Hafuura Qulqullutiin si guutee, wantoota gurguddaa kana siif in kenna, utuu ati argituus kana siif in godhan" isaan jedhe.

25 Inni kun maali? Biyyi lafaa fiixee irra geesseetti. Maaliif? Akkuma Macaafni Qulqulluun dubbatu, hafuurri seera malee jiraachuu, kan safuu balleessu, amantii saayinsawaan, dhiibee, "Man'ee jibba hundumaan guutuu fi man'ee simbirroota xuraa'ootti" isa naqe. Mee isa kana Mul'ata 18 irraa haa dubbifannu. Qabxii kana irratti jalqabaa waan jirruuf, Mul'ata 18:1-5 tti haa dubbifannu. Luqqisa kana iddoon itti barreesee argadheera natti fakkaata.

Kana booddees ergamaan bira tokko aboo guddaa fudhatee, waaqa keesaa utuu gadi bu'uu nan arge; ulfina isaa irraa kan ka'es biyyi lafaa in ife.

Inni sagalee cimaadhaan iyyee, "Kufteetti, Baabilon guddittiin kufteetti, iddo buufata hafuurota hamootaa taateetti; lafa hafuurri xuraa'aan itti deddeebi'u, lafa allaattiin xuraa'oonii fi jibbamoon itti deddeebi'an taateetti!

Sabni hundinuu daadhii wayinii dheeekkamsaa isa halalummaa ishee irraa dhufu dhuganiiru, moottonni biyya lafaa ishee wajjin ejjaniiru; naggaadonni lafa irraas badhaadhummaa ishee isa keessa-ba'aadhaan sooromaniiru" jedhe.

Ergasiis sagalee bira tokko waaqa keesaa nan dhaga'e; innis, "Yaa saba ko! Cubbuu ishee keesaa akka hin qabaanneetti, dha'icha ishee irraas akka hin hirmaannetti, kottaa, ishee keesaa ba'aa!

Cubbuun ishee hamma bantii waaqaatti ol tuulameera, Waaqayyos jal'ina ishee hundumaa yaadateera;

26 Maal akekkachiisi akkasii! Inni kun dhugaadhumatti duubee deebisee Waldattii Mul'ata 3:14 tti darbata, gara bara Laa'odiiqeyaa warra seera malee jiraataniitti; dhugaatti nama amantii qabu of se'u, garuu seera malee jiraatu. "Ati, 'Ani sooreessa, geessifadheera, wanti ana barbaachisu hin jiru' in jetta; ati nama gadadamaa namni boo'ufuin ta'u, deegaa, jaamaa, quillaas ta'uu kee hin beektu." Guutummaadhumatti Caaffanni kanaaf caafamee dha, caaffata bara Daani'eeliif caafame mit, isa maqaa...bara Nohiif caafame miti, bara dhumaa kanaaf, bara hamaa kanaaf kan caafamee dha malee.

Asitti qalbeeffadhaa, "Ati qullaa dha." Mee kaanee isa kana keessa gadi fageessinee haa jiisnu. Tarii yaada kana irratti wal dhabdee baay'een akka uumamu nan beeka, garuu iddo itti kristaanni tokko mana isaatii ba'ee fula bara hamaa kana dura, dubartoota wayyaa akka baraachisutti hin uffaneef jecha manaa ba'ee deemuu itti dadhabu irra geenyeerra.

27 Dubartootaa, waan kana dubbachuufan deema, akka isin na dhaggeeffattanis nan barbaada. Warri dhiiraas, warri dubartootaas, tarii isa kanaan mormuu dandeessu ta'a, garuu isa akkan dubbadhuuf keessa kootii na dhiibaa jira. Dubartiin akka kanatti uffattee deemtu sammuun ishee sirrii akka hin taane beektuu? Yoo amantes, yoo amanuu balettes, yookiin yoo yaaduu dhaabalettes, isheen ejjituu ta'uu ishee beektuu? Dubartiin akkasii tokko tarii fuula Waaqayyoo dura dhaabattee, abbaa manaa isheettiin ala raawwathee nama kan bira wajjin akka hin jiraanne jettee yoo dubbatte, tarii inni kun amanamummaa dhugaa isheen qabdu ta'uu danda'a, haa ta'u malee isheen amma iyuu ejjituu dha. Yesu, "Namni ija hawaatiin dubartii ilaale garaa isaatti isheetti ejjeera" jedhe. Dubartiinis tarii...

Hubadhaa, Macaafni Qulqulluun akkauma dubbatu, "Isheen qullaadha, qullaa ta'u ishee immoo hin beektu." Hafuurri waan akkasii akka isheen gootuuf ishee dibe, hamaa dha; inni hafuura ejjaati. Bakkeen ishee, qaamni ishee alaan mul'atu, foonni ishee, tarii qulqulluu ta'u danda'a. Isheen tariin nama takkaa hin ejjine taatee, isa kana immoo dhugummaa isaa Waaqayyotti himuu dandeessi, garuu hafuurri ishee hafuura ejjaati. Isheen waaqa faashinii biyya lafaa kanaan jaamteetti; isheen akka nama ofitti hawwattutti uffattee bakkee keessa deemti.

28 Guyyaa tokko obboleessa keenya Wuudsii wajjin bidiruu keenyaan laga irra deemna turre. Guyyaa sanatti, daqiqa muraasaaf mana irraa achi hiiqee laga irra deemuun barbaade. Egaa bakka deemtan hundumaatti dubartoonni marxoo xixinno...yookiin, waan akkasii ofitti maranii deemu. Inni kun waan salphinaati. Dubartiin waan akkasii uffattee manaa baatu sammuu fayyaa hin qabdu. Isheen hafuura ejjummaatiin kan guutamtee dha. Egaa, giiftii kee Waaqayyoodhaan tasgabbeessuu qabda, sababiin isaa guyyaa tokko wanti kun dhugaa ta'u isaa arguuf jirta.

Giiftiin tokko akkamittiin dhagni ishee kabajamaa akka ta'e utuu beektuu, warra hawwa fooniin gubatanitti, hafuurota hamoota cubbuun guutamanii bara kana karaa irra deemanitti dhagna ishee bakkee baaftee mul'isti? Ilmaan Waaqayyoo warri turan hunduu amma iyyuu ilmaan Waaqayyooti waan ta'aniif, abbaan manaa kee utuu ilma Waaqayyoo ta'ee wayyaa sitti uwvisa, yookiin hidhata kee ta'u dhiisa ture. Dhiirri tokko ilma Waaqayyoo yoo ta'e, raawwatee waan akkasii hin fuudhu. Hubattanii?

"Ati kan goch-..." jechaa jirtu. Lakki akkas miti.

Dhuguman sitti himaa, guyyaa tokko wanti kun si quunnamuuf jira. "Qullaadha, ejjituu dha; kana hundumaa immoo of irratti hin beektu."

"Oo, takkaa raawwadhee kakuu abbaa manaa kootii cabsee hin beeku jedhee afaan guutee dubbachuu danda'a." Isa kana gochuu keetiif firdii kan kenu abbaa manaa keeti. Garuu Waaqayyo kan sitti faradu gosa hafuura ati qabduutiini; dhagna kee isa alaan mul'atuun miti kan sitti faradu, hafuura keetiin, keessa namummaa keetiin malee.

29 Namummaan inni gara alaa qaama mu'ataa isa qaamota miraa ja'aniin...yookiin, shananiin to'atamu dha; isaanis: ilaaluu, dhandhamuu, qaqqabachuu, fuunfachuu fi dhaga'u dha. Namummaan inni keessaa, namummaa hafuuraa isa qaamota miiraa shananiin to'atamu dha; qaamonni miiraa kunis: ceephoo, jaalalaa fi kanneen biroo dha.

Garuu keessa namummaa hafuuraa sana keessa kan jiru lubbuu yoo ta'u, innis waan tokkoon kan to'atamu dha; wanti tokkichi sunis fedhii walabawaa keessaniiti. Waan seexanni jedhu fudhachuu dandeessa, yookiin, waan Waaqayyo jedhu fudhachuu dandeessa. Kun immoo hafuurri maalii akka achi keessa jiru kan murteessu dha. Hafuura Waaqayyooti yoo ta'e, inni wantoota Waaqayyoo irraa in soorata, waan biyya lafaa irraa waan tokko illee hin sooratu. Yesus, "Biyya lafaa yookis waan biyya lafaa kan jaallattaniif, jaalalli Waaqayyoo keessa qaama isa keessaa kana waan hin seeniniif" jedhe. Seexanni isin sossobeera. "Namni buddeena duwwaadhaan hin jiraatu, dubbi afaan Waaqayyoo keessaa ba'u hundumaan malee."

Amma qalbeeffadhaa, isheen, "Qullaa," hamtuu fi quullaa ishee kan hin dhokfanne ta'u ishee nutty agarsiisa.

30 Biyyi lafaas baroota hundumaa irra bara isa hammeenyaa fijjee irra ga'e irra waan geesse fakkaatti. Bara bishaan badiisaatiin dura malee, barri dubartiin itti akkas taate raawwatee hin jiru. Yesuuus bara kana barichatti fakkeessee tuqeera. Isa kana yeroo muraasa booda gadi fageenyaan in ilaalla.

Waaqayyo to'achuu dadhabee, moo Waaqayyotu qaamni kan biraan akka to'atuuf eyyameef? Na ajaa'iba. Akka yaada kootiitti gaaffii kanaaf deebii dhugaa kan danda'u, biyya lafaa kana keessa hafuurota waliif faallaa ta'an lamatu hojjechaa jira. Egaa biyya lafaa kana keessa lamaan kana, mataa warra ta'an lamaan kanaan ala kan biraan immoo hafuura seexanaa yummuu ta'u, bara dhumaa kana keessa hojii wallaalcisuhojjechaa jira.

Amma egaa yaada barreeffama kootti hundumaa as irrattin bu'uureffachuu barbaada, guutummaa...Ergaa keenyaa.

31 Hafuurota lamatu jira. Isaan keessa tokko Hafuura Qulqulluu Waaqayyoo ti; inni

kan biraan immoo hafuura seexanaa isa hojji wallaalchisuu irratti bobba'ee jiru dha. Namoonni lafa kana irra jiraatan amma filannoo isaanii geggeessaa jiru.

Asii Hafuurri Qulqulluun Kristosiif Misirrottii waamaa jira. Kana gochaa kan jiru immoo Sagaleen abdii bara kanaaf isheedhaaf abdachiifame, Kristos mataa isaa ta'uul mul'inatti isheetti agarsiisuu isaatiini.

Bara kana keessa qubni akka socho'uuf yaadame yoo ta'e, qubni in socha'a. Bara kana keessa miilli akka socho'uuf yaadame yoota'e, miilli in socho'a. Bara kana keessa iji akka arguuf yaadame, yoo ta'e iji in arga. Hubattanii?

Barri Hafuurri Waaqayyoo akka boca dhaabbii Waaqayyotti itti guddatu, bara nuyi amma jiraachaa jirru kanatti dha. Ergaa bara kanaaf ergame mirkaneessuuf hafuurri Waaqayyoo as nu gidduu jira. Hafuurri Qulqulluu kana kan hojjechaa jiruuf, sabni Waaqayyotti amanu bataacha'uu kana keessaakka waamamuufi.

Hafuurri seexanaa inni xuraa'aanis sobaan waldaa isaa waamaa jira, akkuma amala isaa, akkuma jalqaba irratti godhe sana, Sagalee Waaqayyoo dabsuudhaan isaan waamaa jira. Gara bara sanyii isa Eden keessaa dhufe sanaatti deebi'aa akka jiru hubattanii? Kunoo amma isatti deebi'eera.

32 Egaa, isin utuu as hin dhufin dura miseensa...bara biraa, isin miseensa dhaabbata amantii turtan, isin miseensa kanaa, kan sanaa, yookiin kan isa biraa turtan. Jirmi dhaabbata amantii maal ta'a? Inni gogee bada. Hafuurri gadi dhiisee deemuu isaa itti fufuudhaan, gara sanyiitti ol in ba'a. Hubattanii?

Qorumsi jara lamaanii akkuma isa dur jalqabatti turee sana ta'uuf deema. Qalbeeffadhaa. Hin irraanfatinaa, lakki, isa kana hin irraanfatinaa.

Akkuma Yahaannis ergaa isaa isa duraa keessatti kaa'e, yoo barbaaddan ergaa yohaannis isa duraa 4:5-6 tti dubbifadhaa. Inni, "Hafuura sobaa" jedhee barreesse.

Hewaan fedha isheettiin, "Ani Waaqayyotti hin amanu" jettee baatee hin deemne. Lakki. Isheen soba amante.

Seexanni akkasumaan dhufee, "Oo, tole egaa, inni kun Sagalee Waaqayyoo iyyuu miti" hin jenne. Dubbichi Sagalee Waaqayyoo ta'u isaa amaneera, garuu Sagalichatti hiikkaa ofii isaatii kenne. Waan isaan gochuu hin qabne isa Waaqayyo ifatti isaanitti dubbatetti hiikkaa ofii isaa kenne.

Inni kun maal godha? "Inni wallaalchisa hamaa namootatti fiduudhaan soba amananii, isaan akka isaanitti faradamu godha." Isa kana dubbifachuu yoo barbaaddan Tasaloniiqee isa lammaaffaa 2:11 ilaala.

Kutaa macaafaa baay'ee kanan of harkaa qabu yoo ta'u, isaan kana hundumaa dubbifachuu hin dandeenyu. Kan ammaas ta'e, kan kanaan duraa isiniifan kenna. Wanti keessummaa isiniti ta'ee gaaffii keessa keessanitti uumu, yoo luqqisa isaa qabattii dubbattehiikkaa ofii isaa kenne.

33 Akkuma Macaafa Qulqulluu keessatti, Tasaloniiqee isa lammaaffaa keessatti, "Wallaalchisa hamaa isaanitti in fida" jedhu sana in ta'a. "Inni cubbamaan seera malee jiraatu ilmi badiisaa sun, ofuma isaatii Waaqayyo ofiin jechuudhaan mana Waaqayyoo keessa taa'umsa in dhaabbatee, wallaalchisi hamaan akka namootatti dhufuuf sababa ta'uudhaan, namoonni soba amananii, soba amanuu isaaniit akka isaanitti faradamu in godha."

Inni kun immoo waan inni Hewaan irratti raawwateen tokko. Isheedhaaf kennee...Inni Sagalichi sirrii miti isheedhaan hin jenne, gowwomsaa hamaadhaan akka isheen soba amantu godhe malee.

Hafuurri gowwomsaa hafuura seexanaati. "Seexanni amma ijoolee hin abboomamne keessaan hojjechaa jira." Warra maaliif hin abboomamne? Ijooleen bara kanaa warra maaliif hin abboomamne dha? Akkuma Hewaan jalqaba irratti goote, isaanis Sagalee Waaqayyoof hin abboomaman. Inni kun sirrii dha. Egaa isa kana argachuu yoo barbaaddan...

Mee daqiqaa tokkoof Efesoon 2 baafadhaa, sababiin isaa yoo...gaarii natti fakkaata. Daqiqaa tokko keessatti dubbifachuu qabna, ariitiidhaan baafachaa hin jirtan yoo ta'e, ofii kootii nan dubbisa. Efesoon 2:1 fi 2.

Isin kanaan dura irra-daddarbaa keessanii fi cubbuu keessaniin duutanii turtan.

Yeroo sanatti isin toora biyya lafaa kanaa duukaa buutanii deddeebi'aa, aboo qilleensa keessa jiru irratti isa gooftummaa qabuuf abboomamaa turtan; hafuurichi amma ijoollee Waaqayyoof hin abboomamne gidduutti hojjechaa jira.

34 "Ijoollee Waaqayyoof hin abboomamne." Mormituun Kristos abboomamuu diduun isaa daa'immummaatti erga jalqabee, mormituu Kristos isa nama ga'eessa yummuu ta'utti immoo maal ta'uuf jira laata? Gowwomsaa akkamii ta'uuf jira! Namni ga'eessi biyya lafaa gowwomsuudhaaf hammam isa daa'imaa caalmaatti aangoo qaba! "Hafuurri wallaalcisaan amma ijollee Sagalee Waaqayyoof hin abboomamne gidduutti hojjechaa jira" jedha. Qalbeeffadhaa. Amma, daqiqaa muraasaaf, "Ijoollee hin abboomane" isa jedhu, ilma tokko, irrattin xiyyeefha dha.

Isin, jalqabni keessan, namni as jiru kam illee, abaabilii keessan keessa jiraachaa akka turtan beektuu, isa kana Sagalee Waaqayyootiin isiniif mirkaneessuun danda'a. Isin abaabilii keessan irraa gara akaakayyuu keessaniitti, sana booda gara abbaa keessaniitti dabartanii, sana boodas isinuma kana taatan. Isa kana beektuu?

Isa kana Macaafni qulqulluun in dubbata, nan amana, Ibroota 7 keessatti Malkiisedeq, yeroo Abrahaam mootota tokko rukutee mo'atee deebi'u, "Abrahaam Wanta booji'e keessaa kudhan keessaa tokko Malkiisedeeqiif kenne." As irratti jechi Phaawulos jedhe kanatti fufee jira, innis, "Lewwiin inni sanyiin isaa kudhan keessaa tokko fuudhu ofii isaatii iyyuu, yeroo sana karra Abrahaam 'Kudhan keessaa tokko baaseera' jechuun in danda'ama. Yeroo, Malkiisedeq Abrahaamitti adeeme, Lewwiin mudhii, yookis dirra abaabilii isaa keessa ture" kan jedhu dha. Kanaaf, wanta Abrahaam hojjete hundumaa, Lewiin akaakayyuu isaa keesa jiraachuu isaatiin itti hirmaateera. Abrahaam Isaaqiin dhalcha; Isaaq Yaaqoobiin dhalche; Yaaqoob qomowwan isaa kudha lamaan dhalche; Lewiin isaan keessaa tokko.

Amma egaa hubadhaa, kanatti aansuun, waa'ee durumaan yaadaan qabamuu (Predestination) guutummaatti waliin ilaalla.

35 Egaa amma, Ergawan kana keessatti, waa'ee Ergaa isan galgala darbe isiiniti himee, waa'ee Ifa isa Waqayyo lafa irratti in dhufe jedhee dubbatee sana gadi fageenyaan isiniifan ibasa.

Habadhaa, yeroo sanatti, "Bineensi gara biyya lafaa dhufu sun, warra lafa irra jiraatan keessaa, uumamuu biyya lafaatii jalqabee maqaan isaanii Macaafa Hoolicha qalamee, isa warri jirenya argachuuf jiran keessatti caafaman irratti hin argamne hundumaa gowwomsuuf jira."

Yaada Waaqayyo keessatti, Waaqayyo Hafuura guddaa dha. Jalqabatti, utuu jaqabni hin jalqabin dura, Inni Waaqayyo ture, isinis isa keessa akka turtan beektuu? Egaa isin amma Kristaana yoo taatan, yeroo sanatti isa keessa turtan.

Egaa yeroo sanatti erga kun akkas ta'ee, guutummaan Waaqayyummaa qaamaan bocamee namummaa Yesus Kristos keessa ture. Yeroo Yesus faannoo irratti du'etti, yeroo sanatti ani Isa keessa waanan turee isaa wajjin du'eera; Inni fiixaan ba'liinsa guutiinsa mul'ina Sagalee waan tureef, nuyis booda akka guutuu taanee mul'annu in beeka. Nuyis isaa Wajjin Qaraaniyoo turre. Nuyi isaa wajjin awwaalamne. Nuyi isaa wajjin du'aa kane, isaa wajjin ol fudhatamne. Amma nuyi Hafuura Isaatiin gara Teessoo ayyaana isaatti ol baanee, iddo waaqa irraatti Yesus Kristos wajjin taa'aa jirra. Kunis hamma bara baraatti!

36 Micireen lubbuu waantoota uumamaan argamaniiakkuma abbaa irraa gara abbaatti, abbaa irraa gara abbaatti darbaa deemu, Lubbuun Kristosis akkasuma in ta'a.

Sababiin Waaqayyo Hafuura Eliyas yeroo garaa garaa shanitti itti fayyadameefis isa kanaafi. Inni kun maali? Inni kun dhaala sanyiiti.

Akkuma lubbuun keessanii fi amalli keessan sirna wal hormaataatiin abbaa keessan irraa dhaalaan dhufe, Hafuurri Waaqayyo Inni uumamuu biyya lafaatiin dura tures akkasuma.

Yeroo guutummaan Sagalee Waaqayyo nama foon uffatee Yesus Kristos jedhamu dhaalametti, Waaqayyo Isa keessa jiraachuu kootiin Waaqayyo gatii cubuu kootii akkan kaffalu na godhe. Sana booda Inni na kaase, guyyaa du'aa ka'uutti Isaa wajjin du'aa na kaase. Amma egaa seexana hundumaa irratti aangoo fi aboo argannee, Isaa wajjin teessoo mo'ichaa irra teenyeerra. Oo, kunis immoo waan Waaqayyo nuuf kenne yoo

amantan qofa! GaruuTeessoo sana irra teessanii hin jirtan taanaan, waan sana hin qabdan jechuu dha. Achi irra teessanii, hin amantanis, in sodaattus yoo ta'e, gonkumaa raawwattanii isatti hin fayyadamtan. Garuu achi teessanittu taanaan, isatti in fayyadamt; waan gochuun isin irra jiru gochuuf muudamtaniittu waan ta'eef.

Gama biraatiin, "Fara'oon dhimma kanaaf kaafame," Macaafni Qulqulluun Fara'oon akkas akka ta'e dubbata. "Yihudaa namni biyya Keriyot ilma badiisaa ta'uuf kaafame."

Amma egaa dhugawan gurguddoo amma iiti dhi'aachaa jirru kana qalbeeffadhaa.

37 Amma kan ilaallu, isa waldaan Sagalee Waaqayyoo mormanii Barabbaan akka isaan irratti mo'u godhanii dha. Egaa isa kana irratti kutaa macaafaa yoo barbaaddan Maatewos 27:15-23 tti dubbifachuu dandeessu. Inni kun maal godhe? Taayitaan akkasii maal fida? Isa kana irratti yaadaa. Waldaan biyya lafaa yeroo warra akka yaada isaaniiiti qajeelotaan, namoota nyi qulqullu dha ofiin jedhaniinii fi warra ilaalcha namaatiin qajeelota ta'aniin dhaabbattetti, isaan Yesusin fannisanii, "Namichi kun narratti akka mo'u hin barbaannu" jedhan. Yesus immoo fiixa ba'iisa Sagalee Waaqayyoo ture. Yahaannis ergaa isaa isa duraa keessatti isa kana ibse. Isaan, "Sagaleen Waaqayyoo kun narratti akka mo'u hin barbaannu" jedhan. Inni Sagalicha yoo ture, garuu isaan Inni maal akka ta'e arguuf iji isaanii jaamaa ture. Inni raajii dubbatamaa ture hundumaaf deebii kallattii waan tureef, hunduu isaan raawwatame.

Amma egaa, nuyi hunduu isa kana in amanna, sababiin isaa kun raawwachuu isaa duuba deebinee arguu waan dandeenyuuf. Garuu biyyi lafaa, warri ammaa kun, warri bara hamaa si'anee utuu bara sana keessa jiraachaa jiru ta'ee, waanuma amma gochaa jiran godhu, sababiin isaa Sagalichi isuma sanatu bara kana keessattis bakkeetti baafamee mul'ifamaa jira. Sichittis inni in raawwata. Isaan kanaan ala waan hojjechuu hin danda'an. "Isaan ijoolee hin Sagalee Waaqayyoof hin abboomamnee dha." "Wallaalchisa hamaa amananii, isaan akka isaanitti faradamuuf dabarfamnii kennamaniiru."

38 Yeroo Waldaan biyya lafaa Yesusin, Sagalee bara sanaaf ifatti mul'ifame yeroo isaan simachuu didan yaadadhaa, sababiin isaa (maaliif?), isaan Sagalicha karaa biraatiin waan hiikaniifi. Garuu Inni sagalicha ta'uu isaa amanuutu isaan irra ture, sababiin isaa Waaqayyo waan nan raawwadha jedhe dubbate waan raawwatuuf, isaa jedhe raawwate waan ta'eef. Inni immoo, "Caaffata Qulqulla'aa yeroo kanaaf caafame qoraa; waan akkan hojjedhu dubbatame hundumaaf ga'umsa hin qabu yoon ta'e, Ana hin amaninaa" isaanii jedhan.

Isaan immoo, "Nuyi Musee amanna" jedhan.

Inni immoo, "Museen Waa'ee koo waan dubbateef, Utuu Musee amantanii Ana amantu turtan" isaanii jedhe. Garuu amma iyyuu isaan Isa baruu hin dandeenyne. Waaqayyo Inni Waaqa irraa fannoo irratti du'aa, waanuma raajiin fannoo irratti dubbata jedhe utuu Inni dubbachaa jiruu, isaan amma iyyuu isaa baruu hin dandeenyne. Hubattanii?

Isaan warra Sanyii isaa hin turre. Isaan Sagalicha hin turre, sagalicha miti; garuu isaan nama amantii cimaa qabu fakkaatu turan. Garuu isaan Sagalicha hin turre, isaa utuu ta'anii iddo Inni bara sanaaf qabu hubatu turan.

39 Hammam caffanni Qulqulla'aan bareechee barootaa wajjin walitti hidhata qabu qalbeeffadhaa. Amma hubadhaa.

Waldaan biyya lafaa yeroo Sagaleen Waaqayyoo akka isaan irratti mo'uuf Isa simachuu didanitti, isa nama ajjeese Barabbaa simatan. Inni kun immoo maal godhe? Gochi isaanii kun seexana isa waaqayyicha bara hamaa si'anee ta'e, iddo inni barbaadutti ol baase.

Amma dhaggeeffadhaa. Barri seexanni waaqayyicha baraa itti jedhame bara kana malee hin jiru. Inni waaqayyicha bara Nohi hin jedhamne. Inni waaqayyicha bara Musee hin jedhamne, inni waaqayyicha bara Eliyas hin jedhamne. Garuu bara hamaa kana keessa inni...Oo, inni kun isin hin ba'in! Inni waaqayyicha bara hamaa si'anee kan namoonni miliyonotaa fi biliyonotaan itti sagadaa jiran, garuu immoo akka isatti sagadaa jiran hin beeknee dha. Garuu ganama kana Caaffanni Qulqulla'aan ifatti waan isaa saaxiluuf, kottaa ilaalaatii isaa beekaa. Mee Caaffanni...

Akkuma kadhanna keessatti, yeroo Hafuurri Qulqullu Sagalee isaa kan Isaa

namoota gidduutti argatee, isaan keessaa nama isaa waamee, "Dubartoota kan biraawajjin jiraachuun sirra hin jiraatu. Waggoota kurnan darban kana guutuu yummuu dubartii namaa wajjin fiigaa turte maal gochuuf jetteeti?" jedhee isa Inni dubbateeti. Yeroo kantti Inni maal gochaa jira? Haguuggii isarraa baasaa jira, Seexana isa namicha hidhe, yookiin dubartittii ishee abbaa manaa namaa wajjin jiraachaa jirtu, yookiin cubbuu isaan hojjetan, waan isaan hojjetan hundumaa ifatti baasee saaxilaa jira. Inni kun maal godha? Isa saaxila.

40 Doktoorinni meeshaa fudhatanii rakkoon maal akka ta'e baruuf yaalii godhan. Isaan isa kana bira ga'uu hin danda'an. Nuyi dubbachuu hin dandeenyu. Garuu Hafuurri Qulqulluu dhufee maal akka inni ta'e ifatti baasee, isa in saaxila. Hubattanii? Egaa Sagaleen Waaqayyoo isa kana. Inni Ibsaa dukkana keessatti ifu dha.

Kutaa manaa keessaa yoo sagalee nama sodaachisu wayii dhageessan, wanti ta'e gurmudhaan waa gochaa jira jedhuudha, waan sana hin beektan malee. Yeroo kana ibsaa qabsiisaa, dafatanii...Quruphisaa, Bararoo argitu, isaan ijoolee dukkanaati. Yeroo isin ibsaa qabsiiftanitti, isaan facaanii in badu.

"Isaan kan keenya sababa hin ta'iniif nu keessaa ba'anii sikkann" jedha Macaafni Qulqulluun. Argitanii? Isaan Ifa biyya lafaa keessa jiraatanii...hin danda'an. Waaqayyo inni waqa irraa ijoolee Isaatiif karaa akka ibsuuf, ijoolleen Isaa dukkana keessa deemanii akka hin gufanneef, Ifa Isaa isaaniif ergeera. Kanas kan godheefis, isaan Ifa Yesus Kristos isa duris, ammas bara baraanis ifu keessa akka deemaniifi. Ameen!

41 Qalbeeffadhaa, seexanni bara kana irraan kan hafe bara kamitti iyyuu waaqayyicha baraa hin jedhamne. Jalqabuma irraa jalqabee, inni akka Waaqayyoo ta'uuf fedhii guddaa qaba ture.

Mee isa kana haa dubbifannu. Yeroo keenya haa quşannu. Mee duuba deebinee... Isaayaas 14 irra kan jiru barreesseen of harkaa qaba. Mee Isaayaas keessaa daqiqaa muraasa fudhannee waan Waaqayyo jedhe haa ilaallu. "Waaqayyichi," waan seexanni godhe haa ilaallu. Isaayaas 14:12 fi 13. Qalbeeffadhaa.

Ati yaa ilma ganamaa, isa akka bakkalcha barii ibsuu! Attamitti bantiiwwan waqaar irraa gadi darbatamte! Ati inni saba gadi qabaa turte, amma immoo attamitti lafatti dabalamte!

Ati garaa kee keessatti, "Ani gara bantii waqaatti ol nan ba'a, urjoota Waaqayyoo (warra amma ilmaan Waaqayyoo ta'an) gararraas teessoo koo nan dhaabbadha, tuloota iddo wal ga'ii isa dhuma gara bitaa jiru irras nan taa'a;

Akka Waaqayyotti akka isaaf sagadamuuf seexanni fedhii guddaa qaba ture. Inni urjoota waqa keessa jiran harka sadii keessaa harka tokko haxaa'ee lafatti gadi in durbate. Urjoota sana gararraa of kaa'ee, isaanitti lallabuudhaan harka tokko sadaffaa isaanii in gowwomse. Isa kana hubattanii? Tole egaa. Hubadhaa, inni kun hawwii isaati.

Ammas inni warra inni of eeggannooodhaan filateen, beekumsa isaatiin misirroo warra barsiifateen, hubadhaa, hundumti isaanii halluu gowwomsaa isaatiin kuulamanii, warra ijaarsa gurguddaa qabanii fi dame amantii gurguddaa qabaniin, warra halluu beekumsaa fi tiyoooloojiitiin kuulamaniin, warra babbareedoo fi beektotaan, warra barataniin guutumaa biyya lafaa wallaalcisuudhaan "waaqayyo" ta'uudhaaf qophaa'eera. Inni kun waan inni godhee jiru dha. Hundumtuu gara namicha isa mormituu Kristos ta'ee, kanumaan dura gonfoo, "Idoo Waaqayyoo isa bu'e" jedhu gonfatee, biyya lafaa jaallachuu isaatiin, misirroo saayinsooftuu kana hundumaa beekumsa alaan mul'atu cululuqsee itti uwvisuudhaan, barnoota amantiitiin waan eebbisaa jiruuf, hunduu isa duukaa bu'aniiru. Akkuma hiikkaa Sagalee Waaqayyoo kan ofii isaatiin Hewanii fi Qaayin ilma isaa irratti raawwate, ishees akkuma isaa nama amantii qabu godhe.

Amma egaa isin, "Ilma Seexanaa?" jechaa jirtu.

42 Macaafa Qulqulluu keessaa iddo Qaayin ilma Addaam jedhamee waamame natti agarsiisaa. Macaafni Qulqulluun, "Inni ilma isa hamaa sanaati" jedha, sanyii bofaa. Lakki, yaa obboleessaa, golgaan sun amma irraa fuudhameera. Akkuma mul'anni agarsiisee turetti, piraamiidiinsun banameera.

Akka yaada isaatti waan inni gochuuf jedhu qalbeeffadhaa. Inni Waaqayyo bareedina biyya lafaa keessa jiraata jedhee yaade. Inni isa kana waqa irratti godhe. Cubbuun gonkumaa raawwatee iddo dhaabaa Eeden keessatti hin jalqabne; cubbuun

waaqa irratti jalqabe, innis kan jalqabe yeroo Lusiifer ilmi ganamaa iddo bareedinaatti ol of baasee, mootummaa miidhagaa isa kan Mikaa'el caalu qabaachuu barbaadetti jalqabe. Inni Waaqayyo miidhagina keessa jiraata jedhe.

Mee Qaayin qalbeeffadhaa. Inni aarsaa dhiigaa dhi'eessuu hin barbaanne. Inni dhaqee firii mikaa dhi'eesse, yookiin waan miidhagaa maasii isaa irra jiru iddo aarsaatti dhi'eesse. Inni baay'ee nama amantii ture, wan hojjete hundumaa gaarii godhee akkuma Abeelitti godhe; aarsaa dhi'eesse, Waaqayyoon waaqessuuf fuula Isaa duratti kufe, karaa hundumaan abboomamaa ture, garuu mul'ata Sagalichaa hin qabu ture.

Sagaleen Waaqayyo immoo jalqabumaa jalqabee, sagantaa Waaqayyooti. Garuu Waaqayyo waan dubbatee sirna tuqaalee itti godhee waan sirriidha jedhee mul'ise hundumaa mul'ataan ifatti baasee in mul'ata. Amantii miti, iddo aarsaa miti, miseensa waldaa ta'uu miti, aarsaa dhi'eessuu miti, garalaafessa ta'uu miti; mul'ata Sagalee Waaqayyootiin malee. Waaqayyo isatti kan mul'isaa jiru...

Haati isaa kan fudhatte Appilii bofti kenneef miti, isheen namummaa Seexanaa isa bifa bineensichaatiin mul'ate sanaa wajjin walitti dhufeenza wal quunnamtii saalaa keessa turte malee; inni reepitaayili miti, lafa irra kan ture hundumaa irra bareedaa fi afshaala, fakkaattii namaa kan qabu, kan sanyiin isaa kan ishee wajjin wal fudhachuu danda'u ture malee. Yeroo ammaa saayinsiin bineensa kana qorachaa jira. Gonkumaa raawwataniisa bira ga'uu hin danda'an, sababiin isaa lafeen qaama isaa keessatti argamu hunduu jijiirameera. Garuu Macaafni Qulqullu akkas ta'uu isaa labsa.

43 Amma waan namichi kun gochuuf jedhu qalbeeffadhaa. Namichi kun, "Inni ofuma isaatii Waaqayyo ofiin jechuudhaan mana qulqullummaa Waaqayyo keessa taa'umsa in dhaabbata," kunis Waldaa keessa jechuu dha. Isa kana dubbifachuu yoo barbaaddan, Tasaloniiqee 2:3 fi 4, akkasumas Mul'ata 13:4,11 fi 12; iddo kanatti raajonni lamaan, Phaawulosii fi Yohaannis bara dhumaatti maaltu ta'uu akka jiru dubbatan. Egaa isin dubbifadhaa, sababiin isaa ani barreesseen of harkaa qaba. Garuu yeroo qusachuuf...

Barri nuyi keessa jiraachaa jirru Macaafa Qulqullu keessatti, "Bara namaa" jedhama. Barri kun kan Waaqayyo miti. Waaqayyo waaqayyicha biyya lafaa kanaa miti; Macaafni Qulqulluun Inni akkas miti jedha. Inni Waaqayyo kan bantii waqaati. Garuu guyyaan kun kan Waaqayyo miti.

Guyyaan kun guyyaa filannooti. Yookiin guyyaa kanaaf jiraadhu, yookiin du'i; yoo Waaqayyo filatte in jiraatta. Waaqayyo immoo Sagalicha, Sagalichis immoo Sagalee guyyichaa fi sa'atii sanaaf ifatti baafamee mul'ifamee dha.

44 Qalbeeffadhaa, "Guyyicha isa kan namaa." Barreeffachuu barbaaddu yoo ta'e isiniif dubbisuufan jedha. Qorontos isa duraa 5:1-5...Qorontos isa duraa 4:1-5, dhiifama, Qorontos isa duraa 4:1 fi 5. As keessatti Phaawulos waa'ee firdii bara namaa kana keessa faradamuu dubbata.

"Guyyicha maaliif guyyaa namaa jettanii waamtu?" sababiin isaa barichi bara beekumsi namaa ulfina itti argatu waan ta'eefi.

Oftuulummaa warra kooministii hundumaa ilaala, namni tokko nama isa kaan addeessa irratti arguuf yaalaa jira. Waaqayyo immoo nama tokko waaqa irratti arguu yaalaa jira. Hubattanii? Garuu doolaara miliyoona, biliyoona, fi tiriliyoona meeqa balleessuudhaan waan badu kanti hamma akka isaan dadhaban ilaala. Yeroo achi ga'anittis wanti isaan argatan hin jiru. Rakkoon isaan qaban maali?

Ani addeessa irraa dhimma hin qabu. Ani hamman addeessa arguu hin dandeenyetti ariitii guddadhaanan darba; kallaattiidhaan isa gararraa fagaadhee deemuu koo ittan fufa. Urjiwwan miilki weeyii bira darbee, ol fagaadhee deemuu koo ittan fufa. Eeyyee!

45 Biyyi lafaa bara ammaa kana beekumsa issa seexanaan dhufuuf dabarsanii of kennaniiru. Barri namaa ulfina argateera, innis Sagalee Waaqayyootiin utuu hin ta'in beekumsa inni qabuun ulfeeefamaa jira.

Amma mee yaadaa. Isa kana mee sirritti keessa cuuphnee haa jiisnu. Sagalee Waraabamu kana yeroo dhaggeeffattanitti, tuqaa kana irra yummuu geessan yeroodhaaf teeppii dhaabaatii itti yaadaa.

Hojii isaa Sagalee Waaqayyo fi hojii mul'inatti Waaqayyo hojjete gararraa taa'eera; innis immoo ogummaa seexanaa, isa inni jalqabatti Hewaaniif kennee dha.

Amma dhaggeeffadhaa; inni kun isin hin ba'in. Ogummaan seexanaa Sagalee Waaqayyoo isa bara kanaaf mul'inatti kenname gararraatti ol ba'ee teessoo waaqeffannaa namaatti ol ba'e. Akka yaada isaaniitti, waldaan keenya seminarii isheetiin, mana barumsaa isheetiin isa kana mirkaneessiti, innis immoo namni Sagalee Waaqayyoo caalmaatti barate, caalmaatti beekaa dha jedhanii yaadu. Achittis, Doctor abaluu abaluu, barsiisaa abaluu fi profeeser abaluu abaluu beekumsa isaanii, dhugaadha jedhanii waamanii (Seexana irraa fudhatanii), Sagalee Waaqayyoo isa mul'inatti kenname gararraatti ol fuudhanii, isaan duratti waan sirrii godhanii dhi'eessu. Namnis immoo isumaan kufa. Hubattanii?

Argannoon saayinsawaa isaa Sagaleen Waaqayyoo dogoggora ta'uu isaa mirkaneessuuf yaalaa jira. Amma waa'ee isa kanaa yaadaa. Akkuma bara garee amantii, bara Yesus lafa irratti mul'ate godhee ture sana, har'as tiyooloojii namaatiin Sagalee Waaqayyoo namootaaf ibsanii, ammas gatii dhabsiisa jiru. Yesus, "Isin yaa warra of hin arginee nana! Kana kan fakkaattan waan baay'ee gochuudhaan, seera muka abbaa keessanii isa walitti dabarsitaniin dubbii Waaqayyoo busheessitu" isaaniin jedhe. Innis immoo hiikkaa Sagalichaaf isaan kennaa turani dha. Wanti isaan bara ammaatti godhanis isumaan kana. Inni isaan biratti bushaa'aa dha.

46 Yaadadhaa, "Isaan," namoonni, "ol isa qabuudhaan Waaqayyo kan jedhamu, waanuma namni itti sagadus isa godhan." Tasaloniiqee isa lammaffaa keessatti isaan isa kana gochuuf jiru hin jedhoo? Aboo waldaa damee amantii keessa jirtuu tokko yoo fudhanne, namoonni waldaa sana keessa jiran Waaqayyotti amanuu caalaa Waldattiitti amanaa jiru. Waaqayyo immoo Sagalicha. Isaan Sagalee Waaqayyoo gararraatti barsiisa garee amantii isaanii isa, "Waanuma Waaqayyo jedhamu gararraa isa kaa'utti" amanu. Waaqayyo tokkitchatu jira, innis immoo Sagalicha.

"Inni Waaqayyo kan jedhamuun in morma; ofuma isaatii Waaqayyo ofiin jechuudhaanis mana Qulqullummaa Waaqayyoo keessa taa'umsa in dhaabbata," sababiin isaa inni namoota isatti sagadan argateera waan ta'eefi. Waaqayyo Sagalicha. Inni immoo ofii isaa Waaqayyo kan jedhamu gararraatti ol in baase. Waaqayyo immoo tokkicha qofaatu jira, innis immoo Sagalicha. Argitanii? "Inni Waaqayyo kan jedhamu of godhe"kun, waaqayyicha bara si'anaa, isa dhugaa mul'achuu Sagalee Waaqayyoo gararraatti ol of baase dha. Inni kun Wangeela Yohaannis boqonnaa 1 irra jira. Hubattanii? Inni aboodhaa, "Waaqayyo kan jedhamu gararraa of kaa'ee, ofuma isaatii Waaqayyo ofiin jechuudhaanis mana qulqullummaa Waaqayyoo keessa teessoo in dhaabbata."

Ilaalaa, isa kana gochuu isaatiif in galateeffame! Oo, Waaqayyo utuma arguu saba wallaalchifamuu akkasiitti dabarsee kenne! Namoonni bara hamaa si'anaa kana gochuu isaatiin isa galateeffatanii, ulfina qabeessa qodhanii isatti amanan. Egaa amma waaqayyichaa fi tajaajiltoota isaa bara hamaa kana keessaa hubattanii?

47 Mee isa inni bakkeetti baafamee mul'ifame haa ilaallu. Inni, Sagalee Waaqayyoo isa raawwatee gonkumaa hin dabarreen ala, beekumsa kootiin addunyaa mijooftuu keessan isin jiraachisa isaaniin jedhaa jira. Garuu dameelee amantii, barsiisa waldaa, hayyoota, saayinsii fi waan kana fakkaatan walitti fiduu isaatiin, adduyaa jirenya namaatiif mijooftuu uumaa jira; kanas immoo kan gochaa jiru Abdii Sagalee Waaqayyoo isa, "namni jirenya mijataa addunyaa kana irra kan jiraatu bara Miliniyeemiitti" jedhuun mormuudhaani. Isinuu beektu, akka yaada kootti, inni adduyaa keessa jiraachuu irra, cubbuu itti hojjechuuf mijattuu taate uume.

Yaadadhaa. Inni kana godheeraa? Inni cubbuu seera qabeessa godhe. Inni Wiiskii dhuguu fi sigaaraa xuuxuu seera qabeessa godhe. Akkasumas, inni dubartoonni miseensa waldaa ta'anii rifeensa mataa murachuu akka danda'an seera qabeessa godhe. Tarii amma daqiqaa xiqqoodhaaf ni dhaabdu ta'a.

48 Isheen qumxaa uffattee, halluu dibattee, miseensa garee amantii isaatii ta'uu dandeessi, inni kun immoo guutummaatti faallaa Sagalee Waaqayyooti. Inni, wanti kun rakkoo hin qabu jedhee dubbata. Beekumsa isaa argitanii? "Dubartittiin maal akka gootu taasise?" Akkuma isa isheen ija muka dhorkamanii kutteeti, yookiin muka dhowwame utuu hin ta'in, inni waanuma ta'e sana dha. Waaqayyo isa hin godhin jedhe, inni garuu in godhe.

Isheen isaa in amanti, kana gochuu isaatiifis isa in jaallatti. Ishee Waaqayyoon in jibbiti. Hojiin ishee isa kana in mirkaneessa. Isheen Isan jaalladha jetti, garuu isheen

seexana jaallatti. Isheen waaqayyicha faashiniitti, waaqayyica biyya lafaatti, waaqayyittii Hoolii Wuudiitti sagaddi. Isheen isa in jaallatti, Waaqayyo tokkicha dhugaa isa ta'e Sagalee Waaqayyoo immoo in jibbiti.

Isa Waldaa keessatti seera qabeessa godhan. "Hammina hin qabu. Dubartooni keenya kana, sana, yookiin kan biraas gochuu danda'u." Fuula Waaqayyo isa jiraatti duratti dhi'aachuun garuu, hamma qalbii ishee jijiirrattutti isheedhaaf hin eyyemamu.

Hubadhaa, inni waaqayyicha miidhagina biyya lafaati, inni akkasi. Isheen miidhagdee mul'achuu barbaaddi. Inni jalqabu irraa kaasee waaqayyicha miidhaginaati. Inni beekumsa saayinsiitiin meeshaa bareedinaa ittiin bara ammayya'aa, bara hamaa kana miidhagsuuf hojjechuu danda'a, argatee hojjeteeras. Biyyi lafaa miidhegfameera.

49 Yaadadhaa. Waan yaadachuun malu waan ta'eef, qalbeeffadhaa. Jalqabtti Sheetii fi ijoolleen isaa karaa saayinsawaa ta'e irra hin deemne.

Amma egaa daqiqa muraasaaf waa'ee saayinsii haasa'uuf jirra. Yoon akkas jedhu wallaalummaa kootiif dhiifama hin gaafadhu; wanti Sagalee Waaqayyootiin mormu kam illee bissii wallaalummaati. Hubattanii? Siirrii dha.

Waan yaadatamuun irra jirudha. Qalbeeffadhaa. Ijoolleen Sheet raawwatani fi daandii saayinsii irra hin deemne. Isaan namoota gadi of deebisanii qonna qotanii fi tikfatanii bulan turan.

Garuu ijoolleen Qaayin daandii sana irra deeman. Maaliif? Abbaa isaanii seexana irraa kaka'umsa argatan. Qaayin abbaa isaa seexana irraa kaka'msa argate, ijoolleen isaa immoo karaa sanyii abbaa isaanii kaka'umsa saayinsii dhaalan.

Sanyii Waaqayyoo isa baroota hundumaa keessa darbee dhufe ilaala, har'as garamitti akka inni deemaa jiru ilaala. Kristaanoni, Kristaanoni dhugaan qorannoo saayinsii fi wantoota saayinsii wajjin walitti dhufeenyaa hin qaban. Lakki. Daqiqa muraasaaf isa kana gadi fageenyaan in ilaalla.

Garuu Qaayin, abbaa isaanii isa ta'e Seexana duukaa bu'uudhaan, guutumaa beekumsa biyya lafaa, saayinsii fi miidhagina duukaa in bu'an. Ijoolleen Qaayin saayinsaawoo turan. Isaan namoota baratan turan. Isaan taphattoota meeshaa muuziqaa turan; isaan akkuma isa boordiin mana barumsaa gubbaa kanaa sambata galgala yeroo hundumaa itti fayyadamu, meeshaa muuziqaa ammayya'aatti fayyadamaa turan. Isaan ijaartuu mandaraa turan, akkuma seexanni dubartoota halluu dibaa jiru kana isaanis fedhii foon isaaniiif dubartoota halluu dibaa, qumxaa isaanitti uffisaa, rifeensa mataa isaanii irraa gaggabaabsaa fi waan kana fakkaatu hojjechaa turan. Isaan, kana kan godhe fedhii xuraa'ummaa isaatiif jedheeti. Inni kun ifaa dha, kana caalaa waa'ee isaa waanan jedhu hin qabu.

50 Egaa, Wangeelli seexanaa Wangeela saayinsii fi guddinaa akka ta'e in beektu. Inni isa kana Eeden keessatti lallabe; Waaqayyo miti; Seexanatu saayinsii guddinaa lallabe malee. Saayinsii fi guddinni teknoolojii wangeela seexanaati. Bara amma kana saayinsiidhaan garamitti akka inni nu oofe ilaalaamee. Hubattanii?

Yaadadhaa, inni wangeelicha Eeden keessatti lallabe, eenyutti? Misirroo Addaamitti. Isheenis isaan kufte. Inni Sagalee Waaqayyoo keessaa tokko ishee gaafudhaan ishee gowwomse. Tarii waan inni ishee gaafate mee walii haa ilaallu. "Waldaa qulqulloftuu kana keessatti du'uun saayinsiin kan deeggarame." Yookiin, "Waan mirkanaa'in du'a jedhamu kun akka hin jirre mana barumsaatti isin barsiifnee isin amansifna. Sagaleen Waaqayyoo duuti jira yoo jedhe iyyuu dhimma koo miti; waan hin mirkanoofnee dha."

51 Oo, mee bara kana gara isaa ilaala. "Waaqayyo Waaqayyo gaarii dha. Isin Waldaa qulqulluu kan isaa keessa jirtu; kanaaf hin duutan." Garuu Waaqayyo in duuta jedhe, isa kanatu gadi isa teessisa. Bara ammaa kana isa argitanii? "Oo, Miseensa Waldaa qofa ta'aa. Waan isin hojjettan miti, yookiin kana, sana, yookiin waan biraas miti. Callisaatii waldaa dhufuudhaan miseensa gaarii ta'aa. Dubartooni rifeensa mataa murachuun waan madaala kaasu miti. Qumxaa uffachuun, halluu dibachuun, mana ragadaa deemuun, utuu hinbaay'isin biiraa dhuguun, isaan kun hunduu hamma itti gadi of hin dhiisnetti isin hin miidhu. Ifaa fi ifatti, ijoolleen isa kana akka fudhatan nan hawwa, innis, jaallatanis jibbanis ijoolleen barachuu qabu." Asitti egaa, inni waaqayyicha bara hamaa si'anaati.

"Waaqayyo Waaqayyo gaarii dha." Isa kana hamma gurri na dhukkubutti dhaga'eera. Waaqayyo Waaqayyoo qajeelinaatis. Inni jaarsa dulloomaa gatantaraa asii fi

achi dhiibamu fi ijoolleen isaa cubbuu hin hojenne miti. Inni Waaqayyo qajeelaa fi qulqulluu dha. Isa kana immoo inni iddo dhaabaa Eedenitti ijoollee isaa warra jalqabaatin mirkaneesse. Isin sarara sana, Sagalee Isaa kessaa 'In duuta' isa jedhu qaxxaamurtan. Har'as waanuma wal fakkaatutu raawwachaa jira.

52 Egaa hubadhaa, inni wangeela saayinsii, kan hawaasumma, kan barumsaa fi guddinaa Hewaanitti lallabe, Misirroon Addaamis isa in amante. Misirroo Kristos jedhamtee ishee waamamte, Waldaa Addaam isa lammafas yaaduma jalqabaa sanaan ishee guutuudhaan galma ga'e. Inni kun sirri dha.

"Oo, inni kun Waaqayyoof miti; isa kana gochuuf Waaqayyo Waaqayyo gaarii dha. Maaliif jennaan, hamma waldaatti deddeebitanitti rakkoo hin qabu, 'Amani duwwaa'" Seexanni amanaadha; inni amanaa itti fakkeessaa miti, dhugaadhumatti kan amanu dha malee. Inni fayyina lubbuu hin arganne. "Amani duwwaa." Uuu!

Inni akkuma ishee duraatti dubbatteti Misirroo ishee lammataatti, yookiin Misirroo Addaam isa lammaatti dubbate. Dubbiin isaa kanneen akka, "Fayyina Waaqarrraa wanti jedhamu hin jiru. Isa kana mirkaneessuu dandeenya. Dhimma kana irratti wanti mirkanaa'e tokko iyyuu hin jiru." "Waa'ee cuuphaa maqaa Yesusin jedhamuu kanas taanaan, amma aboon Waldaa ana harka akka jiru hin beektanii?" jedha. "Isa kana Niqeyaa Roomitti xumrre, "yeroo hafuurri xuraa'oon sadii bineensicha akka jawwee keessaa, raajii sobaa fi waan birootiin ba'an sana irratti walii galame. "Waaqayyo sadii akka jiru in amanna." Oo, gaarummaa barbaachaaf jenneeti! Warri Waaqayyoon hin beeknes akkasuma in godhu. Waan akkasi gochuu keessaniin gonkumaa raawwattanii Waaqayyoon duratti dhi'aachuuf yoo yaaltan, Isa argachuu hin dandeessan.

"Oo, yoo maqaa kabajaa, 'Abbaa, Ilma, Hafuura Qulqulluu' jedhuun cuuphamte garaagarummaa fidu hin qabu. Garaagrummaa maalii fida kun?" in jedhu.

53 Hamma Phaawulos gurmuu warra duraan cuuphamanii turanii irra deebi'anii maqaa Yesusitti akka cuuphamaniif abboomee, isaanis cuuphamniiHafuura Qulqulluu argataniitti, garaagarummaa guddaa umuu danda'a. Akkasumas Ergamaan sun sagalee isaa ol fudhatee, "Eragmaan Waaqa irraa dhufee waan nuyi isinitti lallabneen ala yoo isinitti lallabe haa abaaramu" jedhe. Dhugaadhumatti, garaagarummaa guddaa fida. Yaa anaa!

"Bara ammaa kanatti cuuphaa Hafuura Qulqulluu wanti jedhamu hin jiru. Inni kun Ergamoota qofaadhaaf kan ture dha. Inni kun darbeera. Wanta raajii jedhamuu? Waa'ee kanaa wanti beeku iyyuu hin jiru. Dinqiwan hojjechuudhaa? Isaan kun saayinsiin kan deeggaraman miti. Milkiyas boqonnaa 4? Inni bara kan biraatiif ture. Yohaannis 14:12? Oo, Yesus dhugumaan waa'ee kanaa hin dubbanne. Luqaas 17:30? Oo, inni kun oduu duriiti. Hubadhaa, inni garmalee hiikameera; inni akka jalqabaatti hin jiru." Maal oduun waa'ee hin baafne akkasi!

Waaqayyo inni hudumaa danda'u yeroo gidduu keenyatti gadi bu'ettti isa kana mirkaneesse. Yeroo, "Yesus Christos Isa kaleessa ture, Isa har'a jiruu fi bara baraan kan jiraatuu dha" yeroo jedhetti, inni akkas ta'u isaa mirkaneesse. Waa'ee kanaa eenyutu dubbate isa jedhu irraa ani dhimma hin qabu; Waaqayyo Sagaleesaa ofuma isaatii hiika. Inni waan kana bara dhumaatti akka hojjetu dubbateera. "Yeroo dukkanni itti hammatu in ifti in mul'ata." Mul'ina Ilma Waaqayyoofis Ifatu jira.

54 Aduu isuma karaa bahaa ba'utu karaa dhihaatiin lixa. "Barri halqanii fi guyyaa jedhamee hin waamamne ta'uuf jira" jedhee raajiin dubbateera. Duumessi aduu aguugu dhabamsiifamuuf jira. Garuu, "Bar'uff yummuu ga'u dukkanni itti caala" jedheera. Ilmi Waaqayyo tokkichuma. Inni Alfaa fi Omeegaa dha. Ilmuma Waaqayyo isa karaa ba'aa mul'atetu, utuu barri dhuma hin ga'in dura karaa lixaa akka mul'atu dubbatame. Isa kana akkamitti akka isaan hiikan ani hin eeku; Waaqayyo Sagaleesaa ofuma isaatii hiika. Inni Sagalee Isaa in mirkaneessa. Yeroon kun yeroo dukkanni itti hammaate dha.

Kana nama gaddisuus garuu isheen ammas isaaf jettee kufuu isheeti. Misirroon Kristos isaaf kuftee, Sagalee Waaqayyo isaa Qulqulluu mul'inatte kennname amanuu dhiiftee, lallaba beekumsaa isa beektota Seminariitiin lallabamu fudhatte.

55 Egaa tajaajiltooni biyya biraa keessa teessanii dhaggeeffachaa jirtan tarii isa kana irratti walii galuu dhiisuu dandeessu. Isin miidhuuf dubbachuu koo miti. Ani yaalaa kanan jiru... Ani garee koottin dubbachaa jira. Itt dabalamuu barbaaddu yoo ta'e, dhaggeeffachuu keessaniif gammachuu guddatu natti dhaga'ama. Yoos dubbii kana

dhaggeeffadhaa. Hubattanii? Garuu wanti ani isaanitti himaa jiru, isa isaan aeganii isaanitti agarsiisaa jirani dha; inni kun immoo sirrii ta'uun isaa Waaqayyo mirkaneesseera. Hubattanii?

Barri kun bara jedhame sana dha. Namni kan biraak akka isiniif hiikuuf hin barbaadinaa. Beekumsi lafarraa keessan kun waan tokko iyyuu...Tarii B.A qabaachuu dandeessa, tarii D.D., A.D., yookiin waan fedhe qabaachuu dandeessa; inni kun hooka tokko iyyuu kennuu hin danda'u. Waaqayyo Sagaleesaa ofuma Isaatii hiika. Inni isa kana kakuu galeera, kunoo raawwachaa jiras.

Garuu beekumsa semineriitiin, lallabni garee amantummaa, "Guutummaan biyya lafaa bineensa isa rukkuttaa du'aatiin madaa'ee deebi'ee fayye sana duukaa bu'anii akka isa dinqisiifatan godhee," Paadaanii irraa gara Phaaphasiitti isa jijiire. Garamitti akka isheen deemaa jirtu argitanii? Isheen isatti amanti. Isheen beekumsa inni isheetti himu amanti.

56 Amma egaa qalbeeffadhaa, Misirroon kaadhimataman lamaanuu beekumsa seexanaa isa Sagalee Waaqayyoon mormutti amanan. Misirroon Addaam beekumsa Seexanaa isa Sagalee Waaqayyoon mormutti amante, misirroon Kristosis bara beekumsaa isa hamaa kana keessa beekumsa seexanaa isa Sagalee Waaqayyoon mormu amanteetti.

Hubadhaa, Hewan isheen foonii isa amanuu isheettiin guutummaa dhala namaatti du'a fidde. Misirroo ishee foonii! Addaam biyya lafaatiif nama foonii isa jalqabaati; Misirroonsaa, isa biratti fudhatamtee haadha manaasaata'uun isheettiin dura, dhala namaa hundumaatti du'a fidde. Saayinsiis haa ta'u, ta'uus haa baatu nuyi akkasuma in duuna, sababiin isaa Waaqyyo in duutu waan nuun jedheefi.

Eden qulqulloftuu keessa yoo jiraattes, yookiin waaldaa qulqulloftuu keessa yoo jiraattes, dame amantii qulqulloftuu keessa yoo jiraattes, yookiin waan barbaadde iyyuu ta'i, Sagaleen Waaqayyo jechi tokko dhugaa ta'uun isaa mirkaneeffamee bakkeetti yummuu siif mul'ifamu hin amantu taanaan in duuta. Guyyaan ati Waaqayyo irraa gargar baate gaafa sana. Hima guutuu miti bari; jecha tokko amanuu diduu dha malee. "Eeyyu illee jecha tokko yoo itti dabale, yookiin jecha tokko yoo irraa hir'ise," guyyaan kana gootu in duuta.

57 Yaadadhaa. Misirroon Addaam du'a foonii dhala isheetti, dhala namaatti fidde.

Misirroon Addaam isa lammaffaas, misirroon Kristosiif kaadhimamte, guutummaa waldaa biyya lafaatti du'a dame amatummaa itti fiddee, dame amantii bal'aa, saayinsawaa fi hayyootaan guutameen mallattoo bineensichaa akka fudhatan goote. "Nuyi baaptistii dha. Nuyi Presbaayiteriyaanii dha. Nuyi Pheenxeqoostaalii dha, nuyi kan biraati" jedhu. "Nuyi kana qabaachuu keenyaan qabeenya baay'ee horanne. Nuyi, nuyi mootummaa biraabekamtii qabna. Nuyi adduyaa nmara keessaa dame qabna, waan kana fakkaatu qabna" jedhu. "Namoonni bebbeekamoon, kantiibaan magaalaa fi kanneen biroon nu bira dhufu. Presidaantiin biyyaa utuu hin hafin namoota baay'ee waliin dhufee waan haasaa nuuf godheef, kana, sana fi kan biroo qabaachuu keenya irratti walii galle" in jedhu. Guutummaan biyya lafaa du'a hafuraatti, du'a dame amantiitti qabsiifameera; guutummaan waldaa hafuraan du'eera. Isheen duuteetti!

"Lafa baay'ee aguugaa jirata" naan jechaa jirtu.

Yesus, "Akkuma bara Nohitti lubbuun saddeet oolfaman, akkasuma bara dhufa Ilma namaattis in ta'a" jedhe. "Bara Looxitti namoonni sadii buyya Sodoomii akkauma baafaman, bara..." Amma gareen durumaan isaa keessa waamamnii ba'an jiru, yaadadhaa. "Garuu, akkuma bara sanatti ta'e, ilmi namaa bakkeetti baafamee in mul'ifama." Bara akkamii akka ta'e ilaala, eessa akka jiraachaa jirru ilaala!

58 Egaa isheen guutummaan biyya lafaa geggeessummaa saayinsawaa isa seexanni sagantaa barnootaa Waldaa jalatti akka baratn gochuudhaan isheedhaaf kenne akka fudhatan goote; geggeessaa barnootaa, sagantaa saayinsawaa akka fudhatan goote. Gara waaqayyicha bara si'anaattin quba isin qabsiisaa jira.

Isheen yeroo, akkuma Hewan, isheen Sagalee Waaqayyo guutuu harka ishee irraa waan qanduuf, Sagalee Waaqayyo fudhachuutu ishee irra ture. Garuu isheen isa kanaaf maal goote? Cuuphaa hafura Qulqulluu jala turuu mannaa, Hafuurri Qulqulluun bartootaa Gooftaa qofaaf akka ta'e saayinsiin akka isheedhaaf mirkaneessu goote.

Fayyinni Waaqa irraa akka itti fufu gochuu manna, yeroo du'aa kaasuu fi dinqii

gurguddaa hojjechuun utuu ishee irru; isheen seexana karaa namicha geggeessaa amantiitiin afeertee, Sagalee Waaqayyoo fudhattee gochaan akkasii kan bara biraati jetti. Isheen isas amanteetti.

59 Utuu Macaafni Qulqulluun, "Waanan godhu hundumaa isinis in gootu" jedhuu, isa kana Yesustu dibbate, utuu, "Gara biyya lafaa hundumaa dhaqaa, uumama hundumaatti Wangeela lallabaa" utuu jedhuu, nuyi amma iyyuu uumama lafa irraati. "Warra amaan hundumaa bira milikkitooni kun in jiraatu" utuu jedhuu, isheen garuu waan kana hundumaan in mormiti.

Isheen gochaa Waaqayyoo hundumaan mormitee, qorannoo beekumsa Macaafa Quqluulluu isaatiin jijiirte; innis immoo iddo qeesonni, abbooti qulqulluu jedhamanii waamaman, iddo Ilaaltuun Waldaa, Ilaaltuu ol'aanaan Waldaa, Ilaaltonni kutaa biyyaa, Ilaaltuwwaan walii gala fi warri kana fakkaatan walii galanii hiikaa ofii isaanii Sagalee Waaqayyootti kennanii dha. Waaqayyo immoo isaan dhiise, akka sa'atii kudha lama irrati du'eetti achi isaan kaa'e.

Wanti tokkichi bara dhumaan kanatti hafe bissii warra Pheenxeqoostaalii, warra bissii muuziqaatiin hamma gurri namaan dhukkubutti iyyan, warra lafarra olii fi gadi fiigan, afaan haaraatiin warra dubbataai fi iyyan, "Warra akka bakkeedhaan mul'atutti nama waaqayyoo fakkaatanii, humna isa nama akkasii keessa jiru immoo ganan" qofatu hafe. Waa'ee cuuphaa Maqaa Yesus kristosin godhamuu qabuu isaanitti dubbadhu; sitti kolfu. Garuu Waaqayyo karaa sirrii ta'een akkuma duraatt akka itti fufu godhaa jira, kun ta'u akka qabu Sagaleen Isaa mirkaneessaa jira.

60 Hubadhaa, mukti seexanni Hewaan akka irraa nyaattu godhe, "Muka hamaa fi gaarii" ture. Inni muka wal makaa ture.

Bara amma keessa jiraachaa jirru kana, bara Inni Misirroo Isaa waamuutti jiru kana ilaala mee. Inni Waldaa Sagalee Isaatiin mormuudhaan utuu hamaa gootuu, waldaa gaarii jedhamtu argateera. Muka wal makaa. Oo, jedhu, "Isaan hawaasa bal'aa qabu. Isaan kana gargaaru. Waldaan fannoo diimaa isaaniif nirkaneesseera. Manni barumsaa hunduu, isaaniin... Asi ilaala!" jedhu.

Oo, garuu du'u yoo barbaadde jecha tokko duwwaa amanuu didi, du'uuf wanti ati gochuu qabdu kana duwwaa dha; hammam hayyu yoo taates, hammam nama gaarii yoo taates in duuta. Yesus, "Raacitiin xiqqoon ishee guutummaa bukoo in bukeessiti" jedhe. Raacitii xiqqoon ishee guutummaa bukoo faalti. Jecha Sagalee Waaqayyoo tokkitti iddooodhaa butuun, guutummaa isaa faaluu dha. Iddoo miilli koo ta'u qabuu harki koo maal hojjeta? Hubattanii? Utuu gurri koo gadi bu'ee iddo harki koo jirutti fayyifamee maal ta'a? "Raacitii xiqqoon guutummaa bukoo bukeessiti."

"Wanti kun sirrii ta'u isaa akkamitti beekta?" jedhaa jirtu. Sirrii ta'u isaa Waaqayyotu mirkaneesse. Inni ifatti baasee isa mul'iseera. As Sagalee isaa keessatti dubbateera, isa dubbate immoo in mirkaneessa. Sirrii ta'u fi ta'u dhiisu isaa akkaataa kanaan beekna.

Jecha Sagalee isaa tokkittiin mormuun guutummaatti gara du'aatti nama geessa. Bara hamaa kana keessas bu'aadhuma wal fakkaataa fida; amanuu diduun akkuma du'a foonii guutummaa dhala namaatti fide, akkasuma du'a Hafuuraa in fida.

61 Egaa bara Nohitti Saaxanni akkamitti beekumsa isaaniiti akka hirkatan akka godhe hubadhaa. Uhhuu! Macaafni Qulqulluun Fakkeenyä keessatti, "Hubannaan ofii keetiitti hin hirkatin" jedha. Akkasumas, "Dubbiin namaan hundinuu soba haata'u, dubbiin Waaqayyoo dhugaa haa ta'u" jedhamee caafameera. Garuu seexanni, jalqabuma irraa jalqabee, Iddoo dhaabaa Eden keessatti beekumsa isaatiin namoonni hubannoo isaanii irratti akka hirkatan godhe. Akkuma beektan, industrii kosmootiksii guddaa dur qaba tureen, dubartoonni babbareedanii ilmaan Waaqayyoo warri jedhaman cubbuutti kufanii akka isaan fuudhaniif sababa ta'e. Sirrii dha. Inni... Dubartoonni baay'ee kana nama hawwatan, babbareedoo turan.

Bara hara'aa kana dubrtii karaarra deemtu, abbaa fedhe haa taatu waan isheen fakkaattu ilaala. Baay'een keessan oduu kana dubbiftaniittu; isin gonkumaa isa kana hin dhageenya, sababiin isaa inni kun utuun hin dhalatin dura ture. Piirli O'Breeyin, nama meeqatu waa'ee ishee takkaa dhaga'ee beeka? Sirrii dha. Bareeduu addunyaa kanaa jedhamtee nama fudhatmuuf malu ture. Akka amma kana manni barumsaa ijoolleen deemtu hin jiru waan tureef malee, bareedinni ishee dachan lama kan ta'u ture.

Kun maaliif ta'e? Dubartoonni bara dhumatti garmalee in bareedu waan ta'eefi.

Isaan Rifeensa mataa isaanii murataniiru. Isaan wandaboo ijolee durbaa xixiqqoo uffataniiru. Isaan qumxaa, wayyaa ittiin bishaan daakan 'bikini' moo, waan barbaaddaniin waamaa, isa kana hundumaa uffatanii karaatti ba'aniiru. Isaan halluu fuula dibachuudhaan, waan garagaraa ofitti laaqauudhaan uumama biraa of fakkeessaniiru. Hubattanii? Waan kana hundumaa karaa argannoo beekumsa saayinsawaatiin argatan. Amerikaa keessatti baasii waan nyaatanii ittiin jiraata caalaa harka lama, yookiin sadii caalaa dubartoonni kosmootksiitti akka baasan beektuu? Isaa kana mirkanneeffadhaa, inni kun kosmootksiif siirrii dha.

62 "Ilmaan Waaqayyoo durboota namootaa yeroo organitti," durboota Waaqayyoo miti hubadhaa, "durboonni namootaa mimmihdagoo akka ta'an organii," miidhagina isaaniitu Ilmaan Waaqayyoo gowwomsaa kana keessatti kuffise. "Isaan keessaa akkuma fo'atanitti fuudhanii haadha manaa godhatan," kunis immoo akkuma bara amma keessa jirru kanaa bara ejjummaa fide; akkuma inni bara Sodoom keessa ture, bara kana keessa ta'a jedhamee raajiin dubbatamee in ta'e.

Innis, isa dhiironnii fi dubartoonni bara kanaa haadha manaa jijiirratani dha. Haadha manaa ishee kana hin jaallatan yoo ta'e, gara Reenoo, gara Nevedaa deemanii ishee fuudhu; yookiin immoo dubartiin tokko gaa'ela ishee akka hiiktu godhanii, hiiktee daqiqa kudha shan gidduutti ishee fuudhu. Dubartoonni miidhagina keessa ba'anii dhiirri hamma of qabuu dadhabutti akka ga'u godhaniiru. Inni kun maali? Seexanicha! Seexana amma iyuu bareedina keessatti argitanii? Qalbeeffadhaa.

Yaadadhaa, cubbuun sun raawwatee gonkumaa isaaniif hin dhiifamne. Barri bareedinaa sun, barri saayinsawaan sun bara hamaa isa Waaqayyo guutummaa biyya lafaa itti balleesse dha; barattiin bara bareedinaa, bara saayinsawaan ture. Deebi'ee dhufuu Ilma Namaa dura, wanti kun ammas in ta'a jedhee Yesus dubbateera. Inni kun sirriidhaa? Qalbeeffadhaa, Yesu, "Akkuma bara Nohitti ta'e, bara deebi'ee dhufuu Ilma namaattis in ta'a" jedhe. Yeroo hundumti isaanii...fudhuuf yaalanitti...Amma qalbeeffadhaa, "Ilmaan Waaqayyoo durboota mimmihdagoo namootaa fuudhan," Waaqayyo immoo kana gochuu isaaniitiif dhiifama hin gooneef.

63 Akkuma barsiisi Bala'aam dubartii warra Mo'aab ishee miidhagduu, ishee beekumsa qabdu, dubartii saayinsooftuu...ija halalummaa isheetiin, halluu fuula dibachuu isheetiin, shittoo gaggaarii isheetiin Ilmaan Waaqayyoo ofitti harkifte; dubartoota isaanii warra isaaniif hoijetanii fi warra meekaappii of irraa hin qabne irratti gara jabinaan harka ol fudhatan. Humnaa ol isaan waan hawwataniif, "Kottaa walii walii keenya in fuunaa, sababiin isaa nuyi hundi keenya saba tokko" jedhan. Jechi isaanii kun soba! Inni kun sobaa fi argannoo seexanaa isa inni Ilmaan Waaqayyoo durboota namootaa akka fuudhaniif isaan keessa kaa'e dha.

Inni soba seexanni karaa Bal'aam raajii sobduu sanaa, sanyii namoota sanaa hundumaa bakka tokkotti akka geggeessuuf Museetti raajuuf yaale dha; "Gaarii egaa, Waaqayyo gosa tokko waaqessina. Nuyi kennaa gosa tokko waaqayyoof kennina. Nuyi aarsaa dhi'effamu gosa tokko qabna. Wanti nuyi hojjennu hunduu guutummaatti wal fakkaata" jedhee raaje.

"Yoo isaaniif danda'ame hamma warra fo'aman wallaalchisuutti in ga'u." Hubattanii? [Teeppii irra iddo duwaatu jira.] Yaa saba koo, ishee keessaa ka'ii na bira kottu! Ishee biraa waan hojjettu maal qabda!

64 Hubadhaa, Waaqayyo Sagalee isaa dhaloota hamoo Qaayiniif waan hiiku hin fakkaatu. Lakki. Waaqayyo Sagalee Isaa isaaniif hin hiiku. Qalbeeffadhaa... [Idoo duwwatu teeppii irra jira.]

Waaqayyo, biyya lafaa beekumsaan, saayinsiinii fi cubbuudhaan miidhagsee ishee balleessaa? Waaqayyo akkas in godhaa, biyya lafaa baay'ee miidhagduu in godhaa; asitti ilaala, Waaqayyo Intaloota Isaa baay'ee miidhagoo godhee isaanitti uffise, kana kan godhe Ilmaan Isaa isaan hawwanii wajjin akka ejjeniif akka isaan miidhagsee Waaqayyo? Maali? Waaqayyo waan akkasii in godhaa?

Warri qullaan, warri Laa'odeeqiyaa dhaabbiitti qullaa buufte kun, karaa seera isaanii, karaa barnoota isaanii, karaa afshaalummaa fi miidhagina isaanii Waaqayyicha biyya lafaa kanaa waaqaessaa jiru. "Kottaa ishee keessaa ba'aa, hirmaattuu cubbuu ishee hin ta'inaa, rakkine ishee irraas hirmaattuu hin ta'inaa" jedhee Macaafni

Qulqulluun nutty dubbata. Waaqayyo guyyaa tokko kattaa cabbii hamma paawundii dhibbaa ulfaatu ishee irratti roobsee, dha'ee ishee balleessuuf jira; Akkuma Sagaleen Isaa Seera Isaa keessatti gochaa ture sanaa in godha.

Gaariidha egaa, Waaqayyo waan akkasii yoo godhe, saba isaatti Sagalee Isaa akkasitti yoo mul'ise, Inni Moo'icha waan Ofii akeekaa argamsiisuu isaati. Waaqayyo gowwaa miti. Inni madda ogummaa hundaati.

Kanaaf wanti kun eessaa akka dhufe hubattanii? Inni seexana irraa kan dhufee fi amma iyuu kan seexanaati. Waldaanis isatti in amanti.

65 Amma hubadhaa warri dubartootaa, hamma dandeettii kootiitti Sagalee Waaqayyoon isinitti mul'isuu yaalaa jira. Macaafni Qulqulluun, "Dubartiin tokko rifeensa mataa ishee muratte, isheen mataa ishee in salphift" jedha, mataan ishee immoo abbaa manaa isheeti. Abbaan manaa ishee Waaqayyo wajjin mataa isheeti, kanaaf isheen abbaa manaa ishees Waaqayyo in salphifti jechuu dha.

Amma egaa inni kun mataan sirna Waldaa biyya lafaa kanaa eenyuun akka ta'e kan agarsiisu dha. Mataansaa eenyuun akka ta'e kan agrsiisu dha. Innis immoo seexan, isatu bifa nama aangoo ol'aanaa qabuutiin, bifa nama beekumsa qabuutiin, beekumsa ol'aanaadhaan mul'ate. Inni guutummaa isaanii irra beekaa dha. Sagalichi waan fedhe iyuu haa jedhuu, inni sagalichaa hiikaa ofii isatii qaba, hiikaa Sagalichaa kan abara hamaa kanaa ilaala.

66 Karoorri isaa waldaa dame amantii ishee guddoo tokko ijaaruu dha, innis immoo Waldaa Tokkummaa Addunyaati, hubadhaa, gamee amntii ol'aantuummaa qabdu uumuudhaan addunyaa maqaa tokkummaa Kristaanummaattin akka isatti sagadan gochuu dha. Isa kana Macaafa Qulqulluu keessaa dubbifachuu in barbaadduu? Mul'ta 13: 6 fi 8 dubbisaa. Inni riqa Baabiloon isa ammayya'aati.

Nimirod inni of tuulaan sun, akkamitti riqa guddaa sanaa fi mandaroota xiqqoo sana hundumaa ijaaruuf gumaata inni godhe hin yaadattanii? Afaan wal make jechuu fi Baabiloon jechuub tokkuma. Inni maqaa isaa jijiirrachuudhaan itti fufiinsaan jiraate. Baabiloon yeroo ammaa Roomaa dha. Biyyi lafaa hunduu Baabiloon jala galffamaniiru, karaa Waldaa Tokkummaa Adduyaatiin ishee jala galanii tokkoon tokkoon isaanii isheedhaaf akka qoomma'an taasifameera. Waan hojjechaa jiratna utuu hin beekin mallattoo bineensichaa fudhattaniittu. Sababiin isaaa...

Garuu warri fo'aman Sagalicha dhaga'anii ishee keessaa in ba'u.

67 Dameen amantii akkam faallaa Sagalee Waaqayyooti! Inni tokko illee hin qabu ture, Inni raawwatee isaan keessaa tokko keessatti illee hojjetee hin beeku, tokkoo wajjinis raawwatee hojjetee hin beeku. Warri seenaa beekan iddoottaa itti raajiin Waldaa keessaa ba'e akka natti agarsiisan nan barbaada. Waldaa dhaabbataan hundoofte iddoottaa Waaqayyo itti eebbise natti agarsiisa. Isheen waltajiitti ol baatee beekumsa ogummaa Seexanni isheef kenneen, geggeessitoota isheetiin utuu Sagalee Waaqayyoon mormituu duute, Sagalichi immoo Guutiinsa namummaa Kristositti in guddate. Amma egaa inni gara mataa irra jira. Akkam wal faallessaa!

Isin ijoolleen Bakkalcha barii, Hewaan ishee hin amannee kana irraa gargar ba'aa!

Seexanni, Waaqayyichi bara hamaa kanaa, beekumsa isaatiin namoonii muka isaa isa gaarii fi hamaan wal make irraa akka nyaatan gochaa jira. Hubadhaa, seexanni beekumsa isaatiin, namoonni bara hamaa si'anee mukasaa isa hamaafi gaarii irraa akka nyaatan gochaa jira. Inni beekumsa isaa isa hamaa fi gaariitiin Kristaana qaroominaan guddatte ijaaraa jira, Kritaana qaroominaan guddittii ijaaraa jira.

Garuu Durbi isheen kan Kristos, Sagaleensaa, Hoolaansaa, Misirroonsaa, beekumsa isaa irraa dhimma hin qabdu. Isheen isa irraa walaba taatee, Isa in eegdi. Wanti... Mee daqiqaa muraasaaf waa'ee ishee haa dubbannu. Isheen Gooftaa Ishee fi shirrishirrii gaa'ala isheetiif Miliniyeemii, Sagalee Dhirsa misirroo wajjin eegaa jirti, akkuma ofii isheetiif Sagalee Misirroo taate.

68 Beekumsaa, qaroominni fi Kristaanummaa dhugaan waan waliin qaban. Kristaanummaa dhugaa fi qaroominni waan tokko illee waliin hin qaban.

Qaroominni beekumsaan argama. Isa kana hundumuti keenya beekna. Beekumsi immoo Eden irraa argame, kunis waan inni Eden keessatti lallabeen kan mirkanoeffamee dha. Beekumsis du'a fide. Inni kun sirrii dhaa? Iddoo dhaabaa Eden keessatti maaltu

du'a fide? Beekumsa. Innis kan Waaqayyoo ta'uu hin danda'u, kanaaf kan seexanaati. Wowu, inni kun isa gaarii sana ture! Beekumsi, saayinsiin, barumsi Waaqayyotti waan gufuu ta'an keessaa isaan gurguddoo dha. Isaan kan seexanaati.

Amma isa kana irratti xalayaan wayii akka na ga'u nan beeka. Isa kanaaf isaan eegaan jira.

Barsiifata yeroo ammaa kessa gallee jirru ilaala. Argitanii? Waan inni hojjete ilaala. Garamitti deemaa jirraa? Wantoota kana hundumaatti karaa saayinsii fi hubannaa keenyaatiit itti madaqne.

"Waaqayyo hoo akkami, akka ati yaaddattu inni beekumsa hin qabuu?" naan jechaa jirtu. Oo, lakki akkas miti.

Waaqayyo yummuu biyya lafaa kana dhuunfatutti, qaroomina isa kan Isaa in dhaaba. Biyyi lafaa isheen kun kan Seexanaati; inni amma waaqayyicha beekumsa saayinsii biyya lafaa kanaati. Garuu Waaqayyo qaroomina ofii Isaa ol in dhaaba. Inni qaroomina isa akka kanaa miti. Isa kana yaadachuutu isin irraa eegama. Inni gosa qaroomina isa nuyi ha'a qabnu kanaa miti. Lakki, lakki. Inni kan ta'uu jiru akkaataa Sagalee Isaa fi akkaataa Inni itti barbaadutti ta'uuf jira. Waaqayyichi bara hamaa si'anee mootummaa isaa wajjin barbadaa'uuf jira waan ta'eef.

69 Barri beekumsa ammayya'aa jaallatu kun, geggeessa amma qaban kana caalaa, Seexana isa Sagalee Waaqayyoo micciiruun iddo dhaabaa Eden keessatti jalqabee, amma immoo nama amantii of fakkeessuun hubannaa ofii isaatti hirkatutti hirkachuudhaan isa Sagalee Waaqayyo jal'isu kana kan caalu geggeessaa biraan hin qabu.

Akkuman duraan dubbadhe, Fakkeenya 3:5 irratti, "Hubannaa ofii keenyaatti hirkachuu hin qabu" jedha.

Isaan nama waan ta'aniif waaqa waaqessan qabachuutu isaan irra jira. Inni waan isaan barbaadan isaaniif kenneera. Akka dhala namaatti, dhalli namaa yeroo hundumaa... Yeroo nuyi as dhufnu kanatti, warri Indiyaas waaqa tolfamaa, aduu fi waan baay'ee waaqessaa jiraachuu isaanii argina. Hamma dhala namaa ta'anitti waaqa waaqessan qabaachuun isaanii dirqama. Barri hayyoota gurguddoo kunis waaqa waaqessan qabaachuun isaanii dirqama, kanaaf wanti itti dhufamaa jiru... Waaqani biyya lafaa kana irratti waaqeffamu beekumsa, dhaabbata amantii, saayinsii, "Warra alaan anama Waaqayyoo fakkaatanii, humna nama akkasii keessa jiruun immoo morman" waaqessuu ta'eera.

70 Yaadadhaa, waaqani isaanii waan isaan barbaadan isaan godha. Isaan hawwii foonii barbaadu, innis isaaniif kenna. "Isaan wayyaa qaama salaa isaanii qofa dhoksu uffachuu barbaadnaan. Haa uffatan. Hubattanii? Yoo isaan kana, yookiin sana gochuu baraadan, akka isaan godhan eyyemaaf. Miidhaan isaan irra ga'u hin jiru; Waldaatti inuma deddeebi'u. Haati isaanii Metedistii, baaptistii, Pheenxeqoostaalii, Presbayiteriyaanii dha. Isaan hin dhiphisinaa" in jedhu.

Bareedinni, ogummaan, saayinsiin waaqayyicha bara si'anati. Amantii qabaachuu hin barbaachisu. Waan tokko iyyuu bmirkaneessuun hin barbaachisu. Inni durumaan beekumsa isaaniitiin mirkaneeffameera. "gaarii dha egaa, nuyi Waldaa ishee guddittii magaalaa kana keessaati," kana beekumsi isaanii. "Paasteriin keenya D.D., Ph.D. qaba." Hubadhaa, amantii isaan hin barbaachisu; beekumsatti hirkataniiru. Hamma isaan damee amantii isaa fi seera waldaa isatiin waaqeffachuu dhufanitti, karaa barabaadan akka jiraataniif gadi isaan dhiise. Arrabsoo guddaatu achi jiraa sirriitti ilaala.

Waan Sagalichatti faallaa ta'u dubbachuudhaan Sagalee Waaqayyoootti kolfanii karaa beekumsa isaanii fi karaa saayinsii isaaniiit Sagalichi dhugaa ta'uu dhiisuu isaa mirkaneessuuf yaalu. Oo, maal barri keessa jiraachaa jirru akkasii! Waaqayyicha bara si'anee argitanii?

71 Hubadhaa, Waaqayyo garuu hamma jal'inni Amoorota ammayya'oo kanaa guututti eegaa jira. Inni Musee qophaa isa kan ofii Isaa bara sanatti qabaachuu jiraatii, hin yaadda'innaa. Biyya abdchiifamanitti ba'uun guyyaa tokko dhufuuf jira. Museen inni waamee isaan baasee, "Amantii Ijoollotaa gara kan Abboota isaaniiitti deebisu" dhufuuf jira. Guyyoota keessaa gaaf tokko inni kun ta'uuf jira. Gochaan...

"Tole egaa, hamma akka guddina irra jirru ilaali" in jettu.

Sirrii dha, jal'inni Amoorotaa amma iyyuu hin guutne. Guyyaa tokko guutuuf jira. Isaanumti walii isaanii barbadeessuuf jiru.

Qaroominni fi saayinsiin qorannoo isaaniif haala mijeessuuf jecha Sagalee Waaqayyoo in jallisu. Dhaabbanni amantii hunduu waanuma wal fakkaatu godhu. Seexanni yeroo kanatti wangeela beekumsasaa Waldaasaa keessatti lallaba.

72 Kakuu haaraa keessatti waa'een namootaa kan dubbatame bakka lama qofaatti qoodamaniiti. Isaanis, "Ijoollee Waaqayyoo fi Ijoollee Seexanaati." Isa kana duraan beektuu? Luqqisa waa'ee kanaa barreeffachuu barbaadduu? Kutaa macaafaa yoo barbaaddan, Ergaa Yohaannis isa duraa 3:10 qabadhaa. Barreeffadhaatii dhiisaa, isiniifan dubbisaa. Tole egaa. Tole egaa.

Efeson 2:2 keessaatti isaan, "Ijoollee hin abboomamne" jedhaman. Akuma Hewaan, isaan warra Sagalee Waaqayyoof hin abboomamnee dha. Ijoolleen abboomamanii fi ijoolleen hin abboomamne, waan qixeetti waliin qaban hin qaban.

Yoos Misirroon Kristos damee amantii wajjin hariiroo maalii qabdi ree, inni abboomamaan isa hin abboomanee wajjin hariiroo maalii qaba ree? Akkamitti inni tkko Sagalicha ta'ee, inni kaan sagalee jal'ifame ta'ee waliin jiraata? Dubartii ejjituu fi dubartiin qulqullummaatti jiraattu akkamitti walii galteedhaan wal faana deemu? Wal duukaa deemuu hin danda'an. Isaan raawwatanii walitti dhufeenyaa hin qabaatan. "Kottaa isaan keessaa ba'aa!" Inni kan seexanaati. Inni mallattoo bineensichaati. Inni dameewwan amantii hundumaa gara sanatti galchaa jira. Kan eenyuu iyyuu ta'e, dhimma mataa isaati.

Waaqayyo fudhachaa kan jiru amantii tokkoo miti, "Warra maqaa Isaaf jedhee Saba Isaa godhate dha" malee. Dhaabbanni amantii dhugaa kana fudhachuu hin danda'u. Inni dhufee kan fudhatu dhuunfaatti nama Waaqayyoon arguu danda'u, nama Sagalee Isaa argee amanuu danda'u fi nama hidhata dhaabbata amantii ta'ee dhaabbatichaaf jiraachuu dhiisee Waaqayyoof jiraatu, nama barsiisa beekumsa ogummaa sammuu Ilaaltuu mana qulqullummaatiin kennamutti yookiin waan inni dubbatu kan biraatti hin amanne fudhachuuuf dhufa. Inni kun sirrii dha.

73 Ijoolleen abboomamanii fi ijoolleen hin abboomamne, waan qixeetti waliin qaban hin qanban. Inni tokko ijoollee Ifa guyyaati; inni kaan immoo kan dukkana halkaniiti, kan bara hamaati, kan bara hamaa dukkanaa kanaati, kan dhiichisa halkanii, kan daansiit; garuu miseensa Waldaati. Inni kun waaqayyo isaaniitiif waan gaarii dha. Waa'ee kanaatii wanti isaanitti faradamu hin jiru; wanti isaan dhiphisu hin jiru.

"Maaliif, rifeensa mataa murachuun koo natti hin faradchiisu" jette dubartiin tokko. "Dandeettii yaaduu kooti hin miidhin." Isheen bofa dirra (mudhii) qabu ta'uu ishee hamma wallaaluutti dha beekumsi sammuu ishee. Inni kun sirrii dha. Isheen dhugaadhumatti hin beektu. Dandeettiin yaaduu (Conscience) maal akka ta'e isheen hin beektu. Inni hamma isheen maal akka inni ta'e baruu dadhabdutti haala wal xaxaa ta'een ishee wallaalchiseera. Inni kun sirrii dha.

Sagalee Waaqayyoo irra naanna'anii, "Maaliif, inni kun faashinii boodatti hafaa dha. Gara warra sanaa hin dhaqinaa; waanuma fedheefuu, isaan gurmuu iyyaa fi baacoo ti" jedhu. Huu! Isaan hamma Warri Hottentotaa warra gibxoota durii beekan illee, Waaqayyoon hin beekan. Inni kun sirrii dha. Inni kun dhugaa dha.

"Akka bakkeedhaan mul'atutti nama Waaqayyoo in fakkaatu, humna isa nama akkasii keessa jiru garuu in ganu; warra akkasii irraa fagaadhu! Isaan keessaa kaan mana namaa lixanii dubartoota dadhaboo warra cubbuun irra tuulamee, kajeellaa garaa garaatiin asii fi achi oofaman in wallaalchisu."

"Oo, yaa jaallatamaa koo, kana gochuu qabda. Oo, yaa jaallatamaa koo, akkan yaadutti lallabaan kee inni waan barri irra darbe barsiisu goda sanaa, yoo ati...Oo, ati wayyaa qulla hin dhoksine kana keessaa baay'ee bareedda." Ati waan kana, waan sanaa fi kan biroos yoo goote, homaa rakkoo hin qabu. Maaliif jennaan, tamboo xiqoon nama hin miitu. Ani miseensa Waldaati, akkuma ati beektu dameen amantii keenyaa akkuma warra kaanii guddaachaa deemaa jirti" jedhu. Soba durii isa halluu dibamaa akkasii hin amaninaa. Inni kun sirrii dha. Eeyyee, obboo.

74 Inni kun waaqa isaanii in gammachiisa. Oo, inni kun waan ajaa'inati jedhee yaada, isaanis isa kanaaf isa in jaallatu.

Yaa anaa, isaan siin falmu. Isaan lafaa ka'anii hidda mormaa kaasanii sitti falmu. Maaliif, dhugaadha, Seexanni Sagalicha isa ta'e fuula Yesus Kristos dura dhaabatee yummuu Isa qore, "Caafameera" jedhaan ture waan ta'eefi.

Achi iddo sana kan ture mul'ina Sagalee Waaqayyoo ture. Yesu, "Na duraa turi Seexana nan!" jedhe. Battalumatti achi deemee waanuma wal fakkaatu godhe.

Inni kun akkuma isa namichi tokko gaaf tokko naan jedheeti, inni, "Amma, cuuphaan Hafuura Qulqulluu sirrii dha jettee yoo amante, atis cuuphamuu keetti in amanta yoo ta'e, jaamummaadhaan na dha'i!" jedhe. Namni kun lallabaa dha. Inni, "Jaamummaadhaan na dha'i! Phaawulos namicha tokko jaamummaadhaan dha'eera" naan jedhe.

Ani immoo, "Yaa obbo, ati durumaan jaamaa taatee utuu jirtuu, akkamittan jaamummaan si dha'uu danda'a?" jedheen gaafadhe. Uhuhuu.

Inni, "Ani, iji koo digdama-digdama!" naan jedhe.

Ani immoo, "Inni kun kan fooniiti; ati garuu amma iyyuu jaamaadha" jedheen deebiseef.

Inni immoo, "Inni kun hin danda'amu! Macaafni qulqulluun waan biraatti hin hiikamu. Nuyi iddo Macaafni Qulqulluu dubbatutti in dubbanna, iddo inni cal'isutti in cal'ifna" jedhe.

75 Ani immoo, Tole egaa, yummuu Elsa'i gara Dootaanitti gadi bu'etti, hubadhu, achitti loltooni warra Sooriyaa isa marsan. Hojjetaan waaqayyoo ol fiigee, 'Yaa Abbaa koo! Warri Sooriyaa nu marsniiru' isaan jedhe" jedheen isatti hime.

"Elsa'i irribaa dammaqee, ija isaa haxaawatee, 'Loltoota warra kan isaanii caalutu nuu wajjin jira' jedhe."

"Inni immoo, 'Anoo nama tokko iyyuu argaa hin jiru' jedhe."

"Inni immoo, 'Yaa Waaqayyo ija isaa bani' jedhe. Egaa yeroo sanatti inni jaamaa ture. Sana booda gara raajichaatti gara galee, achumaanis gara gaaraa yummuu ilaalu, argamoota Waaqayyoo, konkolaataa ibiddaa fi fardeen ibiddaan guutuu ta'uu isaa arge."

"Macaafni Qulqulluun, 'Jaamummaadhaan isaan dha'e' jedha. Maalitti isaan jaamse? Ofii isaatti. Inni isaanii wajjin deemee, 'Elsa'iin barbaadduu?' isaaniin jedhe."

"Eeyyee, nuyi isa barbaadaa jirra."

"Inni, 'Ol kottaa, iddo inni jiru isinittan agarsiisaa' isaaniin jedhe. Elsa'itu Elsa'itti isaan geessaa jira. Jaamaa!"

Anni immoo, "Waanan siin jechuuf jedhu beektaa? Dhugaadhumatti waan Gooftaan koo abbaa keetiin jedhe, 'Ija koo duraa turin" isaan jedhe. Uhuhuu. Uhuhuu.

76 Hubadhaa, ijoollen abboomamanii fi ijoollen hin abboomamne waan waliin qaban hin qaban. Warri hin abboomamne waqa isaanii waaqessu. "Oo, nuyi Macaafa Qulqulluutti amanna" jedhu. Eyyee, inni muka wal makaati. Hubadhaa, isaan biyya lafaa fi beekumsa isatti dabalan. Inni muka seexanaa isa makaati; hubadhaa, isheen muka Seexanaa isa hamaa fi gaarii qabu irraa nyaatte. "Oo, nuyi Sagalichatti amanna. Sirrii dha, garuu hundumasaatti hin amanani. Hewaan akkasuma Sagalichatti in amanti turtur, garuu seexanni muka isaa isheef kennee, Sagalicha hamma tokko jal'ise. Wanti isaan godhanis isuma kana.

"Eenyu illee jecha tokko yoo itti dabale, yookiin jecha tokko yoo irraa hir'ise." Inni kalessas, har'as bara baraanis isuma sana! Hubadhaa. Tole egaa.

77 Barri hamaan kun kan dukkanaati, garuu immoo kan waldaati. Waaqani isaanii waan isaan barbaadan waan isaaniif godhuuf isaan isa in jaallatu. Isaan firdii tokko iyyuu hin qaban. Hamma miseensa waldaa ta'anitti wanti isaan rakkisu hin jiru.

Bal'aam waanuma kana fakkaatu Waldaa barsiise. "Kottaa tokkummaa godhannaa; nuyi hunduu tokkuma." Inni kun tarkaanfii isa dhumaati. Waaqayyo soba akkasii amanuu isaaniitiif dhiifama hin gooneef.

Yaadadhaa, inni kun cubbuu dhiifama hin qabne ture, kunis Macaafa Qulqulluu keessatti dhugummaan Sagalee Waaqayyoo mul'inatti kennamee booda hiikkaa ofii isaniitiin jecha tokko itti dabaluudhaan yeroo sadii cubbuu akkasii hojjetaniiru.

Iddoo dhaabaa Eeden keessatti jecha tokkittii itti dabaluun du'a fide.

Yeroo Bala'aam jecha tokkittii, "Nuyi hundu keenya tokkuma" jedhu itti dabaletti, Waaqayyo Israa'eliif dhiifama hin goone. Warra Waaqayyoo isaan baase sadan irraa kana hafe, Waaqayyo lafa onaa keessatti isaan fixe.

Yesus, "Isaan hundumti isaanii du'aniiru" jedhe, kunis jirenya bara baraa irraa gargar ba'aniiru jechuu dha. Hundumti isaanii dhumaniiru; raawwatee dhiifamni hin godhamneef. Inni kun cubbuu dhiifama hin qabnee dha; rawwatee isaaniif hin dhiifamne. Oo, yaa anaa!

Yaa ijoollee Bakkalcha barii, isa irraa fagaadhaa!

78 Hooganaan bara amantii ammayya'aa hamaa kanaa eeynyu akka ta'e argitanii? Inni seexana dha. Inni muka hamaa fi gaarii sana fidee bakka buusuudhaan, misirroo miidhagduu gaa'ela kaawunsilii dhaabbata tokkumma amantiitiif ishee qopheesse. Inni kun gama gaarummaa isaati. Waldaan isaa miidhagduun bakka beekumsi digirii itti argamu dha; warra Waldaa Kristos keessaa Ph.D.tu ba'a, warri Baaptistii keessaa Ph.D. tu ba'a, warri Presbayteriyaanis, warri Pheenxeqoostaaliis hunduu akkasuma. Waayyaa faayame hunduma isaaniitti uffisuudhaan gara tokkummaa addunyaatti fidanii, "Nuyi hunduu tokkuma" jedhan. Inni kun raawwatee isaaniif hin dhiifamu. Dameen amatii tokkoo, biraandii dame amantii tokkoo uffachuun mallattoo bineensichaati. Nuyis as dhufuu keenyaan dura isa keessa turre. Isa irraa fagaadhaa ijolle, irraa fagaadhaa! Hubattanii? Waldaa guddittii, tokkummaa Addunyaa uffachuudhaan faayamteetti, mallattoo isaa uffatteetti!

Qumxaan, dhugumaan uffannaa biyya lafaati, miidhaganii, halluu dibataniiru, isaan dhugaadhumatti isaan bartoota seexanaa warra gaggaarii, wara Ilmaan Waaqayyoo qabuuf bobba'anii dha; dargaggeessa guutuu ta'ee dhalate karaa irraa kaachisanii safuu malee jiraachuutti kuffisuuf warra bobba'anii dha. Inni kun sirrii dha. Maal...

79 Ati, "Rifeensa mataa murachuun ishee, maal rakkoo qaba?" in jetta.

Yaa obboleessaa, mee yeroo xiqqoodhaaf isa kana asuma irratti dhaabna. Waa'ee kanaa irratti namni tokko akka aaretu natti dhaga'ame. Namoota bilbilaan dhaggeeffachaa jiran keessaa ta'u mala.

Dhaggeeffadhaa. Rifeensi mataa dubartootaaf wareega Waaqayyoof of kennuu (Nazarite vow) ti. Dubartiin rifeensa mataa ishee yoo muratte, isheen wareega Waaqayyoof of kennuu isheetiin Mirirroo Kristos ta'u ishee guutummaatti ganuu isheeti. Sababiin isaa isheen waan tokkittii kanaan, guutummaa fakkaattii sana faaluu isheeti. Sirrii dha! Naazaraawwii jechuun, "Nama Waaqayyoof Of kennuu of wareege" jechuu dha. Sirrii dhaa? Siimson baraa fi kaayyoo itti wareegameef waan qabuuf rifeensa dheeraa qabaate. Dubartiin ijoollee Waaqayyoo taate rifeensa mataa ishee haa dheereffattu, kana gochuu isheetiin Sagalee Waaqayyoof hundumaaf of kennuu ishee in agarsiifti.

Rifaansashee in muratti taanaan, hammam shubbifte, hammam qu'aarii keessaa yoo faarfatte, hammam afaan haaraa yoo dubbatte, hammam olii fi gadi yoo fiigde, yookiin hammam dhaabbata gargaarsaa yoo qabaatte inni kun dhimma koo miti; isheen duuteetti. Inni kun, ISA WAAQAYYO DUBBATE DHA, Sagalee Waaqayyooti. Qoronxos isa duraa boqonnaa 14 dubbisaa. Isheen wareega Waaqayyoof of kennuushee waaqa bara ammayya'aa kanatti gurgurteetti. Isheen of gurgurti. Amma egaa, yaa giifti, yookiin yaa dubartii nana, kun siif qaanii dha!

Dhugaadhumatti akkuma kanaan dura ture sana, kiyyeessituu Ilmaan Waaqayyooti. Yesus, "Akkuma bara Nohitti ta'e, durboonni babbareedoo fi Ilmaan Waaqayyoo warri jedhaman wal fuudhuu akkuma eegalan, akkasuma bara deebi'ee dhufuu ilma namaattis in ta'a" jedhee dubbateera. Waaqani isaanii immoo inni guddina, miidhagina, saayinsii fi beekumsa jedhee yaada; inni faashinii Hooliiwuudii akka barbaadetti suuqiisaa keessa tuuleera, dhugaa dha, uffata dhagana namaatti maxxantuu fi wantoota kana hundumaa, isinuu ni beektu.

80 Isheen, Waldaansaa cal'istee isa in jaallatti! Yaa anaa! "Ani hubannoo siifan kenna, ani Metedistii dha. Ani Presbayteriyaanii dha. Paasteriin koo isa gubbatame kana caalaa ibsuuf hubannoo qaba" jedhu. Waan Waaqayyo duraan dubbate ibsuuf inni hubannoo ga'aa hin qabu. Hubattanii?

Isheen, Waldaansaa cal'istee isa waaqessiti. Isheen isa jaallatti. Dhugaatti waan isheen barbaaddu dha! Obboleessaa, wanti isheen hariroo waliin uumuuf deemaa hin jirtu, yookiin isheen waan Iizaabeloonti ammayyaa'oon ta'an ta'uu irraa waan adda ta'e godhuuf wanti isheen deemaa jirtu hin jiru, sababiin isaa inni kun uumama ishee keessa jiru waan ta'eefi.

Akkamittiin uumama barbaadde... "Eenyetu hojjaa issaatti taakkkuu tokko dabaluu danda'a?" Faana shan akka dheerattaniif yoo dhalattan, faana ja'a dheerachuu hin dandeessan. Oo, eeyyee, "Maashinii nama dheeressuun."

81 Yoos dhaggeeffadhu, yaa namaa, yaa warra bissii inkirdaadaa! Nama taatee dhalatte yoo ta'e, akka namaatti jiraadhu. Rifeensi muramaan fo'amee fuula kee irra gadi rarra'u kun, atis akkuma warra fedha foonitiif nama hawwatanii gochuu keeti; maaliif jennaan, ati dhaloota jal'aa isa kan bofaati. Hundumaafuu, maali rakkoon kee?

Waaqayyoon koo guyyaa took biyya kana abiddaan adabuuf jira. Inni garba jala ishee dhidhimsuuf jira. Yeroon firdii Isaa dhi'aateera. Guutummaan biyya lafaa baduuf jirti.

Amantii jal'innaa! Jali'ina namummaa; dhiiris ta'e dubartiin saalli isaanii kam akka ta'e hin beekan. Isheen tuuttaa dhiiraa, yookiin qumxaa gaggabaaduu uffattee dhaabatti, uffata...sochii isheehundumaa fi dhagna ishee bakkeetti mul'isu uffattee, ani Kristaana jettee of waamti. Kristaana ta'uu ishee dhiisaatii, isheen dubartii iyuu hin taane. Isheen ejituu karaa irra dhaabattu, ishee seexanni itti fayyadamu, ishee kaka'umsa seexanaatiin ilmaan Waaqayyoo gara qiliilleetti akka darbataman gochuudhaan, wanti Yesus Kristos dubbate akka fiixaan ba'u gootu dha. Ani isa kana dubbachuu hin barbaanne, hunsumaaafuu, Inni jedheera. Hafuurri amantii akkasii eessaa akka dhufe beektuu? Muka wal makaa sana irraa dhufe.

82 "Wayyaa dhagnatti maxxanu, yookiin surree uffachuun rakkoo maalii qaba?" in jettu.

Macaafni Qulqulluun, "Dubartiin wayyaa dhiiraa yoo uffatte, inni kun fuula Waaqayyoo duratti waan ciigaasisaa dha" jedha. Isa kana MACAAFNI QULQULLUUN DUBBATEERA.

Dubartiin rifeensa mataa ishee murattu mataa ishee in salphifti. Dubartiin rifeensa gabaabsatte, dubartiin mataa ishee hin aguuggatin iddo kadhannaatti afeeramuun iyuu cubbuu dha jedhee dubbata Macaafni Qulqulluu. Akkasumas isheen...

Oo, "Ani koffiyyaan uffadha" in jetta.

Si yaa oftuala nana, dubartoota waan akkasii basiiftaa! Macaafni Qulqulluun, "Rifeensi mataa ishee ittiin haa aguuggattuu kennameef" jedha malee, koffiyyaa namni tolcheen haa aguuggattu hin jedhu. Wanti Macaafni Qulqulluun jedhu isa kana. Ani itti hin gaafatmu; itti gaafatamummaan koo dhugaa isinitti himuu qofaa dha. Salphoo hin ta'inaa, akkuma Macaafni Qulqulluun jedhu, gaaffii akka isaanitti dabalamuuf gurmuun inkirdaadaa nuuf dhi'eessan deebisuuf jennee, "Dubbii Waaqayyoo hin micciirru."

83 Jecha 'Evil' (Hamaa) jedhu as irratti barreesseera. Jedha 'Evil' jedhun barreessaattan, jecha 'Elvis' jedhu barreesse. Lamamuu baay'ee wal fakkaatu. Jechi 'Elvis' jedhu Adurree jechuu yummuu ta'u, jechi 'Ricky' jedhu immoo Hantuuta jechuu dha. Yummuu, "Dhala koo, 'Ricky'" jettanii waamtan, "Dhala koo, Adurree" jettanii waamuu keessani. Inni waanuma isin ittiin waamtan ta'a. Daa'ima keessan akkasitti moggaftaniittu taanaan, Wangeelaaf jedhaatii dafaa maqicha jijiiraa. Daa'ima...hin moggaasinaa.

Maqaa akkasii Macaafa Qulqulluu keessaa, bara kam keessattis hin argitan. Barri maqaa akkasii itti moggaasan bara kana qofaa dha. Adurree fi Hantuutni bakka micciiramanitti, micciiramuun isaanii hin oolu.

Kun hunduu...?... kaasetii baacoo doolaara miliyoonaan lakkaa'amu baasutu jira, daa'imman yeroo ammaa waan gurratti suuqqatanii fi raadiyoo boorsaa isaanii keessa kaa'atanii, "Buum-di-buum" jechaa mana barumsaa kana hin deemne hin jiran.

Oo, isaan akka kana godhatanii mana keenyaa dhufnaan, nuyi immoo... Dargaggooni tokko mana koo halluu naaf dibuuf dhufanii turan. Nuyi isaanin, "Waan kana asii baasaa gataa. Waan kana malee hojjechuu hin dandeessan yoo ta'e, hojicha dhaabaatii deemaa. Sammuu keessaa na ciniine, as dhaabachuu iyuu hin dandeenyee.

Nuyi iddo kana Waaqayyoof dabarsinee laanneerra. Buugii-wuugii waa'ee hin baafne isa kan bara dhumaan kanaa asitti hin barbaannu" jenneen. Ani, "Yookiin cufaa, yookiin hojicha dhiisaa!" jedheen isaan akeekkachiise.

Hubadhaa, isaan namoota mantiiti, haa ta'uu malee isaan waldaa dhaqanii mana jijjiirraa wayyaa keessa galanii buugii-wuugii isaanii dhaggeeffatu.

84 Akkasumas hubadhaa, Misirroon Sagalee Kristoosis ol deemaa jirti. Akkuma mormituun Kristos garamitti akka deemaa jiru ilaalleeti, dur duuba sanatti jalqabee amma mataa ta'uuf deemaa jira; kaawunsiliin dhaabbata tokkummaa amantii mataa walii gala gootee isa muuduuf jirti. Waldaan Kritanaa isheen xixiqoon durumaa jalqabdee deemaa turtes, Misirroon Sagalee Kristos bara hundumaa keessa turtes Mataa ta'uuf deemaa jirti; sababiin isaa isheen deebitee kaadhima isheetti heerumuun waan qabduufi. Yeroo hundumaa, akkuma Waldaa fi waantoota biroo, innis tokkummaauumuutu isa irra jiraata. Qamandichi, akkuma wantoota biroo, gara mataa isaa isa iddojalqaba dhufeetti in deebi'a; akkuma Qaayinii fi Abeel in ta'a. Bara hamaa nuyi keessa jiraachaa jirru kana keessatti, Misirroon Sagalichaa gara nama Sagalee Waaqayyoo ta'ee foon uffatee mul'atutti deemaa jira. Garamitti akka inni quddachaa jiru arqitanii?

85 Seexannis yeroo dhi'ootti misirroosaa ishee qaroomtuu fuudhuu fi namicha guddaa kana, nama Mormituu Kristos ta'e kana, ffuncaa hooggansaa isa qabu kana fuudhee Teessoo irra in kaa'a, "Guutummaan biyya lafaas isa in dingisiifatu."

Sana booda Kristos in dhufa. Lamaan isaanii yeroo tokkotti jiraachuu hin danda'an. Mootummaan isaa irraa in fudhatama; inni in barbadeeffama.

Sana booda Kristos, Sagaleen Waaqayyoo immoo... Maaliif jennaan, dubartiin gartokkee dhagna dhiiraati. Isaan lama miti; tokko malee. Misirrottiin, Waldaan, Sagaleen, "Sabni Isaa warri asii fi achii maqaa Isaatiif jedhamanii waamaman," dhagna Yesus Kristos keessatti walitti dhufanii tokko in ta'u.

Sana booda mootummaan Mormituu Kristos harkaa fuudhamee in barbadeeffama. Kristos Teessoo in qabata, Inni teessoo abbaa Isaa Daawit irra taa'ee wagga kuma tokkoof biyya lafaa in bulcha; sana booda Waldaa, "Dirmammuu, yookiin mudaan hin qabne" fuula Waaqayyootti dhi'eessa. Eeyyee.

86 Amma rifeensa mataashee isa dheeraa, wareega Naazirummaa Sagalichaa isheen wareegde sana ilaala. Amma egaa suuraa Misirrottii nan kaasa. Suuraa Mormituu Kristos, eessa akka isheen jirtu, nama amantii qabu fakkaachuu ishee, saayinsii ishee fi waan hundumaa suuraa haa kaafnu. Amma egaa Misirroon Kristoos isheen miskiinni gad-of deebiftuun, eenyuun illee yoo taate salphaadhumatti Sagalichatti in amanti. Innis dhuunfaadhaan kan ta'u dha. Baay'een isaanii amma taa'anii dhaggeeffachaa akka jiran nan abdadha, nan amanas. Anii fi hundumti keessan, anii fi tokkoon tokkoon keessan qaama Misirroo sanaati jedheen abdadha. Baay'een abdadha. Warri Ishee ta'uu muudaman hunduu ishee in ta'u, sababiin isaa uumamuun isaanii kana ta'uuf waan ta'eef. Isaan arguuf jiru. Sagalichi wal baruu kan danda'u Sagalichuma qofaadhaani. Inni damee amatii yookiin dubbii Waaqayyoo micciiruu wajjin wal hin baru. Inni isaan caalaatti beeka; Inni Sagalicha. Hubattanii? Waan biraatokkoon iyyuu wal baree...

Qamadiin qamadii ta'uu irraan kan hafe waan ta'u hin qabu. Inni jalqaba qamadii ture; biqilees gara qamadiitti guddata. Aramaan immoo qamadii ta'uu hin danda'u; garuu dibata gosa tokko obaafamu. Hubattanii? garuu inni qamadii ta'uu hin danda'u. Akkuma muka damee qaraa qaraa qabuu, isan quyyaa biraa dubbadheeti.

87 Rifeensi mataa ishee inni dheeraan, wareegi Naazirummaa ishee, Waaqayyoof wareegamuu ishee agarsiisa. Wayyaan misirroo Ishee inni miidhagaan, Sagaleen abdiil Isaa inni bara isheen keessa jiraachaa jirtuuf abdachiifame, Isheetti uwatifamee Isaa wajiiin Ishee mul'isuudhaan, Ibroota 13:8 keessatti, "Yesus Kristos kaleessa isuma ture, har'as bara baraanis isuma sana" isa jedhu dhugaa ba'a. Isheen dhagan Dhirsa Sagalichaa waan taateef, qama hundumaan Isaaf dhugaa in taati.

Amma ilaala. Dubartiin tokko asii baatee dhiira tookotti heerimtee, sana booda dhiira biraa jaallattee fedha foonii isaa wajjin raawwattee, deebitee immoo gara abbaa manaa isheetti yoo galte, abbaan manaa ishee dhiitee gadi ishee baasuu qaba. Inni kun sirrii dhaa? Isaaf amanamaa ta'uun dirqama isheetti, sababiin isaa, isheen kakuu isaaf galteetti waan ta'eefi.

Misirroon Kristoosis Kristosiif kakuu qalteetti; Inni immoo Sagalicha.

Fagootti ijaan xaqqasuu iyyuu hin qabdu, dubartiin tokko dhiira biraan tokko xaqqasuu iyyuu hin qabdu. Isheen Misirroo nama biraan waan taateef, nama kan biraatti fuula kennuu hin qabdu, isheen raawwattee miira kamiin iyyuu isaaq qabaachuu hin qabdu.

Muka makaa kee isa ta'e, dameelee amantii kee irraa nuyi waan tokko iyyuu hin barbaannu. Sagalicha isa ta'e Kristosiif amanamaa ta'i. Dhugummaa isaa Inni in mul'isa. Lakki, obboo, isa jaallachuuf miira kamiin iyyuu isatti hin agarsiisin, taayitaa isaa yookiin waan biraan argachuuf hin dhama'in, yookiin bobaa isaa jala si godhatee akka si kunuunsu, yookiin karaa kanaan, karaa sanaan akka inni sitti haasa'u hin taasisin.

Ati Sagalee tokko qofa dhaggeeffachuu qabda. "Hoolonni koo Sagalee koo beeku. Isaan sagalee nama biraan..." Sagaleen isaa maali? Jechi namaa hunduu Sagalee Isaati. Innis kunooti, Innis Macaafa Qulqulluu dha, jechi tokko itti dabalamuu yookiin jechi tokko irraa hir'ifamuu hin qabu. Akkuma inni jirutti Sagalichaan jiraadhaa. "Isaan nama kan biraan duukaa hin bu'an," isaan damee amantii duukaa hin bu'an.

88 Isheen bu'aa dhagna Misirroo waan taateef, gama hundumaan Isaaf amanamaa taatee, guyyaa gaa'elashee eeguu qabdi. Kaawunsilii dhaabbata amantii addaunyaatti hirmaachuuf utuu hin ta'in, afeerraa Irbaata Cidhaa isa waqa irraatiif qophaa'uu qabdi. ...isheedhaaf kennameera. Isa kana Waldaa ishee kan keenyaatiifan dubbada. Dhoksaan mallattowan torban Macaafa Qulqulluu ifatti baafamee Isheedhaaf kennameera. Hubattanii? Isheen gowwummaa isa wallaalchisaa sanaa, gowwummaa isa, "Gar-malee dhugaatti dhi'aachuu isaa irraan kan ka'e, yoo isaaq danda'ame warra fo'aman iyyuu wallaalchisuu danda'uu" sana in argiti. Isheen isa in argiti. Isheen...

Hafuurota waliif faallaa ta'anii bara hamaa kana keessa hojjechaa jiran hubattanii? arguu dandeessaniittuu? Lamaan isaanii nama amantii isatti cimaati, hafuurri Qaayinii fi Abeel amma iyyuu akkuma jalqabaa sanatti ammas deebi'anii gara mataa ta'uu isaanii dhufaniiru. Inni tokko, miidhaginaan, beekumsaan, barumsaan, saayinsii fi barumsa amala gaariitiin waaqessa. Inni kan biraan immoo, amantii mul'ata Sagalee Waaqayyootiin waaqessa. Lamaan isaanii iyyuu ganama kana mana kana keessa dhaabatanii jiru. Inni kun sirrii dha.

89 Mul'anni, yookiin Sagalee Isaatti amanuun, nama dhugaatiif, Kristaana dhugaatiif beekumsa barumsaa hin barbaachisu.

Isaan, "Digirii doktoorummaa fudhatteetaa?" jedhu.

Gaaffii akkasii hin barbaachisu. "Ani Sagalee Isaattin amana." Hubattanii? Gaaffii akkasii gonkumaa hin barbaachisu. Nama barate ta'uu hin barbaachisu. Miseensa damee amantii kamii, paastii kamii fi waldaa kamii ta'uu hin barbaachisu. Inni kan Kristosi dha. Inni haadha manaa Isaati malee, haadha manaa Waldaa tokko miti.

Isheen Ejjituu dha. Macaafni Qulqulluun isheen, "Gaalamoota" jedha, akkumas isheedhaan, "HAADHA EJJITOOTAA" jedha, egaa isaan hunduninuu walitti dhufanii ejjituu tokko uuman. Dubartiin akkasii immoo dubartii abbaa manaa isheetiif hin amananee dha; isheen abbaan manaa koo Kristosi jechaa miseensa damee amantii tokkoo in taati. Isheen waan waa'ee hin baafne akkasiiti! Nuyi kan Kristosi.

90 Garuu, abboomamuudhaan, dubartiin miskiinni amanti-qabaattiin kun, isheen amntiidhaan jiraattu kun, Misirrottii dha; namni as jiru, namni achi jiru; as kan jirtan, fagoo bakka kan biraan kan jiran, waldaan kan biraan, damee amantii kan biraan, waan barbaade haa ta'u, warra hin... Sagalee Waaqayyooti amananii, abboomamuudhaan, jaalalaan eeggachaa jiru, abdiin bara kanaaf kenname raawwachuu jira waan ta'eef. Isheen isa eeggachaa jirti. Isheen bu'aa dhagna Sagalichaan waan taateef, Sagalicha ifatti baaftee mul'isuuf jirenya ishee eeggachaa jirti.

Yaa obbolootaa, isa kana hubachuu hin dandeessanii? Inni kun isin duraa hin badu jedheen abdadha.

Dhagnichi (Inni Sagalee ta'e), lubbuu (Hafuura isa ta'e) jiraachuu isaa mirkanoeffachuu, yookiin isa Isa jiraachisu eeggachaa jira. Wanti Isheen eeggachaa jirtu isa kana. Lubbuu kan biraan Ishee keessatti hin hojjetu. Isheen karaa kan biraatiin gara jirenyaatti dhufuu hin dandeessu. Amma iyyuu, isheen fagootti mireffachaa yoo jiraatte iyyuu, wanti kun ta'uuf akka jiri Isheen ni beekti, yeroo sanatti Isheen in dammaqxi. Waaqayyo. "Haa ta'u" jenneen, akkuma isheen jalqabaa taatee argamte, Isheen kunis taatee argamte.

91 "Ijoollee hin abboomamnee" jechuun abboomamuu diduu... Hin abboomamnee jechuu "Mormituu" jechuu dha. Isa kana mirkaneeffachuu kuusaa jechootaa ilaaleen ture. Mormituu, maaliin warra mirmaniidha? Mul'achuu Sagalee Waaqayyootiin warra mormanii dha. Akkuma Qaayin mul'ata Abeelitti mul'ate isa Waaqayyo qajeelummaatti isaaf lakkaa'een morme sanaati. Qaayin isa kanaan mormuudhaan obboleessa isaa ajeese.

Fariisonni, Sagalee Waaqayyoo beekumsa karaa damee amantii isaaniiitiin, beekumsa nama harka baasanii filataniitiin hiikkachuu isaaniiitiin Sagalee Waaqayyoo isa bara sanaaf mul'ate Yesus Kristosin mormanii Isa ajeessan. Inni kun sirrii mitii?

Egaa inni kun, "Waan ijolleen hin abboomamneen ta'anii dha, "Innis immoo, mormituu Sagalee Waaqayyoo ta'u dha.

Amma eessa akka isaan jiran hubattaniittuu? "Oo, guyyaan dinqii itti hoijetan darbeera. Yesus Kristos isuma sana miti. Wanti cuuphaa Hafuura Qulqulluu jedhamu hin jiru. Wanti jedhami sun hunduu waan waa'ee hin baafnee dha!" Argitanii, Mormituu! Isaan waa lama dubbachuu hin qaban; waan tokko malee, kanuma xumurri isaa. Innis immoo isaan mormituu dha. Isaan ati ija hin qabdu, ati gurra hin qabdu jechuu hin danda'an; qaama guutuu argattaniittu, guutummaa sagalichaa taataniittu. Argitanii?

Hafuurri Quqlulluun, "Ishee keessaa kottaa ba'aa, hirmaattuu doogimaa damee amantii isheetii hin ta'inaa" jedhee waamaa jira, inni immoo akkuma bara ammaa kana Sagalee Waaqayyotti kolfaa, tuffachaas ture.

"Waaqayyo kan itti ga'isan miti," kana yaadadhaa. Isheen gatii ishee in argatti. Itti hin dhiphatinnaa, isheen gatii ishee in argatti. Yoo barbaaddan barreeffachuu dandeessu. Galaatiyaa 4:30 irratti, "Waaqayyo kan itti ga'isan miti'oo, hin gowwominaa! Namni immoo waanuma facaase in galfata" jedha. Isaan itti ga'isanii, itti qoosuudhaan waan barbaadaan jechuu danda'u, garuu gatii isaanii in argatu. "Akka daabboo bisheen keessa buufamee deebi'inaa in mul'atu."

92 Isheen misirroo seexanaa, ishee amantummaa uffattee, beekumsa cubbuu jaallachuu bara hamaa kanaatiin si sossobuuf kaate dha. Yaa anaa! Hubdumti isaanii hafuura wallaalchisa dhuunfaadhaan yookiin garee amantiitiin, beekumsa saayinsii fi qaroomina amayyaatiin ka'anii dha! Dubbatanii...

Daqiqaa muraasa booda xumuruuf deemna. Xumuruufan deema, sababiin isaa guutummaa isaa har'a xumuruu waanan hin dandeenyefi, hubadhaa.

Isheen ijaarsa gurguddaa adduyaa kanaa ijaarteen keessa si jiraachisa siin jetti. Isheen qarommina isheetiin waldaa babbareedoo, kolleejjiwwan, mana bornootaa, Hospitaalota, Manneen kitaabaa, gargaarsa namoomaan siif ijaareera jetti, Sagalee Waaqayyoo dhiiftee. Isheen isa kana gooteetti. Isheen kana gochuuf mirkaneeffatteetti. Namoonni immoo isa kanaf jedhanii kufan; eeyyee obboo, mana barumsaa, dameelee amantii, aadaa, namoota uffata gaggaaril uffatan, namoota nyaata gaggaaril nyaatan.

Arruustoo foon indaaqqoo guyyaatti yeroo sadii nyaachaa kan ishee ejjituu akkasii ta'u manna, daabboo tokko guyyaatti nyaadhee Waaqayyoo wajjin jiraachuu naaf wayya.

93 Yaadadhaa, yerichi dhi'ateera, yeroon itti mallatteeffamuu ga'aa jira. Yookiin isa keessa jiraachuu, yookiin isaa ala jiraachuu isiniif wayya. Inni akka hattuutti halkan isinitti dhufa. Utuu isin achi keessa jiratanii akka achitti isin hin qabne. Achi keessa ba'uun hin jiru; isa keessa ba'uu qabdu. Kottaa ba'aa!

Eragmaan Waaqayyoo waaqa irraa, ifa guddaa fuula isaa irraa ifuun dhufee namoota sagalee guddaa dhaan iyyee waame. Sagaleensaa lafa raase. "Kuftettti, Baabiloon guddittiin kufteetti. Yaa saba ko! Cubbuu ishee keessa akka hin qabaannetti, dha'icha ishee irraas akka hin hirmaannetti, kottaa, ishee keessa ba'aa!" Ishee keessa ba'aa. Ba'aa! Sagalee Waaqayyoo keessatti yeroo dubbifanne Ergamaan Waaqayyoo (Angel, "Ergamaa lafa irraa" wajjin tokko akka ta'e ilaalleerra mitii? hubadhaa, inni gadi bu'aa jira. Waan Hafuurri Qulqulluun dubbatu qalbeeffadhaa, "Hirmaattuu dhi'acha ishee akka hin taanetti, kottaa, ishee keessa ba'aa."

94 Amma isheen waan kana hundumaa ijaarteetti. Isheen Waldaa gurguddaa ijaarteetti. Isheen kolleejji fi mana barumsaa ijaaruudhaan, saba ofitti fudhattee isaan barsiisuudhaan gara waan fooyya'aa qaroomina jedhanii waaman sanatti galchite. Isheen qaroomina amayya'ummaa isaan barsiisuu isheetiin qarqara boolla du'aatti

isaan fidde. Isaan beekumsa barataniin Waaqayyoo fi Sagalee isaa irraa fagaatan.

Guutummaa caasaa sirnichaa argitanii? Isa kana argitaniittuu Waldaa? [Amantoonni, "Ameen" jedhan.] Warri qilleensa irraan hordofaa jiratan, waldaa keessan keessatti isa argitaniituu yoo ta'e, "Ameen" jedhaa, hundumti isaanii eessa dhaattanii akka isin jirtan ni beeku. Hubattanii?

Isheen isa ijaarteetti. Isheen...Inni Waaqayyicha biyya lafaa kanaati, isheen is kolleejji ijaarteetti. Isheen yuunivesiitiwan ijaarteetti. Isheen Hospitaalota ijaarteetti. Isheen mana kitaabaa ijaarteetti. Isheen gargaarsa namoomaa hundeessuudhaan, Sagalicha irraa isaan maqasuuf gowwomsaa quubsaa isa isheedhaaf ta'e ijaarratteetti. Isheen garamitti isaan geessite? Guutummaan Waldaa biyya gara callaboo du'aatti darbatamaniiru, Waaqayyo dubartittii ejjituu sanaa fi ijoollee ishee ibidda bara bараан hin dhaamneen nan guba jedhee dubbateera waan ta'eef.

Yaa saba ko, kottaa, ishee keessaa ba'aa! Ishee keessatti qabamntanii hin jiraatinnaa. Hamma dandeettii keessanii fiigaatii waan akkasii keessaa ba'aa!

Amma qalbeeffadhaa, isheen Sagalee Waaqayyoo dhiiftee beekumsa saayinsii isheetiin waan kana gochuu dandeesseetti.

95 Waaqayyo raawwatee mana barumsaa akka ijaarruuf nu hin dibne. Gonkumaa kanaaf nu hin dibne. Inni gonkumaa Hospitaala ijaaraa jedhee nutty hin dubbanne. Isaan kun hunduu gaarii dha. Inni gonkumaa mana kitaabaa ijaaraa jedhee nutty hin dubbanne. Lakki, obboo. Gonkumaa akkas hin jenne.

Inni, "Wangeela lallabaa" nuun jedhe. Wangeelli immoo humna Hafuura Qulqulluu nama keessaan mul'isee agarsiisaa jira.

Phaawulos, "Dubbii afaan koo, lallabni koos Humnii fi Hafuurri Waaqayyoo akka na keessa jiru argisiise malee, dubbii ogummaa nama keessaa ba'uun amansiise miti" jedhe. Phaawulos, "Ani dubbii ogummaa doktoor abaluutiinan isin bira dhufe miti, Humnaa fi nama keessaan mul'achuu hafuura Qulqullutiin malee; kana jechuun amantiin keessan ogummaa, yookiin beekumsa namoota biyya lafaa kanaatiin ta'a utuu hin ta'in, humna du'aa ka'uu Yesus Kristosin ta'a jechuu dha; sababiin isaa Inni Isa Jiraataa dha, Inni kaleessas, har'as bara bараанис Isuma Sana" jedhee dubbate. Waaqayyo waanuma isaan itti amananitti akka amannu nu haa gargaaru, Waaqayyos immoo waanuma saba isaatti Mul'isaa ture nuttis haa mul'isu.

96 Inni mana barumsaa isaatiin, mana kitaabaa isaatiin, hogbaruu isaatiin, hospitaala isaa fi wantota biroo isaatiin mul'ata dhugaa fi Sagalee Waaqayyoo isa dhugaan ba'ameefii bara kanaaf ergamettii amantii qabaattanii, akka isin hin hubanneef irraa isin dhowwa. Hubattanii? Inni isarraa isin dhowwa. Inni akkuma Fara'ooniif hiikaa ture, ammas sagalicha hiikaa jira, inni Sagalee Waaqayyoo isa bara Ifa gara bariitti akka mul'ifamuuf abdachiifame akka isin hin hubanneef isin ittisuuq yaalaa jira, Inni dhugaan ba'ameefii mul'ateera. Inni beekumsa isaatiin, mana barumsaa isaatiin, namoota barumsa gaggaarii fi amala gaarii qabanii fi wantoota kana fakkaataniin Isa hubachuu akka isin hin dandeenyef yaalii godheera.

Waan kamiin iyyuu, Kunis immoo Sagalichi Yesus Kristos ta'uun isaa akka isin hin argineefi! Inni Yesu Kristos ta'uun isaa akkamitti beektu? Inni Sagalicha, Inni Sagalee bara kanaatis. Bara kanattis wanti kun akka ta'u dursee waan dubbamateef, kunoo amma ta'uutti jira. Argitanii? Argitanii? Inni hamma dandeettii isaatti Isa kana akka hin hubanneef isin ittisaa jira.

Inni maqaa xuraa'aa itti maxxansee Isa waamuu danda'a. Hubattanii? Inni, "Qulqullota lafarras gangalatan (Holy-rollers) fi waan biraa" jedhee Isa in waama. Inni Yesusin, "Bi'elzebul" jedhee waame. "Isaan Bi'elzebul mootii seexanaa jedhanii erga Isa waamanii, bartoota Isaa immoo hammam caalchisanii maqaa kanaan waamuuf jiru?" Hubattanii?

97 Hubadhaa, inni Hiikkaa Sagalee Waaqayyoo isa dhugaa akka isin hin hubanneef irraa isin ittisaa jira. ...miti. Hubadhaa, inni hiikkaan Isaa kana jedhee jedhee hiikaa jia.

Waaqayyo, "Bara dhumaajala Miilkiyaa boqonnaa 4 nan erga" jedhee dubbateera. Isa kana hiikuun hin barbaachisu; Inni isa kana godheera. Inni, "Akkuma bara Lootitti ta'e, biyyi lafaa haala Sodoom keessaa in taati; yeroo sanatti, ani ilma namaa haala sana keessatti dhugaadhumatti ifatti baasee nan mul'isa" jedhe. Nuyi fakkeessitootaa

hundumaa fi wantoota baay'ee isa kanaaf arganneerra, garuu immoo Nama isa dhugaas arganneerra. Hubattanii? Isa kana akka godhu dubbateera.

Inni Kristosiin mormu ka'ee, yoo isaaf danda'ame warra fo'aman iyyuu in wallaalchisa jedhee dubbateera. Garuu, "Cal'isaatii ilaala. Mee ittuma fufanii haa adeemanii dhiisaa. Gowwummaan isaanii bakkeetti ba'uuf jiraa" jedhe. Maaliif? Sagalee Waaqayyootiin qoranii ilaaluun, isa in mirkaneessa. Hubattanii?

Inni gara Sagalichaatti yummuu dhufu, "Inni kun bara durii keessa karaa kanaan ta'ee ture, karaa sanaan mitii? Oo, ani Sanyii bofaa waan jedhutti hin amanu. Ani kanatti, sanattis, kan biraattis hin amanu" jedha. Inni gonkumaa isaaf hin ifne, lakki. Oo, yaa obboleessaa, mee ilaali iddo...

Amma gara xumuraatti deemuu qabna, sababiin isaa, sa'atii ja'a ta'eera.

98 Qalbeeffadhaa, inni hiikkaa Sagalicha bara kanaa, hiikkaa Sagalicha Ifa galgalaa akka isin hin argineef isin ittsuuf yaalaa jira. Inni... Inni kun maal? Inni kun bara ba'uutu dhi'aachaa jira, akkuma biyyi lafaa ishee kan isaatiif dhufaa jiru, Waaqayyos Isheedhaaf dhufaa jira. Hubattanii?

Amma gaaffiin isin gaafachuu barbaada. Amma sa'atii ja'a ta'eera waan ta'eef, daqiqaa shan booda dhaabeen galgala kana itti fufna. Waaqayyicha bara si'anee hubattaniittuu? [Amantoonni, "Ameen" jedhan.] Hubachuu keessan in amantu? ["Ameen."] Waldaa, hayyuu, saayinsii, hammam akka in ga'u hubattaniittuu?

Hubadhaa, guutummaan biyya lafaa kan isaa taateetti, kan dhaabbilee amantii taateetti. Isin, "Ani Kristaana" in jettu. "Ati miseensa damee amantii kamiiti?" isiniin jedhu. Tole egaa, utuun miseensa damee amantii tokkoo ta'ee, ani Kristaana ta'eera jedhee hin amanu. Egaa, inni kun jecha jabaa dha, garuu immoo jecha sirrii dha.

99 Dhugaa dha, isheen waan gaariis of keessaa qabdi. Hammina hospitaalli qabu namni dubbatu jiraa? Lakki, obboo. Hammina mana kitaabaa hoo? Lakki, obboo. Hammina barumsaa hoo? Lakki, obboo. Garuu hubadhaa, isaan kana hundumaa Sagalichaan ala isaaniif kennaa jiru. Hammam wallaalchisaa akka inni ta'e argitanii? Waldaa isaan dhaquu danda'an isaaniif kennee, "Waaqayyicha taa'umsa achi dhaabbatee taa'e" akka isaan waaqessan godhe. Macaafni Qulqulluun isa kana dursee dubbateera.

Amma egaa isin qaama kana lamaan keessaa kan isa tokkooti. Amma biyya lafaa kana irra isaan kana lamaan qofaatu jira, duri isaanumatu ture, sichis hamma gaafa Yesus dhufuutti in jiraatu; isaan keessaa tokko barbadeeffamuuf jira. Amma egaa isin qaamota kana keessaa kan isa tokkooti. Isaan keesaa isa tokko, isatti dabalamtan; isaan keessaa isa tokko immoo, Isatti dhalattan. Hubattanii?

Isaan keessaa qaama isa tokkoo kan taataniif, sababii Isatti dhalattanifi. Bu'aa dhagana Isaa ta'uun keessan dirqama. Harka koo kan koo miti jedhee ganuu nan danda'aa? Kana yoon godhe, bu'aa dhagan Waaqayyoo yoon ta'e, Sagalee Waaqayyoo ganuu wajjin wal hin caalu. Ani bu'aa dhagna Wiiliyaam Branhaamiiti; bu'aa dhagnaatti qoqqoodamaa dha, bu'aan dhagnaa koo hundinuus dhagna kooti. Akkuma kana, Sagaleen Waaqayyoo hunduu hafuura kootti maxxanuu qaba, lubbuu kootti maxxanuu qaba, jieenya kootti maxxanuu qaba, Inni yaada kootti maxxanuu qaba. Yaadhi koo faallaa Isaati taanaan, Hafuurri Waaqayyoo na keessa hin buufatu. Inni kun sirrii dha. Sagalee isaa tokko ganuu hin dandeessan.

100 Qaamota sana lamaan keessaa, isin kan isa tokkooti. Innis ta'uun kan danda'eef, ta'uun waan irra jiruufi. Innis immoo, yookiin Sagalichaan qaama Waaqayyoo taatu yookiin Waldichaan qaama seexanaa taatu. Guutummaan biyyi lafaas qabeenya Waldaa taate tokkoo in taati; Waqa ta'e tokko in waaqessiti. Yookiin beekumsa dhageessuu irratti hirkattee, kana, sanaa fi waan biraatii hirkattee waaqayyicha beekumsaa waaqessuu qabda, yookiin Sagalee Waaqayyoo irratti hirkatte, amantiidhaan yeroo Waaqayyo dhugummaa Isaa bakkeetti mul'usu eeggachuu qanda.

Waldaan Waaqayyoo isheen dhugaan guyyaa Barkumee gammaachiisaa sana eeggachaa jirti,

Yeroo Goofataan keenya jaallatamaan dhufee Misirroo eeggachaa jirtu butee ol fudhatu,

Oo, akkuman itti dadhabe, kadhannan eeggacha jiru garaan koo ol butamuudhaan guute,

Gooftaan keenya deebi'ee gara biyya lafaa dhufaa jira'oo.

Oo, Gooftaan keenya deebi'ee gara biyya lafaa dhufaa jira,

Seexanni wagga kuma tokkoof in hidhama, nuyi yeroo sanatti qorumsa hin qabaannu,

Yesus bara biyya lafaa deebi'ee erga dhufee booda.

101 Oo, yaa saba Amerikaa, yaa warra iddo Ergaan kun amma itti dhaga'amaa jiruu, bara beekumsaa fi bara saayinsii keessa jiraachaa jirru kana keessaa baqadhaa hamma dandeessanitti. Gara Sagalee Waaqayyootti baqadhaa!

Anis, isinis, namni kam illee Isa hin beeku. Namni Isa mirkaneessuu hin danda'u. Sagalee Isaa kan mirkaneessu Waaqayyo dha. Isa hiikuudhaam namni kam illee mirga hin qabu; anis, namni bira tokko iyyuu mirga hin qabu. Waaqayyo kan Isaa ofuma Isaatii hiika. Inni kakuu gale. Isa kana bara dhuma jala akka godhu Inni dubbateera.

Bara dhumaattis waaqayyichi bara hamaa si'anee ogummaa beekumsa isaati ija namootaa jaamsee, mukicha gaarii fi hamaa sana irraa kutee amma iyyuu namootaa kenna jira. Kunoo as ga'eera, wanti sun oluma deema jira, dameen amantii sun Bara Dukkanaatii jalqabdee, Bara Dukkanaa duraa jalqabdee nama hundumaa gara Nama Guddaa tokkootti, gara Seexana isa, "Ani Ilmaan Waaqayyo gararraatti ol of nan baasa, isaanis ana in dhag'u" jedheetti geggeessaa jirti. "Ofuma isaatii Waaqayyo ofiin jechuudhaan mana Qulqullummaa Waaqayyo keessa taa'umsa in dhaabbata."

102 Maaliif, ilmi Waaqayyoo, "Tole egaa, yaa haadha manaa koo, rakoo hin qabu; ...isheen gaariidha" jedha. Beenu dhaqi, itti fufi. Hubattanii?

"Tole egaa, Inni, 'Ilmaan Waaqayyo' jedhe" jechaa jirtu. Eeyyee, obboo.

Dhiirri, dhiira kamiin illee yoo ta'e, ulfina Waaqayyoof, akka fakkaattii Waaqayyootti uumame. Dubartiin dhiira irraa argamte malee Waaqayyo irraa mit. Sirrii dha. "Warri Ilmaan Waaqayyoo jedhaman durboota mimiidhagoo namootaa yummuu argan, fuudhanii haadha manaa godhatan."

"Akkuma bara Nohitti ta'e, bara dhufaa Ilama namaattis in ta'a."

Amma ilaala, sadarkaa Waldaan irra geesse ilaalu yoo barbaaddan, sadarkaa dubartiin irra jirtu ilaala, hubadhaa, sababiin isaa isheen Waldaa dha. Bara ejjummaa hamaa kana keessas waan isheen hojjechaa jirtu ilaala.

Ilaala, magaalaalaa xurooftuun, kan safuun keessa hin jirre, lafa gadi aaanaa keessa jirtu, magaalaan ejjituudhaan guutte akka Naazireet biyya lafaa kana irra hin jirtu turte, garuu Waaqayyo isheedhuma keessaa Durba tokko fo'ate. "Wanti gaariin tokko Naazireet keessaa ba'uun danda'aa?"

Akkuma kana, bara hamaa kana keessaa, iddo waaqayyicha bara si'anee doogimaa fi damee amantii isaaniitiin ija namootaa jaamse keessaa; baruma hamaa sana keessaa, Waaqayyo Maqaa Isaatiif jedhee sabasaa fo'achaa jira.

Asitti irraanfatamuyyuu tuffatamus, guyyaa tokko Gooftaan in fida

Warra Isaaf fo'aman gara akarra kella keessatti, innis hundumaarra in caala.

Yeroo sanatti in faarfanna in ililchinas, waa'eesaatiif in burraaqnas,

Hoolichi imimmaan keenya in qoorsa;

Torbee gammachisaa ittiin mana keenyatti gallu in qabaanna,

Jalqaba kurnan wagga kuma tokkoo. (Inni sirrii dha.)

Namoota dingisiifamoo Maqaa Isaatiif warra Misirroo Isaa jedhaman. (Kun sirrii dhaa?)

Asitti irraanfatamuyyuu tuffatamus, guyyaa tokko Gooftaan in fida

Warra Isaaf fo'aman gara karra kella keessatti, (ba'uun keessatti) inni kun hundumaarra naaf caala.

103 Ani jaarsa dulloomaa ta'uufan deema jira. Barri jirenya koos moofa'uun jalqabuuuf deema; agartuun ija koo dimimmisuuf deema; ibsaan jirenyaa koo isheen xiqqoon dhaamuuf gadi deema jalqabaa jirti. Ani dukkana hin sodaadhu. Phaawulosii wajjin kana jechuufan jedha waan ta'eef, "Ani Humna du'aa ka'uun Isaa keessattin Isa beeka."

Iddoo barbaadanitti yoo na awwaalan, bishaan keessatti yoo na gatan, yookiin baarmeela keessatti yoo na guban, yoon leencaan nyaatame dhimma koo miti, Inni maqaa kootiin na waama, ani Isa jalaa nan owwaadha. Ameen!

Mee in kadhanna.

As warri jirtan, yookiin iddo kanaa ala bilbilaan guutummaa biyyaatti Ergaa kana dhaggeeffachaa kan jirtan, Waldaalee xixiqqoo fig alma keessa kan jirtan, bakka kamiin iyyuu teessanii kan jirtan, namni tokko yoo jiraatte, mee sin amansiisa; mee sin kadhadha akka hojjetaa Wangeelaa tokkootti; mee Maqaa Yesus Kristosiin sin kadhadha; dheekkamsa bara hamaa kanaa jalaa baqadhu! Waaqayyicha bara hamaa si'anaatiif hin hojjetin.

Oo, "Inni gaariidha. Isaan bayeessa" akka ati jettu nan beeka. Dhugaadhumatti gaarii dha, inni muka wal makaati. Baakumsaa fi Sagalee Waaqayyoo walitti makuu hin dandeessu.

Wanti amantiidhaan itti amanamu Sagalee dha malee, beekumsa miti. Isa in hubatta miti, in fudhatta malee. Inni sirrii dha jettee, Isumaan jiraachuu qabda. Wanti Inni akka ati gootuuf si gaafatu kanuma qofa.

Namni as garee keenya keessaa dhufuuf qophaa'e yoo jiraate, gara iddo aarsaatti akka dhuftaniif idin hin waamnu, sababiin isaa iddoon namni dhaabatu hin jiru; yookiin warrii gamaa, warri qilleensa irraan karaa bilbilaa nu hordofaa jirtan, namni Isa hin beekne tarii isin keessa yoo jiraate nutty haa himu. Hin...

104 Oo, warra dubartootaa, ganama kana isin arrabsaan ture, ana miti, ani Sagalicha qofaan isiniif tuqaa oole. Rifaansa mataa gaggabaasattanii, wayyaa gaggabaabduu sana uffattanii, miidhagduu dhugaa of gochuuf uffattanii yeroo deemtan, hin beektan hafurri... Obboleettii koo jaallatamtu, ati foon keetiin qulqullu ta'uun dandeessa, garuu gara lubbuu keetiitti yoo dhufnu maaltu utubee si qabee akka jiru hin hubattuu?

Waaqayyo intalli isaa akka ilma isaa dogoggorsituuf, akka inni isheetti ejjuuf hawwuuf, lamanna isaanii ejjummadhaaf itti faraduuf ishee miidhagduu godhaa? Inni kana in godhaa, obboleettii? Gaaffii kana of gaafadhu. Lakki, fageenya maayilii miliyoona kudhanii irratti, lakki kanaaf miti! Isa kana Waaqayyotti hin hirkisin.

Obboleessaa, waaqayyichi hamma akka ati dogoggora ta'uun isaa hubachuu dahabduutti hafuura biyya lafaa kanaa siif kennee? Inni naamuusa waldaatti, damee amantii fi waan kana fakkaatanitti ija kee jaamsee, isa Waaqayyo Sagalee Isaa abdachiisee Isa raawwachaa jiru akka ati hin argine si godhee? Hojiin kee, hoogganaan kee, haati manaa kee, ijoolleen kee, waldaan kee, yookiin wanta kamiin haa ta'uun, isa burqaa Jirenyaa ta'e Sagalee Waaqayyoo irraa gargar si baaseeraa? Yaa obboleessa ko, isa irraa fagaadhuu baqadhu! Jaalala Waaqayyootiinan isin jaalladha. Obbolota keessaa namni isini irra caalchifadhee kabaju hin jiru, gonkumaa hin jiru. Utuun akkasim godha ta'ee, ulfina namaan mul'isan ture jechuu dha. Wantoota kana kanan dubbadheef, isin aarsuuf miti. Wantoota kana kanan mul'iseef, kanan jedheef, sababa Sagalee Waaqayyoo irra jiraniifi. Akka garbicha Waaqayyoo tokkoottis, jaalalli Waaqayyoo laphee koo keessa waan jiruuf, wantoota kana kanan isinitti dubbadhuuf ilaalatanii in hubattu jedhee waanan yaaduufi. Tarii utuun isinitti hin himne ta'ee, hin bartan ta'a. isa irraa in fagaattuu har'a?

Biyya jirtan hundumaa, amma mataa keenya gadi haa qabannu.

105 Yaa Waaqayyo jaallatama, fuula koo dura kan kaa'amee jiru kun maarramaa dha. Namoonni dhukkubasatan waan jiraniif, akka isaan fayyiftuuf harka koo irraa kaa'een Si kadhadha.

Galgala kanas yaa Gooftaa, tajaajilli gurguddaan akka ta'u nan amana, Humni Waaqayyoo, milikkinnii fi dinqiin akka nu gidduutti ta'u nan amana. Gubaa'ee keenya lamaan darbanii irraa, wantontoonni gurguddoon akka raawwataman dhageenyeyerra! Yaa Waaqayyo jaallatama, harka lama gootee akka nuuf laattuuf sin kadhadha. Isa kana immoor garaa cabaadhaanan si kadhadha, sababiin isaa jaalalan Siif, Sagalee Keetiif, saba kanafis qabu waan ta'eefi. Yaa Waaqayyo jaallatama, nuuf dhaga'i.

Guutummaa biyyaa keessa, yokkin as iddo kanas taanaan, namni dhukkubaa fi rakkina qabu yoo jiraatee, galgala kana deebi'ee dhufuu namni hin dandeenyeye, yookiin waldaa itti amma itti walitti qabamanii jiranitti namni deebi'uu hin dandeenyeye yoo jiraate, akka Ati isaan fayyiftuufan si kadhadha. Amma yaa Gooftaa fayyina isa fayyina

hundumaarra caaluufan Si kadhadha! Dhagna isaanii kaanserii, TB, Nimooniyaa fi waan biraa irraas yoo fayyifte, isaan amma iyyuu cubbuu jala jiru taanaan deebi'anii dhukkubsachuun isaanii shakkii hin qabu. Garuu fayyina dhugaa isa ta'e fayyina bara baraa, fayyina lubbuu isa uumama haaraa isaan taasisu, isa godoon jireenyaa inni bututaan kun iddoa isaa isa duraatti deebisuu dandeessisu haa argatan. isa kana nuuf dhaga'i.

Seera waldaa fi damee amantii irraa haa fagaatan. Yaa Waaqayyo, sseraa waldaa fi damee amantii keessa kan jiran obboloota ginggaarii wajjin wal argeera. Yaa Waaqayyo, akkamittin isaan in hubatu jechuu danda'a, mee isaan Sagalicha haa hubatanii? Inni kun na rakkisa. Garuu isa ati jette ammas nan beeka, namni hammam gaarii haa'u, hamma amanamaa haa ta'u, hamma hubataa haa ta'u, "Namni kam illee yoo Abbaan koo isa waame malee gara koo hin dhufu. Warri Abbaan koo naaf kenne hunduu gara koo in dhufu" jetteetta. Yaa Gooftaa, diqamni ana irra jiru dhugummaa waan natti dhaga'amee isaanitti himuu qoffa dha.

Akkuma Phaawulos jedhe, "Dubbii Waaqayyoo hin micciirru," doogimaa damee amantii Isatti maknee, akka muka beekumsaa fi gaaummaadhaan, gadhee fi gaariidhaan wal makee hin goonu; garaa banaa fi hafuura Qulqullutiin lallabna malee. Nuuf dhaga'i yaa Waaqayyo. Lubbuu nama hundumaa fayysi.

106 Amma akkuma mataa keenya gadi qabannee ija keenya walirra buufannetti jirra. Anatti gadi jettu miti. Akkas godhaa isiniin jechuu hin danda'u. "Yoon akkas godhes yoon dhiises jijiirama narratti fidu hin qabu." Jijiirama narratti fidu qaba. Isinan jaalladha. Akkasitti hin yaaddan jedheen abdadha, sababiin isaa jecha isin miidhu dubbachuun koo... Akkuma Phaawulos jedhe, "Amma waa'ee keessaniif waanan godhu waanan wallaaleef, utuun isin biratti argamee afaanuma kootiin isiniti dubbadhee, isin buufadhee nan hawwan ture." Waan isaan jibbuuf akka jedhe miti, inni isaan ni jaallata ture. Akkuma Yesus isaan ifataa turee, booda immoo isaanumaaf du'eeti. Hubadhaa, "Yaa Abbaa, isaan waan godhaa jiran hin beekan waan ta'eef, isaaniif dhiisi" jedhe. Dhalli namaa qajeelaa ta'u kan barbaaduu fi qajeelaa ta'uuf yaalii godhaa kan jiru ta'u isaan hubadha, sexanni immoo isa kana hubatee... Inni ani ittiin mormu isa kana, innis immoo isa ija namootaa jaamse sana dha.

107 Sabni kun waan bara kana keessatti, bara dhumaan kanatti waan ishee keessatti ta'u arguuf ulfina Waaqayyootiin lapheen isaa gubachuu qaba. Warri haareessitooni kun maaliif biyyoota durii hin rukunne? Iddoon kun kutaa biyyaa galoo galaana dhihaati, biyya dhiha fagoo ishee xumura lafaati. Amma utubaan cubbuu lafa jalaa qaqqawweessa'uutti jira, isheenis dhidhimaa jirti; iddowwan, Loosaanjeles fi Hooliwiud sa'atii tokkotti iinchii baay'eedhaan gadi dhidhimaa jirti, wanti isa kana dhaabuu danda'us hin jiru. Eeyyee, nuyi egaa as keessa jirra. Yeroo kam irra iyyuu caalaa himanna seeraa dhaga'uuf jirra. Isa kana yoo beektan...

Amma namni tokko illee ija isaa hin banatin. Garuu ni beektu yoo ta'e, garaa keessan irraa fudhattanii... Isin gaafachaan jira. Yoo Waaqayyo natti mul'ise malee, ani yaada garaa keessanii beekuu hin danda'u. Garuu garaa keessan irraa fudhattanii, iddoa Waaqayyoo fi Sagalee Isaatiif jiraachuu qabdan jiraachaa akka hin jirra yoo hubattan, amantiidhaan harka keessaan Isatti ol qabaatii, "Yaa Gooftaa, Ati na gargaari" Isaan jedhaa. Oo, Waaqayyo! Ala waldaa kanaa, wal dhiibani, wal dhiibani keenyan mana kanaa naanna'anii kan jiran, keessaa fi alaan, qabatamaatti harki dhibbootaa ol ka'ee jira, tarii harki nama dhibba lamaa gara keetti ol kaafameera. Amanamummaa keessaniif galatoomaa.

108 Yaa Yesus jaallatama, isaan keessaa namni tokko illee akka hin banne godhi. Garbichi kee warra du'anii fi warra jiran gidduu dhaabatee quba isaa gara Sagalee Waaqayyotti qabaa jira. Ani isaan oolchuun hin danda'u yaa Goofataa, Ati isaan oolchi. Yaa Abbaa, akkuman yeroo baay'ee dubbadhe, aduun ganama baatee lafatti ba'aa dabartu, ho'i ishee midhaan akka bilcheessuuf, nyaata foonii foon qabeessa hundaaf akka bicheessituuf Waaqayyo lafa irratti erga. Garuu, Oo, Yaa Waaqayyo, "Isin warra Maqaa Koo sodaattaniif garuu aduun qajeelummaa inni qarri isaa fayyina of keessaa qabu isiniif in ba'a" jetteetta. Aduun qaleelummaa inni ta'e Sagaleen Waaqayyoo garaa namootaa keessatti ba'ee, qarri amantii Sagalicha keessaa ba'u Sagalichaaf abboomamuu diduu irraa hundumaa fayyisee, gara guutiinsa ilmaan Waaqayyoo fi intaloota Waaqayyoo ta'uutti isaan haa fidu.

Yaa Gooftaa, isaan kana keeti. Warra as jiranis, warra iddoor biraatii qilleensarraan nu duukaa jiranis, warra fayyina lubbuu isaaniitiif harka isaanii ol Sitti kaasas, Maqaa Yesus Kristosiin fuula kee durattin isaan dhi'eessa. Ameen.

Lubbuun koo isheen ol butamte achitti in argamti (Eessatti? Iddoo aarsaa kanatti.)

Gama ceetee in boqotti...(Amantiidhaan nan ilaala gamatti iddoon itti deemaa jiru)

Fannicha bira, (Innis iddoor Sagalichi itti rarraafamu)... fannichi,

Ati yoomiyuu ulfina koo ta'i;

Hamma lubbuun koo ol butamte achitti argamtutti,

Laga gama ceetee boqottutti.

Yesus, na eegi... (Inni kun, Warra Isaa wajjin fannifaman, warra waan biyya lafaa tokkollee hin barbaanne. "Fanno kee jalatti na eegi.")

Lagni gati-jabeessi jira,

Inni hundumaaf tola kennname, burqaan fayyinnaa,

Laga Qaraaniyoo irraa yaa'a.

Fannicha kessa, ffannicha keessa,

Ulfinni koo haa ta'u (harka keenya ol haa kaafnu) yoomiyuu;

Hamma lubbuun koo ol butamte achitti argamtutti

Laga gama ceetee boqottutti.

[Obboleessi keenya Branhaam, amma warra meeshaa muuziqaa taphatanitti haasa'aa jira.] "Waamicha fayisaa kootii nan dhaga'a."

109 Gadi bu'atii nama tokko harka isaa qabaatii, "Kristaana nana,Waaqayyo si haa eebbisu" jedhaa.

[Obboleessi keenya Branhaam, ammas warra meeshaa muuziqaa taphatanitti dubbachaa jira.] "Waamicha Fayisaa kootii nan dhaga'a."

Nu gidduu jiraachuun Isaa isinitti dhaga'amaa jiraa? [Amantoonni, "Ameen" jedhan.]

Warri bilbilaan nu hordofaa jirtan hundi keessan, harka walii walii keessanii qabaatii, "kristaana nana, Waaqayyo si haa eebbisu" jedhaa.

110 Akkuma isin beektan, kuusaa bishaanii duuba sanaa qabna. Inni namoota warra Maqaa Isaa uffatan ol fudhachuuf deemaa jira. Cubbuun keessan akka isiniif dhiifamuuf Maqaa Yesus Kristoositti warri hin cuuphamin yoo jiraattan, bishaanni qophaa, wayyaan cuuphaas namni isin cuuphus qophaa'ee isin eegaa jira. Yesus fayyisaa lubbuu keessanii gootanii dhugaatti fudhantanii, inni kun dhugaa ta'uusisaattis yoo amantaniittu ta'e, akka cuuphamtaniif isin simanna.

Yaadadhaa, Macaafa Qulqulluu keessatti namni tokko illee raawwatee, yookiin hundeeffamu waldaa kaatolikiitiin dura yeroo kamitti illee, namni Maqaa Yesus Kristosin ala waan biraatiin cuuphame hin jiru. Caaffata Qulqulla keessattis ta'e, seenaa hundeeffama kristaanaa keessatti iddoon namni tokkittiin illee Waldaa Waaqayyo Isa Jiraataatti, akkasumas maqaa kabajaa, "Abbaa, Ilma, Hafuura Qulqulluu" jedhutti cuuphame hin jiru. inni kun doogimaa (labsii) kaatolikiin labsite dha malee, barsiisa Macaafa Qulqulluu miti.

111 Utuun luba tokkoo wajjin gaaffii fi deebii gochaa jiruu isa kana gaafadheen ture. Lubichi, "Inni kun waan dhugaa dha. Garuu nuyi Waldaa waan taaneef, waan barbaanne jijiiruu dandeenyaa. Ayyaanni (Solemnity)'n Waldaa keessa jira. Waaqayyo Waldaa Isaa keessa jira" naan jedhe.

Ani immoo, "Waaqayyo Sagalee Isaa keessa jira. Waldaan faallaa Sagalichaa deemti taanaan, Ani waldattiitti hin amanu" jedheen deebiseef.

Luba haa ta'u, Phaaphaasii haa ta'u, nama kamiin iyyuu haa ta'u, jechi namaa Soba haa ta'u; Sagaleen Waaqayyoo immoo Dhugaa haa ta'un jedha.

Phaawulos immii namni hundinuu, akka fedhetti iyyuu haa cuuphamuu, inni Maqaa Yesus Kristositti hin cuuphamne taanaan, irra deebi'aa cuuphamuu akka qabu

dubbateera.

Namoonni kaan erga Hafuura Qulqulluu fudhatanii booda, Phexiros Hojii Ergamootaa 10:47-48 keessatti, "Jarreen amma Hafuura Qulqulluu akkuma nuyi agannetti argatan kun, akka hin cuuphamneef eenyutu bishaan dhowwachuu danda'aree?" jedhee, "Isaan Maqaa Yesus Kristositti akka cuuphamaniif abboome."

Phexrosiif bantuun mootummaa waaqaa kennameera, innis, "Banaa mootummaa waqaqa siifan kenna; waanumti ati lafa irratti hiite, waqa irratti hidhamaa in ta'a" kan jedhu ture. Bantuun hojiin isaa maali? Waan ta'e tokko banuudha, dhoksaan sana banuu dha.

112 Yesus yummuu, "Dhaqaa, Maqaa Abbaatti, kan Ilmaatti, kan Hafuura Qulqulluutti isaan cuuphaa" jedhetti, isa kana kan kaa'eef warra hin amannee jaamsuuf jedheeti.

Akeekkadhaa! Phexros maaliif jecha jechaan isa hojiirra hin oolchine? Gochuu qabatute.

Namni tokko maqaa kabajaa, "Abbaa, Ilma, Hafuura Qulqulluu" jedhuun yoo cuuphame, inni raawwatee gonkumaa hin cuuphamne; inni Maqaa hin qabu. Abbaan maqaa miti, Ilmi maqaa miti, Hafuurri Qulqulluu maqaa miti. Akkuma ani nama ta'e, Hafuurri Qulqulluu immoo Hafuura. Inni Hafuura Qulqulluu dha.

Abbaan maqaa kabajaati; Ani abbaa dha. Ilmi maqaa kabajaati; Ani Ilma. Namni maqaa kabajaati; innis immoo maalummaa kooti. Garuu maqaan koo Wiiliyaam Branhaam jedhama.

Maqaan Abbaa, Ilmaa, Hafuura Qulqulluu Maqaa "Yesus Kristosi dha." Yesus, "Maqaa Abbaa Kootiinan dhufe" jedhe. Maqaan Abbaa maali? Ilmi kam illee maqaa abbaa isaatiin dhufa. Maqaan Abbaa Yesus Kristosi dha. Hubattanii? Waana dubbade Hubattaniittuu?

113 Utuun mana baankiitti gadi bu'aatii maqaa kantiibaa magaalaa kanaatiin qarshii wayii naaf fidaa jedhee isin ergee, kantiibaa magaalaa kanaa meejan keessan beeka laata? Riich Visiing, inni anaaf hiriya gaariidha. Tole egaa, silaa magalaatti gadi buutanii, "Maqaa kantiibaa magaalaa kanaatiin" hin jettan; "Maqaa Riich Visiingiin" jettu malee. Namoonni as Jefersanviilee keessa jiraatan isa ni beeku.

Sababiin Inni, "Abbaa, Ilma, Hafuura Qulqulluu" jedheef, isa kanaafi. Guutummaan Waaqayyummaa namummaa Isaa keessa in jiraata. Isumatu, "Maqaa Abbaatti, kan Ilmaatti, kan Hafuura Qulqulluutti isaan cuuphaa" jedhe.

Phexros mul'ata isa Inni Waldaa irratti ijaare waan of harkaa qabuuf, mula'ta Eenyummaa Isaa beekuu waan of harkaa qabuuf iddo sana dhaabatee, "Yaada garaa keessanii geeddaradhaa, tokkoon tokkoon keessan Maqaa Yesus Kristositti cuuphaa" isaaniin jedhe. Raawwatees... Bantuwan sun waqa keessattis lafa irrattis bananiiru. "Fayyinnis Yesus Kristos duwwaadhaan malee, kan biraatiin tokko illee hin jiru; maqaan kan biraa ittiin fayyuun kan nuuf ta'u waqa jalaa ilmaan namootaaf hin kennamne."

114 Maaliif maqaa Yesus Kristosiin cuuphxu? Dhiifamuu cuubbuu akka argataniif. "Cubbuu isaanii kan isin dhiiftaniif, cubbuun isaanii isaanii dhiifameera." Hubattanii? garuu namni sun cuuphamuuf ga'umsaa fi cimina hin qabu jettanii yoo yaaddan, isa hin cuuphinaa. Akkasumaan yoo isa cuuphyan, hojii akkasumaan hojjetan ta'a waan ta'eef. Waanan jechuu barbaade hubattaniittuu?

Nan dhaga'a waamicha Fayisaa (sagalicha) koo, (gara boolla awaalichaatti waamaa jira)

Nan dhaga'a... ("Anaa wajjin ka'uuf, Anaa wajjin hin duutanii?")...-yisaa koo,

Nan dhaga'a waamicha Fayisaa koo, (Biyyi lafaa maal jedha?)

"Fannoo kee baadheen si duukaa bu'a, si duukaa..."

Amma egaa, warri hin cuuphamin jiratan:

Iddoo Inni (Inni Sagalicha) na geessutti... (boolli bishaanii jira)

Iddoo Inni na geessutti Isa duukaan bu'a,

Iddoo Inni na geessutti Isa duukaan bu'a,

Ani Isaa wajjinan deema, karaa hundumaa Isaa wajjin.

Mee mataa keenya gadi haa qabannu.

115 Yaa Waaqayyo jaallatama, amma boolli bishaanii qophaa'eera. Amma yaa Gooftaa, yaada garaa isaaniitti dubbadhu. Waamicha Sagalee Kristos dhaga'anii, karaa isaanii hundumaatti Isaa wajjin haa deeman.

"Isaa wajjin oobdii keessa nan deema. Isaa Wajjin gara boolla bishaanii nan deema. Ani Maqaa Isaa nan uffadha. Ani Sagalee Isaa nan amana. Ani Isa duukaa nan bu'a. Ani raawwadhee biyya lafaa duukaa hin utaalu. Misirroo kaadhimamatte ishee dhugaa nan ta'a. Sagalee Isaa cittuu tokko irraa illee hin kaadhu. Waan narraa barbaachisu, ishee amanamtuu, Misirrii dhugaa nan ta'a. Akkan raawwadhuuf waan Inni narraa barbaadu hundaa, nan raawwadha.

"Abbaan Manaa koo inni dhufaa jiru rifeensa mataa koo akka guddatu barbaada yoo ta'e, nan guddisa. Inni meekaappii kana hundumaa akkan of irraa dhiq barbaada yoo ta'e, of irraan dhiqa. Inni... Inni wanti hamaan ani duukaa utaalaa jiru kun, wayyaa qullaa nama mul'isu kana uffachuun hafuura hamaa ta'u isaa yoo natti hime, ani of irraa nan baasa. Waan namni kan biraan naan jedhuttii dhimma hin qabu, wayyicha of irraa nan baasa.

"Inni gareen warra hin amannee warran keessa jiru keessaa akkan ba'uu yoo barbaade, iddo bidden kootii yoo ta'e illee, waan fedhe yoo ta'e illee, isaan keessaa nan ba'a. karaa hundumaatti Isaa wajjin nan deema. Inni Maqaa Isaatiin akkan cuuphamu yoo barbaade, nan cuuphama."

Yaa Gooftaa, asi kunoo Sagalee Kee keessatti dubbatteetta, innis immoo waan Ati barbaaddu dha. Yaa gooftaa, namni hundinuu isa hubatee, gadi of deebisuudhaan dubbii keetiif haa qoomma'u. Maqaa Yesusiin si kadhanna. Ameen.

116 Isin kan Waaqayyoo ta'aa. Waaqayyo Sagalee addaan ciccitaa kana akka isiniif dhugoomsuuf garaa koorraan isiniif kadhadha.

Boolli bishanii qo'aa jira. Nama dhufuu barbaadu kam iyyuu, isaan... Isa kana Tajajilaan yeroo xiqqoo booda isin beeksisa. Namni yaada garaa isaa jijiirratee, Maqaa Yesus Kristositti cuuphamuu barbaadu jiraannaan dhaqee haa cuuphamu. Wanti hunduu qophaa'eera. "Wanti barbaachisu hunduu Qophaa'eera." Waaqayyoof akka jiraattaniif Waan gochuu dandeenyu hundumaa gochuuf, kunoo nuyi as jirra. Waaqayyo isin haa eebbisu.

Amma ol kaanee haa dhaabannu. Amma farfanna keenya ishee jaallatamtuu, Ani Isa nan jaalladha jedhu walii faarfanna. "Ani Isa nan jaalladha, sababiin isaa Inni dursee na jaallateef." Hundumti keenya waliin haa faarfannu.

Ani Isa nan jaalladha...

Harka keenya ol qabnee haa faarfannu.

...Ani Isa nan jaalladha

Sababiin isaa Inni dursee na jaallata

Gatii fayyina kootii naaf kaffale

Muka Qaraaniyoo irratti.

Mataa keenya gadi qabannee, garaa cabaadhaan, Isatti haa gungumnu. [Obboleessi keenya Brankaam Ani Isa nan jaalladha faaruu jedhuun Isatti gungummuu (Humming) jalqabe.]

Ani Isa nan jaalladha.

[Obboleessi keenya Brankaam, Ani Isa nan jaalladha jedhee gungumuut ittuma fufe.]

Oo, Yaa Waaqayyo, Abbaa keenyaa, nu warra hiyyeessota kanatti araarami, yaa Gooftaa. Hojii fuula keenya dura jiruuf nu jabeessi. Na gargaari, yaa Waaqayyo, na gargaari! Wanti ta'e tokko fuula keenya dura akka jiru natti dhaga'amia jira, yaa Abbaa. Yaa Waaqayyo, dhugummaa isaa akkan baruuf na gargaari. Yaa Waaqayyo jaallatama, saba kana eebbisi. Isaanii wajjin ta'I, Maqaa Yesusiin si kadhadha.

Amma akkuma mataa keenya gadi qabannee jirrutti, jaallatamaa obboleessi keenya Paaster Neviileen atti ol dhufee waa'ee cuuphaa adeemsifamuuf jiruu natti haa himu. Isa kana isinan beeksisa ta'a. Booll bishaanii qophaa'eera jedheen yaada.



www.messagehub.info

Kan Lallabame

William Marrion Branham

"... bara malaakanni afuufamutti..." Mul. 10:7